

2 FLORUS  
ANGLICUS,

Sive

RERUM ANGLICARUM

*Ab ipso exordio, usque ad Caroli primi  
mortem deductarum*

COMPENDIUM.

*Auctore*

LAMBERTO SILVIO.

*Amstelodamensi.*



AMSTELODAMI,

Apud JOANNEM RAVESTEYNIUM

MDCCCLXXII.

NO. 1014

THE COLLEGE

UNIVERSITY OF MICHIGAN

LIBRARY

ANN ARBOR

MICHIGAN

1850

1851

1852

1853

1854

1855

1856

1857

1858

*Eruditissimo , præstantissimo*

Viro

SIMONI DOMEKÆIO

*Amboinæ quondam præsidi , &c.*

*Amico observandissimo.*

S. P.



On diu observande  
patrone quærendum  
mihi fuit , cui hoc  
meum Anglicarum  
rerum compendium  
offerrem . Tibi de-  
betur quantum mihi suppetit , quip-  
pe qui studiorum insolitum , ne  
dicam expertem , atque adeo ter-  
giversantem amica juxta & utili ad-  
monitione , stimulare & impellere  
non desieris . Tali utique stimulo  
opus erat mihi , quem justæ ad ma-  
jora vestiganda alæ destituunt . Et  
jam cum hisce meis paginis lucem  
videre erubesco , Doctorum viro-  
rum oculos offendere contremisco ,  
nec ignoro haud quaquam defutu-  
ros qui syncrusio risu audaculum

# D E D I C A T I E.

prosequuntur , & mordacibus dic-  
 teriis ( immeritum tamen ) pro-  
 scindent. Tu autem si quis litera-  
 rum amor, si quæ in obsequentem  
 amicum benevolentia, non patere  
 surgentia hæc germina in ipso par-  
 tu opprimi , tu laureis munitus  
 à maligno obrectatorum fulmine  
 inermem libellum vindica : ad te  
 confugio literatorum asylum. Si  
 forte non usquequaque, ille, quem  
 affectant verborum artifices, elegan-  
 tiarum decor gravitasque appareat,  
 excusa tenuem peritiam, pulvere  
 scolastico haudquaquam obsitam,  
 quam non desudans palæstra, nec  
 rauca doctorum declamatio, nec  
 æstuans æmulorum exercitatio, sed  
 domestica umbra, & ignobilis  
 industria genuit. Ne autem futilia  
 credas quæ tanto viro oblatum ve-  
 nio, habet sane hic libellus quo-  
 rum nec pudet, nec piget, Histo-  
 riarum haud illepidam congeriem,  
 rerum inusitatam, & bellorum mi-  
 randam aleam, exercentes diris  
 crucia-



# DEDICATIO.

cruciatibus plebem Tyrannos , atque eosdem , horrendo tormentorum delectu , ab ipsis subditis interemptos , devictas gentes , & ex rebus conclamatis in novam virtutem resurgentes . Istiusmodi sunt quæ tua audiunt ; si tibi demum placeant , plurimum mihi gratulor , nec laudari volo , cum sperare laudem non possum , vituperari non debeo , cum communi utilitati & commodo studuerim , quod autem volo , possum , & debeo , manebo in perpetuum .

*Observande Patrone*

Tuus

L. SILVIUS.

(\*) ; LECTO.

# LECTORI.

**H**abes, amice lector, rerum Anglicarum breve oppidò compendium, ea tamen diligentia, illoque scrupulo scriptum, ut pæne nihil nisi circumstantias, & ambages desideres. Hoc tum labori tum tempori consultum fore arbitror; quid enim juvat atatem in rebus vestigandis perducere, si momento quasi desiderio satisfieri possit? uno oculo tot scriptorum labores & sudores perlustrare possis? ab ipso rerum exordio, ne quid deesset, ad hæc usque tempora historiam deduximus, immo res Carolo primo infelicitè gestas adjecimus, non meam sed eorum fidem secuti, qui, si absit invidia, veraces testes, & miserantes Tragediæ spectatores audire possunt. Neque ipse partibus implicitus vim veritati molitus sum. Si amor adsit, odium tamen mihi exulat, & si forte quisquam (quod in recentibus fieri amat) posthuma experientia latentes altius rerum causas, eadem cura protulerit, fidem habere non detractabo, tantum abest ut mihi potius meoque studio, quam aliis credam. Quod mihi volupè fuit, tibi ingratum futurum non puto. Non me (ut spero) speratus ille fructus destituet, si adsit, nil ultra ambio, nil affecto. De stylo moderatè sentias, humaniter iudices, non in admirationem rapiet, scolastico nitore fulgurans, non curiosos oculos morabitur verborum lenocinio, & arguto sententiarum delectu superbiens. At quid dicam ulterius? excusandum est. Non potuit me iustis destitutum.

# LECTORI.


destitutum alis, laudis affectatio in sublime rapuisse. Modica placent, placere saltem debent, cum magna non possum. absit tantum obtrektorum invidia, sciolorum incilatio, & felix fuero. hisque presatus manebo.

Tuus

L. SILVIUS.



De



# BRITANNORUM REGIBUS.



Britannia antiquitus non uni sed diversis paruit Regulis, quorum quatuor nomina Cæsari dicuntur, Cingetorix, Carvilius, Taximagulus, & Segonax, Certior quidem propterea, sed longior Romanis de his victoria fuit, dum enim singuli pugnant universi vincuntur. Reluctari tamen subinde ausi ægrè admodum cervices alieno imperio submittere Britanni, quos inter muliebri sed illustri emicuit facinore Voadicia Regina, quæ cum antea cum filiabus virginibus, vim à Romano milite passa erat, in vindictam amissæ pudicitiae, ingentem conscripserat exercitum, quo maximam hostibus stragem intulit, mutatâ vero postea belli alea, hausto veneno paratum servitium effugit. Quingentis admodum annis Romano imperio subiecta fuit hæc insula, glisciente autem domi discordia, sponte tanto labore partam deseruerunt, abductis tamen Britannorum secum quos belli usui aptiores Iudicabant, quorum pars in bello occubuit, pars fame & inedia consumpta, pars in Armoricam Galliae se conferens, sibi salutem & Provinciæ nomen dedit.

Desertam utcunque Regionem Picti &

Scoti invadere contendunt, quorum ut resistent violentiæ electo in Regem Vortigerno Cornualliae Comite, Saxonum sive Anglo Saxonum, cum promiscue illo nomine vocabantur bellicosæ in Germania gentis auxilium implorant: qui Hengisto & Horso ducibus cum novem admodum millium militum exercitu in Britanniam transfvolant, quorum fortitudine Scoti & Picti conferto prælio vincuntur. Ex quo tanta crevit de Saxonibus opinio, ut Angelorum Cœlitus missorum instar haberentur; immò concessa insulæ parte in societam asciscerentur.

Vortigernus quoque formâ Rovenæ Hengisti filiæ captus in uxorem illam non difficilè impetravit. Haud parum eâ fortunâ Hengistus elatus jam Patriæ oblitus Regnum sibi in Britannia imaginabatur, evocatis igitur ex Saxonia suorum haud paucis, vi occupare hanc terram satagebat. Proceres vero Regni hæc cœpta præfagientes, Vortigernum uxorium planè Regem de sede deturbant, filiumque ejus Vortimerum Regem creant. Ille subito quantum militum poterat corripiciens, prope Alesfortum hosti obviam profectus est, ubi singulari certamine hinc Catigernus Vortimeri, illinc Horsus Hengisti frater occubuerunt. Saxones verò totam Britanniam deserere adacti, vel in Thaneto, concessio illis territorio, quietem non invenere. Vortimerus autem cui suam libertatem Britannia debebat

bebat quadrimo imperio jam perfunctus,  
 à Rovena Vortigerni uxore veneno è me-  
 dio tollitur, Procèresque ab astuta fœmina  
 ut veterem Regem Vortigernum revocent,  
 persuadentur, quo factò, Hengistus generi  
 favore audacior, denuo conscripto exer-  
 citu invadere Britanniam tentat, non bel-  
 lum se inferre Britannis, sed Rovenam pe-  
 titum fœdusque æternum oblatum venisse,  
 fallidè mentiens. Non displicuit fœderis  
 fallax nomen, dictoque loco Britanni in-  
 censes, Saxones autem brevioribus gladiis  
 sub vestibus occultis armati, conveniunt,  
 quorum dolò gens imbellis haud difficilè  
 opprimitur, trecenti nobiles occisi, Rex  
 ipse captus libertatem postea Cantio,  
 Sufflexia, Suffolcia, & Norfolcia Provinciis  
 demit, ipse autem in Cambriam confugit.  
 Saxones interea innumeri in Britanniam  
 populerunt, totamque pæne insulam ceu  
 improvisa inundatione submergunt: do-  
 cte Aurelius Ambrosius genere Roma-  
 nus, cætera Britannis addictissimus, confla-  
 popularium manu, in Britanniam appel-  
 lit, & primo imperu Vortigernum Regem,  
 aliorum haud dubiè causam improvissò a-  
 ruitur, obsessumque in castello quodam,  
 misso igne cum ædificio consumit. Po-  
 stea Saxonibus non uno prælio multum  
 gotii faceffit, tandem verò veneno à sub-  
 nato quodam Saxone ipsi propinato, mi-  
 re interimitur, postquam triginta duo-  
 s annis rebus Britannorum præfuerat.

Uter ipsi ad Regnum successit, vel ut quidam volunt Pendragonius Britannus, ita dictus quia in vexillis suis draconem aureo capite insignem circumferre gestiebat, etiam nunc Anglis gestamen honorum. Hic etiam diversis præliis Saxonum superbiam concussit, donec decimo octavo Regni anno injecto in puteum (cujus aquam quotidie bibere assuetus erat) toxico, & ille interficitur.

Arthurum ex formosa quadam & nobili fœmina Cornuwalliæ Ducis uxore natum, successorem habuit. Hic fortitudine insignis propria manu octingentos Saxones occidit, aliaque stupenda miracula edidit, nec non rotundæ tabulæ ordinem instituit, postea vero in acie faucius vigesimo sexto Regni anno occubuit.

Illum secutus est Constantinus hunc Aurelius Conanus Arthuri Nepos, Conanum Vortiporus, tunc Malgo Conanus, deinde Carelicus, Carelico successit Cadvanus, huic Cadwallo & Cadvalladar, qui Britannorum Regum ultimus fuit, avitum enim Regnum sponte deferens in Galliam Britanniam trajecit, cujus absentiam Saxonum animi usque adeo increvere, ut magnâ copiâ transvolantes, Britannorum suo Rege destitutorum vires attriverint, omnemque insulam faciliè in suam potestatem redegerint. Quorum ferociæ dum resistere conatur Cadvalladar, Divinitus, ut creditur) admonitus, Romam profectus, & spi-



Spiritualem vitam professus est, obiitque monachus. Saxones jam rerum potiti in septem Regiones totidemque Reges vastum hoc territorium divisere, quorum tamen qui plurimum pollebat Anglorum Rex indigetabatur, ut in ipsa Heptarchia Monarchiam fuisse liquidò appareat. Et jam Christiana Religio haud parvam (sublatis Ethnici erroris nebulis) Doctore Augustino Anglorum (ut dicebatur) Apostolo, incrementum fecerat, tantoque ardore hoc lumen ab Anglis accipiebatur, ut certatim nomen suum dederint, sacra ædificia extruxerint, & Divina munia obierint.

Florentissima diu sub hac Heptarchia Saxonum res fuit, donec gliscente intestino bello in occiduorum Saxonum potestatem concesserit. Egbertus enim occiduorum Saxonum Rex cum quatuor Regna jam bello in suam potestatem redegerat, cæteraque duo jam spe devorabat, in Patriæ memoriam exuto Britannorum quin etiam Saxonum vocabulo, Anglos omnes incolas, terramque Angliam uno vocabulo dici iussit.

Iam ad summum fastigium Anglorum res pervenisse videbatur, cum exitio suo proxima erat; Fallax adeo est omnium rerum humanarum facies, ut cum plurimum niteat, nutare credenda sit. Dani enim jam pridem ad Angliæ littora piraticam facientes, facto tandem impetu hanc terram invadunt ducibus Angaro & Hubone, to-

tamque Regionem miserè populantur, nec sacris nec prophanis parcentes, quando Coldinghamensium Virginum sacrarum illustrissimum enituit exemplum, vel cum corporis dedecore, defensæ pudicitiae. Nam debacchantium passim militum præfagientes violentiam, nares sibi & supremum labium amputarunt, ut monstro similes, impuram gentis incredulæ lasciviam mitigarent. Merciorum & orientalium Anglorum Reges ab his interempti sunt & eorum Regna cum haud ignobili Northumbriæ parte occupata, quorum tandem ut insolentia reprimeretur grave Tributum populo imperarum, quod *Dangelt* sive *Danigelt* vulgo dicebatur.

Alfredo tandem occidentalium Saxonum Rege, masculè repelluntur, & Merciam, tota exuuntur. Cujus victoriis Eduardus filius insistens orientalem Angliam pulsus Danis suo imperio subjecit. Adelftanus vero hujus filius nothus tantum illis terrorem incussit, ut non tantum Northumbriam verum totam Angliam ipsi cesserint, quin etiam nonnulli sese in ejus potestatem dederint. Ethelredo autem viro languido & ignavo Regnante, novo furore perciti, deintegro terram invadunt, populantur, & misere devastant, quo commoti Angli, in itâ conspiratione, una nocte omnes Danos per universam insulam trucidant, tantumque incendium auctorum sanguine extinguunt. Sueno autem Danorum

rum Rex hac suorum strage irritatus, ingenti exercitu Angliam invasit. Ethelredum fugavit, totumque præterea sibi Regnum obsequens reddidit, morteque suâ ad filium Canutum transmisit, qui variâ fortuna cum reduce Ethelredo Edmundoque filio luctatus, duos filios successores habuit. Haraldum Spuriû, & Canutum audacem, hisce vero obeuntibus, Regnum de integro excussio Danorum iugo ad Anglos devolvitur, Eduardo Ethelredi filio ad Regiam dignitatem erecto. Nunc tandem respirare Anglia inceperat; Verum quod plerumque usu venit, orla quibusdam exitio suæ, sacerdotes maximam partem parta quiete desides omnia præter officium curabant. Populus, luxu solutior, inertî torpore vilescibat, disciplina exoluerat, Res publica variis vitiis intabescibat, superbia passim, & incuria, rectam ad exitium semitam straverant.

De Primo

REGE NORMANNO,

GULIELMO CONQUÆSTORE.

Anno 1067.

**E**duardus Confessor, ultimò defunctus in Normannia degens, ejus Regionis duci Guljelmo si forte supremam diem clauderet Angliæ Regnum ut affini & consanguineo suo promiserat, quamquam ille Guljelmus Nothus ex Rustica

puella Roberto quidem Normanniæ Regi Patri, natus erat. Haroldus vero Godvini Cantia Comitis Filius, vir audax bellicque strenuus vacuum sedem, non expectato procerum consensu, ultrò occupavit, quamvis Tosto frater omnibus modis obniteretur, bellumque fratri moveret; conferto autem prælio ad Eboracum periit. Guljelmus interea Normannus jure suo fretus conscripto exercitu in Angliam ad Australes Saxones appulerat, Haroldus audito ejus adventu, quanvis recenti certamine lassato milite, signa, in hospitem Guljelmum convertit. Haud procul ab Hastyingo acri prælio concurritur mutatâ vero Anglorum fortuna, Haroldus furore bellico percitus, medium sese in objectos hostes inferens, fortiter pugnans occubuit, magnoque suorum numero mortuum sese immiscuit. Victor Guljelmus Victricia signa Londino mox intulit, & Rex à superstitè populo salutatur, Regnum Divinitus ut ipse aiebat sibi destinatum jam justâ victoriâ adeptus. Rex (quod victoribus antiquum est) abolitis statim Anglorum ritibus, legibusque magnam partem, Patrios mores protinus induxit, jussitque ut omnes qualescunque causæ Gallicè disceptarentur: Anglisque qui arma contra ipsum gestaverunt hæreditate exclusis, Dominia, prædia, agros, aliaque bona militibus in victoriæ præmium assignavit, servato tamen sibi directo Dominio, obsequioque, clien-

entelari sibi suisque successoribus jure  
vincto, scilicet ut nullus præter Regem  
et verusque esset Dominus. Sigillum  
quoque sibi ascivit, cujus primæ parti in-  
scriptum erat: *Hoc Normannorum Guljelmum*  
*nosce patronum* alteræ autem parti:

*Hoc Anglis signo Regem fatearis eundem.*  
eorum ita subruta potentiâ, ad clerum  
e convertit, edictoquo sancivit nequis  
monachus Anglus ad aliquam dignitatem  
ularem eveheretur, Cnutonis quondam  
gis facilitatem suggillans, qui victo à  
populo integros honores servaverat, qua  
itate incolæ ferocientes, advenas post  
s mortem haud ægrè expulerunt, sibi  
e libertatem restituerunt.

Danorum deinde imminens bellum datâ  
unia sedavit, ut scilicet qualicunque  
etio sibi staret quies. Ex quo nullus dein-  
Anglis ab infestis quondam Danis me-

Nec tamen adeo à turbis immunis  
, quin hic aut illic à malè compresso &  
nito populo tumultuatum sit, facile ta-  
n ventosa factio oppressa est.

Cæteris omnibus autem gravior, quia  
natura alienior filii Roberti in Nor-  
mania rebellio fuit. Hic Philippo Gallia-  
Rege instigante, hunc Ducatum ut  
prium suum jus Patrem poscebat, &  
acto Normannium infestis armis inva-  
at. Verum quidem est Patrem hoc ipsi  
itorium promississe, filius vero moræ  
olens, sperato Regimine diutius destitui

non poterat. Rex autem audito filii motu, subito ipsi cum instructissimo exercitu obviam profectus est, concurrunt prælio, filius Patrem ab equo deturbat, inflicto ipsi quoque in brachio vulnere, cum autem ex voce Patrem cognoverat, relicto & suo equo, ipse à terra senem erexit, atque ad ejus genua provolutus, veniam audaciæ suæ oravit, nec difficilè inter paternos amplexus, impetravit. Verum enimvero quamvis Patrem placasse videbatur, Divino tamen numine talia nunquam impunè prætermittente, omnia in posterum adversa habuit. Tali Clementia ad miraculum usque & aliàs emicuit Guljelmus, adversariorum suorum haud paucis (raro exemplo) ad supremas dignitates eVectis, quasi sua lenitate ferocia ipsorum ingenia mitigare, & rebelles animos cicutare, conaretur, ut scilicet in benefactorem sui obsequio, uti ipse in hostes beneficiis clarescerent, & obedientiam ipsi, in quem impunè peccaverant, denegare erubescerent. Domitis ita quàm beneficiis quàm ferro rebellibus, latius jam extendere Regnum molitur, Cambria in potestatem suam redactâ, Scotiæque Rege Malcolmò facto sibi beneficiario, & adjectis ita novis regionibus, Angliæ gratiam pro concessâ Corona, retulit. Ne autem nimium recens domita subditorum protervia insolesceret, tributa, & stipendia quædam non admodum levia illis imperavit, legesque Gallica linguâ (in Patriæ de-

cus)

us) disceptandas, composuit, Monachorum quoque superbiam frænavit. Cantuarii veteres consuetudines retinuerunt. Quippe Rex Doverium versus quodam die ex faciens à Cantuariæ incolis avulsos arborum ramos gestantibus, lepidè circumventus est, à quibus haud primum dimissus quam veteres vivendi ritus ipsis concesserit. Londinensibus quoque sua privilegia, haud secus, atque Eduardi confessoris tempore fuerant, indulgit, sed nobilitati cervorum venatione interdixit, has utilitas sibi soli reservans.

Rem Ecclesiasticam haud minus disposuit, composita lite inter Eboracensem, & Cantuariensem Archiepiscopos, illo huic obiecto, dictusque in posterum fuit Eboracensis Angliæ Primas, Cantuariensis vero Primas totius Angliæ. Scotiæ verò Ecclesias Eboraco, haud secus ac Angliæ Cantuariæ subiecit.

Quavis autem Ecclesiasticorum insolentiam reprimere videbatur, magno tamen os loco habuit. Offensus enim Aldredus Eboracensis Archiepiscopus, quia quæ petebat non impetraverat, commoto animo ire volebat, Rex autem ejus Præsulis orum non ferens ad genua ipsius provolutus, submissè veniam rogavit. Episcopus Regem erigeret admonitus, minimè, inquit, sed quanti sit Divum Petrum offensus, experiatur. Amplioribus autem beneficiis amorem suum erga Ecclesiasticos exhibuit,



buit, innumeris ad divinos usus extructis, Templis, monasteriis, aliisque sacris ædificiis.

Sub finem vitæ Regnique sui, Robertum atque Henricum filios suos suppari potestate Normanniæ præfecerat. Exorta quodam die inter Henricum & Galliæ Delphinum Ludovicum, unà tabulis ludentibus, acri utique dissidio inter Gallos & Normannos causam præbuit; attracto in partes suas Roberto, Gallus Conscripto exercitu Normanniam invasit. Guljelmus autem paratâ classe statim in Normanniam transvolavit, filioque Roberto haud difficile ad obsequium reducto, Rotomagum ut & Gallis negotium facefferet, profectus est. Ubi ex labore cum valdè obesus erat, defatigatus, paulum substitit. Gallus autem Guljelmum ægrotantem, & obesum ejus ventrem suggillans, à *puerperio illum decumbere*, locosè asseruit. Guljelmus autem cum hoc ad illum deferebatur scomma, *immo verò* inquit, *si forte ab hoc puerperio reconvalescam mille lumina in gratiarum actionem Divino numini accendam*. Nec diu, in vaso Galli territorio, flamma ferroque omnia populatus est. Brevi autem post in eandem imbecillitatem incidens, vitam tandem Rotomagi efflavit. Defunctum non tantum deseruit, verum etiam spoliavit familia. Nec sine infortunio ter relictum ejus cadaver, in sepulcrum tandem suum, nec dum integrum demissum est.



## GULIELMUS SECUNDUS,

## ANGLORUM REX.

Anno 1088.

Uccessit Patri Guljelmus cognomento Rufus filiorum tertius. Principium ejus regni molestum & turbidum fuit, infenso præreptam successionem fratre Roberto, divisaque atque in ejus exitium conjurata nobilitate; verum quâ prælio, quâ vi, quâ beneficiis pacatis omnibus, hoc se periculo expediit.

Gravius autem discrimen minabatur ex Scotia imminens tempestas: Malcolmus nim Scotorum Rex Anglo quanvis beneficiarius, inter tot turbas rei bene gerendæ occasionem aucupans, gravi impetu Northumbriam arripuit, ferroque flammâque obvia quæque devastavit, spoliisque nudus in Patriam rediit. Guljelmus autem instructo exercitu invasit Scotiam, & Malcolmum debellatum ad obsequium tandem reduxit, & in securitatem obsides dare compulit.

Robertus Regis frater, ob non solum fratre quod promiserat prætium, denuò bellum eidem indixit, Galliæque Rege paribus implicito, oppida quædam quæ fraterni juris erant bello arripuit. Guljelmus autem, corrupto prætio Galliæ Rege, auxilio adeo destitutum fratrem haud difficile ad veniam proterviæ suæ rogandum adigit.

Ut verò ordine omnia fierent Malcolmus sua vice, arrepta ex Angli contemptu bellandi occasione, novâ injuriâ Guljelmum, deprædato ejus territorio, laceffivit. Cum vero spoliis gravis jam reditum meditabatur, insidiis forte interceptus suâ cum præda occubuit.

Nec tamen turbarum finis fuit, Cambro Britanni enim, implicitum turbis Regem adorti, obvias ejus terras depopulantur, quos secundo prælio tandem Guljelmus domuit.

Robertus interea Mombrajus cujus fortitudine Malcolmus victus erat, se contemni, aut sicuti par erat haud æstimari ratus, quibusdam aliis Magnatibus in societatem accitis, in Regem suum exurgit; Rex autem subito conjuratorum manum adortus facile tumultuarium bellum capto Mombrajo finivit; verum ne de integro oppressa utcunque CambroBritannorum pervicacia majore cum periculo postea resurgeret, in totum domare eos Guljelmus jam conatur, in vaso eorum Regno, & castellis erectis, cum autem in prolixum hoc bellum producebatur, re Hugoni Salopiensi, nec non Cestriæ comitibus commendata ipse abiit, qui crudeliter Cambriæ incolas præcisis naribus auribusque, habuerunt, donec occiso Salopiensi Comite, Hugo Cestriæ Comes, interempto Cambriæ Rege, plenam de iis victoriam retulerit.

Vivente Lanfranco Cantuariensi Archie-

hiepiscopo, ceu fræno gubernabatur, illo-  
ero postea defuncto, quasi omnibus solu-  
us claustris, oppressa re Ecclesiastica, im-  
modicis tributis durisque legibus, mirum  
in modum debachari cœpit: jam primitus  
uncta vel Ecclesiastica munia venalia, nihil  
non prætio licitum. Nec tamen in totum  
beneficiorum expers fuit hujus Tyrannis,  
concesso pauperi monacho gratis, de quo  
quo alii magna contentione, gravique ar-  
gento, licebantur, munere quodam.

Quæ tamen vitia mira animi magnitu-  
dine compensabantur, audita enim Mantii  
oppidi obsidione, perrupto muro quo ci-  
us adesset, sequentibus solummodo quos-  
dem pellebat animi ardor, nec non con-  
empto rigidi maris periculo, improvisus  
adfuit, urbemque fugato hoste captoque  
eorum duce Helia Flesciæ Comite, libe-  
avit. Ille Comes cum se captivum videret,  
improvise Regis adventui hoc suum infor-  
tunium imputans immò grave Regi si di-  
mitteretur exitium interminatus, protinus  
vinculis, ut rerum suarum satageret, solvi-  
tur.

Rarum quoque insignis fortitudinis ex-  
emplum præbuit, ad Castellum quod Divi  
Michaelis Mons indigetatur, tribus de im-  
provise equitibus arreptus, & quâvis de e-  
quo jam suo deturbatus erat, ephippio suo,  
clypei loco, strictoque gladio, masculè sese  
defendit, donec à suis liberatur. Cum ni-  
miam ejus pro ephippio curam socii incre-  
pabant

pabant, immo vero inquit citius occubissem quam illud ipsorum contemptui reliquissem.

Fide inviolabilis fuit, continentia autem medius, Religionem nec contemptui nec venerationi habuit, avaritia autem infan-  
mis. Hic primus Anglorum Regum in Sa-  
cerdotum delicta animadvertere voluit,  
sibi que pœnam reservavit, neglecto Roma-  
no Pontifice.

Tandem venationi intentus, telo à cervi  
tergo resultante infelicitèr occisus est, præ-  
visis sed neglectis infaustæ mortis auguriis.

## HENRICUS PRIMUS, ANGLORUM REX.

ANNO 1101.

**F**Ratri successit Henricus Primus, Rege,  
non duce Patre Guljelmo in Anglia na-  
tus. Qui absente fratre suo seniore Roberto,  
Regnum sive invasit, sive prætio redemit, si-  
ve populari favore adeptus est, doctrinâ  
quippe omnibus fratribus melior, & adeo  
populo charior erat. Dolo partum Regnum  
beneficiis, comitate, justisque suppliciis as-  
seruit, doctos ubique viros sacris præsertim  
muneribus præfecit. Indoctos & indignos  
suo loco movit, rigidiores mitigavit leges,  
& dura tributa abolevit. Venandi impuni-  
tatem nobilibus concessit, atque adeo be-  
neficiis sibi omnes propitiavit, quin etiam  
cum infestos Scotorum noverat animos,  
pace cum illis stabilita, Matildem ne vin-  
culum

ulum deesset Edgardi Regis sororem, u-  
orem duxit. Quod & Patri fratribusque  
contigit, prima belli auspicia à suo ipsius  
anguine habuit. Instigatore nimirum Dur-  
hamensi Episcopo (quem immodicorum  
tributorum auctorem in vincula conjece-  
it) incuriâ observatorum elapso, fra-  
ter Robertus Normanniæ dux ad bellum  
Henrico inferendum, jusque suum re-  
mendum impellitur. Iam Angliæ arma  
Robertus induxerat, prælioque dies dictus  
erat, quando missis hinc & inde caduceato-  
ribus, pax tandem sancitur, concessis Ro-  
berto annuatim viginti florenorum milli-  
bus, nec non Regni datâ spe si Henrico fra-  
ter supervixerit.

Huic vix discusso periculo alterum su-  
pervenit, Robertus enim Belemius Salo-  
monensis Comes, nulla aliâ quam invidiæ  
causa, allectis in societatem Cambris, bel-  
lum contra Regem movit. Nec hic mora  
conscripto subito exercitu, fugatis  
Cambris, Robertum interceptit, omnique  
viâ multatum in exilium relegavit.  
Robertus enim perduelles morte puniendi, non  
invaluerat.

Tertius à Guljelmo Mortaniæ, & Cornu-  
ubiæ Comite Regis Patruo impetus in-  
venit. Ille ob negatum Cantix Comitatum  
nato infensus, infidiis ad se pertrahere  
Robertum molitur. Dolo autem detecto pro  
quem affectabat comitatu, duos quos  
Robertus habuerat amisit.

Hen-

Henricus vero hactenus defensor, jam ultrò fratri Roberto bellum infert, dictèrio nimirum quodam offensus, collectoque exercitu Normanniam invasit, totamque, vix Rotomago urbe fratri reliqua, in suam redegit potestatem, atque adeo in Angliam rediit. Robertus vero cujus severitatem expertus erat, ejusdem mansuetudinem tentare certus, in Angliam fratrem secutus est, & supplex veniam proterviæ suæ oravit. Henricus verò sive recenti injuriâ etiamnum offensus, sive Normanniæ Ducatum affectans, preces fratremque neglexit. Robertus vero non patiens contemptum, in Normanniam rediit, & denuo conscripto exercitu fratri bellum movit; qui mature justis copiis super veniens, crescens malum providè, non tamen sine sanguine oppressit, fratremque captivum in Angliam duxit, & usque ad mortem, effossis oculis, carceri damnavit.

Ex hac fortuna magnificentiam, ex magnificentia invidiam conflavit. Fulco enim Andegavensis Dux, Baldovinus Flandriæ Comes & Ludovicus cognomento Grossus Galliæ Rex, inito fœdere & sociatis viribus, Guljelmo Roberti filio avitas terras restituere nituntur. Mox vero suas copias Henricus Normanniæ induxit, & conserto prælio profligato Gallo, posteaque diversimodè tentatâ fortunâ, pax tandem inter Andegavensem & Henricum stabilitur, quæ Matrimonio inter Guljelmum

in Regis filium & Andegavensis filiam,  
firmatur. Pax quoque postea inter am-  
Reges secuta est, concessio Guljelmo  
rici filio beneficiario jure Normanniæ  
catu, quo more invalescente, omnes po-  
Anglorum Regum primogeniti Nor-  
niæ Duces audiebant. Carolo autem  
adriæ comite Bruxellis nefariè occiso,  
o alio relicto Hærede, Guljelmus Ro-  
i filius, ad quem proximo jure pertine-  
quippe qui ex Baldovini filia Mathil-  
Guljelmi Conquæstoris uxore sangui-  
ducebat) ad illam evehitur dignita-  
, qui hac fortuna insolescens, Norman-  
n avitum patrimonium recuperare sta-  
, quod etiam Regis Galliæ auxilio non  
cilè perfecit, accepto vero in altera  
u vulnere, leviusculo quidem, sed po-  
recrudescente, vitam cum patrimonio  
fit.

pace quidem foris stabilita Henricus in-  
nis motibus domi tamen jactabatur,  
jurata in rebellionem Cambriâ, quâ  
n perduelles insequitur errore ad angu-  
s perductus, mille tum bobus tum ovi-  
transitum, non sine discrimine rede-  
. Atque hæc tam domestica quam ex-  
ea ejus bella fuere.

Tributa nulla aut rara imperavit. Leges  
las nisi bonas tulit. Primus ordinum  
cessum quod hodie Parliamentum in-  
itant, instituit. Latrones, uti & mone-  
adulteratores gravi supplicio affecit. Ius  
papale

Papale in suo Regno imminuit, litesque in Anglia decifas se infcio & invito Romæ retractari vetuit, nequicquam reclamante Pontifice, verum de muneribus Ecclesiasticis gravior nata est controversia, acriter utroque sua jura defendente, Rex tamen Papa susque deque habito, facultatem munia distribuendi & confirmandi penes se retinuit.

Luxuriâ si nimius, delectu tamen nobilit fuit, non unicuique datâ amoris sui copia.

Legitimos filios nullos, spurios diversos habuit, quapropter omnibus modis Regnum in Mathilde, & ejus filiabus asserere studuit sed frustra, succedente Stephano, ex Adela Guljelmi conquæstoris filia Genito, exclusâ Mathilde uxore & filia, quæ Henrico quarto Romanorum Imperator primitus, & eo defuncto, Gaufrido Plantagenetæ Fulconis Andegavensis Ducis filio, nupsit.

Contracta denique ex lite quadam cum Andium Duce animi ægitudine, quam sequebatur corporis ex anguillarum nimio usu imbecillitas & ardens febris, vitam tandem, triginta & quinque annorum Regimine perfunctus efflavit, Normannorum Regum ultimus.



STEPHANUS  
REX ANGLORUM.

anno 1136.

Efuncto Henrico, Stephanus anticipato jure & morante fratre seniore, us occupans successit. Anglos quâmissis quâ benevolentiam sibi propitians, dente etiam hæreditatis testimonio. num promissis occupatum eadem benevolentiam afferere conatus est. Derogatis tutorum gravissimis, quin etiam conclesiasticis suo jure, quod penes sanctos Reges retinuerant, immo à Magistro obsequio liberos esse voluit Ecclesias, quibus populum & Ecclesiam, litatem vero data venandi impunitate, stella extuendi licentiam sibi concilia. Theobaldum fratrem qui nativitatis ad Regnum proximus erat, annuoendio placavit.

astachio deinde filio, quo etiam exten benevolentiam aucuparetur, Coniam Ludovici Galliarum Regis filiam, em impetravit, nec tamen magis illa tate quam Thesauris Henrici Regis num sibi stabilivit, quos non luxui sed cribendis militibus, & bello gerendo ndit.

igno vix inauguratus, ad arma se cõveradactus est. David enim Scotiae Rex, mperatricis Mathildis afferere nitens, bellum

bellum Stephano indixit. Et oppida Carlionum, & novum castrum sui juris fecit. Stephanus cum magno ipsi exercitu obviam profectus, concessit Davidi Cumberlandiæ, filioque ipsius Huntingtoniæ Comitibus, imminentem tempestatem, sine sanguine avertit.

Nec diu, intestinis atque eo gravioribus motibus conflictabatur, cum enim sanitatis dubiæ erat, mortuus à quibusdam dicebatur, quo nobiles, suis castellis in Regis perniciem abutentes, inita conjuratione, regnum occupare satagunt. Stephanus ne morâ periculum invalesceret, quâ ducibus suis, quâ sua ipsius manu audaculos oppressit. Contra Baldovinum conjuratorum antesignanum ipse profectus est, Oxoniâque expulsus, Vectem insulam versus insequitur quâ etiam exactum perpetuo exilio multavit. Vix demum partam quietem extraneum rursus bellum turbavit. Gaufridus enim Plantageneta Mathildis uxoris titulo fretus, Normanniam infestis armis invasit, avitumque territorium sui juris facere studuit. Stephanus conscripto ocyus exercitu eò transvolavit, variis sed levioribus præliis dubiâque victoriâ perfuncti, in conditiones consenserunt, ut nimirum solutis annuatim Gaufrido triginta quinque florenorum millibus, ipse suo jure & titulo in perpetuum abstineret.

Redux autem bello & tumultibus plenum offendit Regnum, nam nobiles cum pro-

omissa Rex non solveret, conjurationem  
eunt, & in sua quisque ditione bellum  
rant. David quoque Scotiæ Rex foederis  
oblitus, Northumbriam aggreditur, &  
ro flammâque omnia misere devastavit,  
e fœminis, nec innocuæ infantium æta-  
æ parcitum, vel ante aras Sacerdotes  
acidantur, in ipsis templis sacræ constu-  
antur Virgines.

Rex graviori periculo occurrens, in Sco-  
s, ut eorum insolentiam reprimeret, ar-  
prius convertit. Cum autem in longum  
endebatur bellum, data Thrustino Ebo-  
ensi Archiepiscopo bellum cum Scotis  
endi, provinciâ, ipse domum profectus  
ut cæteros perduelles opprimeret. Quos  
n armis, tum promissis, tum benevolentia  
obsequium tandem perduxit. Thrustinus  
em interea conferto prælio Scotos devi-  
magnamque illis stragem intulit, unde  
enim Scotorum millia in acie occisa,  
eptis illis qui in ipsa fuga oppressi sunt.  
o successu audacior Rex jam Scotiæ bel-  
n infert, gravique jacturâ Davidem affe-  
, & ad petendam pacem compulit, in  
am tandem consensit, accepto obside  
nrico Davidis filio: Redux vero Stephe-  
Ludlow oppidum, perduellium rece-  
culum, obsidione cinxit, & ab immi-  
nti periculo vadem Henricum sua ipsius  
nu vindicavit.

Hanc fortunam omnium immanissima  
uebatur tempestas. Mathilde enim suâ  
jura

jura repetens in Angliam appulit, quo audito, Stephanus in Castello Arundeliensi quò forte se receperat, eam obsedit. Desperata autem expugnatione, ultro conclamatis vasis, castra solvit, data Mathildi Brustum versus aufugiendi opportunitate.

Lincolniam autem à Ranulpho Roberti Glocestriæ Comitis filio interea captam Ocyus movit, urbemque obsidione cinxit, Cestriæ interea & Glocestriæ Comites urbis liberationem meditati, consertâ manu cum Stephano præliantur, quo prælio, post stupenda quæ dederat miræ fortitudinis argumenta, Stephanus tandem capitur, & Mathildi sistitur, quæ Brustum versus cum in custodiam misit. Occupato interea regno Londinum victrix & ovans ingreditur.

Mauda vero sive Mathilde Stephani uxor, audito Regis infortunio, supplex Mathildem rogavit, ut sibi jam pridem Regininis pertesæ, cum marito liceret privata vitâ frui. Londinenses quoque antiquas leges, quas regnante Eduardo habuerant repositabant, neutrum vero Mathilde concessit. Mauda elatum Mathildis animum non ferens, & ignobile servitium exhorrescens, Eustachium filium suum cum delecta militum manu, ex Cantia Londinum evocavit, qui cum ipsis Londinensibus, ob denegatas preces mire offensi, quin etiam Vinocestriæ Episcopo sociatis viribus, Mathildis copias aggrediuntur, quæ clam Oxoniam aufugit, & Davidis Scotorum Regis auxilium,

on frustra imploravit cujus jam aucta viri-  
us Vinocestriam obsedit. Regina autem,  
um filio Eustachio & infensis Londinen-  
ous ipsius castra adorta, conferta acie  
Mathildem vicit, & Robertum filium Ma-  
ildis cepit, Mathilde autem feliciter eva-  
Hanc fortunam sequebatur, tracta-  
de pace quâ hinc Robertus illinc Ste-  
anus libertati restituuntur, in aliam au-  
conditionem nequaquam consensum.  
bellum itaque rursus datur classicum,  
Stephanus jam sui juris Oxoniæ Mathil-  
m obsedit, illa autem periculum asper-  
a, per media castra noctu evasit. Præsen-  
tamen discrimine adeo territa est ut in  
terum bello prorsus abstinerit, relicta  
Henrico rerum curâ.

Lincolnia interea fortiter adversus Re-  
a Cestriæ Comite defendebatur. Ultrò  
en postea Regis se partibus addixit,  
citiam affectans. Stephanus autem mi-  
comiter illum habuit, omnique for-  
infelicem multavit; quâ perjuria sub-  
rum animos haud parum abalienavit.  
nricus morte Patris Gaufredi Andium  
atum nec non Aquitaniæ & cum uxore  
leonora Pictonum Comitatus, ad ep-  
novo impetu sed paucis militibus in  
liam appulit, avitum recuperare Reg-  
tandem sperans. Nec citius terram  
cendit, quam affluentibus undique  
ris, novoque auxilio stipatus, Marle-  
o obsidionem meditatur, Rex vero

cum majoribus viribus superveniens inferiore illum fugavit.

At quod jure mireris, inter strictos ubique gladios pacis tandem nitor effulsit. Stephanus quam victoriis non poterat, jacturâ quietem adeptus est, & Henricus quod bello quæsierat Regnum ipsa pace impetravit. Dum enim hinc & inde pari studio bellum geritur, Eustachius subito supremum clausit diem, & Stephanus successore & hærede orbus, luctu nimirum domitus pacis conditiones haud invitus cum Henrico & Mathilde inivit. Quibus hostem suum (cum nullum sanguine sibi propiorem habebat) successorem nominavit, & in filium adoptavit, tam nulla est rebus humanis fides & constantia, qui conferta acie non pridem concurrebant, in amplexus ruunt, Stephanus amissum filium in hoste suo recuperavit. Et Henricus cum bello tantum Regnum quærebat, pace & Regnum & patrem invenit.

Turbulentior erat res Anglica quam ut tributum à subditis Stephanus impetraret hunc tamen defectum perduellium bonis in fiscum redactis abunde repensavit. Leges admodum nullas tulit, cum continuo bello & periculo videbatur magis accepturus quam daturus. Nullam autem majorem victoriam, quam in Ecclesiasticos habuit, quorum pervicaciam, & superbiam in ordinem redegit, verosque subjectos fecit. Qui turbis & bello vixerat non debebat

non quiete & incuriâ mori, vix enim  
 cum Henrico iniverat, quin antiquo  
 hæmorrhoidum morbo, & Colico do-  
 novô correptus, nondum annum bellis  
 superstes, Doverii decessit.

Anno 1154.

## HENRICUS SECUNDUS

ANGLIÆ REX.

Anno 1155.

Mortuo tandem Stephano, Henricus  
 Andegavensium Dux, uti inter  
 m & Stephanum convenerat ad Reg-  
 nū successit. Prudenter Regni sui initio  
 cessit, Sapientissimis viris in consilium  
 tis, fugatis, qui prædandi spe advo-  
 rant exteris, præcipuè Flandris, de-  
 itis quas nobiles connivente Stephe-  
 extruxerant, arcibus, quibus in sedi-  
 em haud raró abusi fuerant. Leges quo-  
 quæ flagrante bello vitium fecerant, ad  
 rem normam reduxit, perjuros quos-  
 in exilium pulsit nobiles. Prædia  
 m Stephani licentia ad immeritos de-  
 ta erant, ad se pertraxit, atque adeo tri-  
 s pepercit, tutius paucos quam univer-  
 offendere ratus. Competitores nullos  
 nodum habuit, & proinde tutior ab in-  
 tionibus, & rebellionibus fuit. Cambro-  
 anni tamen nonnullo motu debac-  
 ti sunt, haud citius verò resurgentes  
 m oppressi. Malcolm Scotiæ Regi bel-

lum ultrò intulit concessamque a Stephano Northumbriam , Carliolum urbem, & Novum castrum vi extorsit.

Huntingtoniam in defuncti Regis Davidis gratiam beneficiario jure ipsi reliquit. Fratri Gaufrido Andium Ducatum, quem rogante patre ipsi dederat , post patris mortem , indulgente Pontifice Maximo Sacramenti fracturam , vi eripuit.

Deinde Raymundo Divi Ægidii fani Comiti, Tholosatum Dominatum, jure ad se pertinentem auferre conatur , cumque Galliarum Rex Ludovicus Raymundo suppetias iverat , Bellum utrimque paratur. Iamque ad prælium incendebantur copiæ , quando intercedentibus amicis, pax tandem sancita , & Tholosatum Comitatus Raymundo in tempus concessus est , accedente matrimonio inter Henricum Regis Angliæ natum & Margaritam Ludovici filiam.

Si hætenus omnia prudentur, nunc stultè sua curabat negotia , assumpto in Regni societatem Henrico Filio. Ludovicus enim ignaviam generi suggillans, quod nimirum parem patrem in Regno pateretur , & adeo nomine duntaxat Rex audiret , juvenilem atque adeo ardoribus istiusmodi aptum animum illicitis desideriis facile inflammavit. Iam in apertum odium eruperat hæc invidia , jam quæcunque pater diceret & faceret filius cavillari. nec latebat patrem filii ingratitude, missis itaque nunciis  
ad



Ludovicum, surgentia illa dissidii prioria extinguere & opprimere conatus est. Ipse autem Ludovicus verba Legatorum derisui habens, quid illum Magistrum dicerent qui ultrò jus suum filio traderat, ignominiosè rogabat, atque ita sine responso eos dimisit. Accesserat Regine Eleonoræ ob Regis in pellices amorem vidua, quâ cæteros suos filios Richardum Gaufredum instigavit, ut nimirum fratri versus patrem suppetias irent.

Hic in Normanniam ad Henricum confuentes sociatis viribus in patrem suum injurant. quin etiam Guljelmus, Scotiæ Rex, Hugo Cestriæ Comes, Rogerius Mortimerius & Hugo Bigotus aliique deficiunt, quibus audacior Henricus incrementis, in apertum patri bellum meditatur. Difficili Fortuna quâ dolo, quâ virtute sæpius agnatur. Richardus verò qui a patre decesserat, erroris pænitentiam ductus, ad ipsum venit veniamque facinoris rogavit, nec difficile impetravit, tandem captis rebellium nullis, Scotoque domito, pax mediante. Richardo, inter patrem filiumque stabilita, desponsata Richardo Adela Ludovici filia. Atque adeo in Angliam cum suis filius Henricus rediit, ubi Henricus tandem patrum senior obiit, viduaque ejus rursus Galliam ad patrem mittitur, quæ Hungarum Regi postea nupsit.

Richardus vero matrimonium suum diffideli ægrè ferens (pater enim illicitam concupiscen-

piscentia ardens, Adelam sibi servare creditus, continuè illud procrastinabat) in eam quam non pridem ejuraverat defectionem rursus incidit, initâque cum fratre Iohanne, & Philippo jam Galliæ Rege conspiratione, patri bellum infert, Maguntiaëque senem Regem obsidet, quo noctu elapso, & urbis liberationem in cassum meditante, oppidum tandem hostium in manus traditur, graviori iacturâ, quia in illo Rex Henricus natus erat. Quapropter, siue fractâ potentia siue ob nativæ urbis amissionem offuscata Majestate, ipse qui hætenus leges dederat jam pacis leges ab hostibus petere coactus est. Atque hæc sunt bella ab eo gesta.

Hic Rex Hiberniam sine sanguine in potestatem suam redegit, jubente Hadriano Pontifice, Anglo, & magnificum palatium Dublini in posteritatis usum, extruxit.

Confiscationibus & parcimoniâ magis quam vectigalibus & tributis ærarium suum auxit. Quia filios parce nimis habebat, defectionis causam illis præbuisse creditur, ingenti vero post mortem relicto Thesauro, quam passi erant inedia, abunde pensavit.

Legum severitatem initio Regni sui præcidit nonnihil, novaque subditorum in usum tribunalia ordinavit, primusque leones in Turri Londinensi servari vivos iussit, quæ consuetudo ad hæc usque tempora continuatur.

Clerum Magistratui subjecit , quanvis Thomas Beccetus acriter obniteretur , qui ob id in exilium pulsus , Pontificis , & Galliciarum Regis intercessione in gratiam tandem recipitur , at cum tamen Regis voluntati assentire detrectaret , in templo a quatuor equitibus misere interficitur , verum Divinis post mortem honoribus in Divorum numerum relatus est. Perditæ erat Henricus luxuriæ , & pellicum amore implicatus , offensam semper uxorem habuit quam tiam in carcerem detruxit , quia filios suos in rebellionem subornaverat.

A Rege Galliarum proditorum qui ejus vitæ insidiati fuerant cathalogus ipsi mittebatur , cùmque omnium primum Iohannis filii sui junioris nomen conspiceret , luctu semianimis concidit , & postea invalescente malo , extinctus est , ætate plus quam sexagenarius , postquam Angliæ Regimini triginta & quinque annis præfuerat.

R I C H A R D U S P R I M U S ,

A N G L I Æ R E X.

Anno 1189.

**H**ic Westmonasterii 3 Sept. Anno 1189. Regno inauguratus est. Die nimirum Judæorum strage fortuitâ notabili, quorum insolentiam data licentiâ invisum illud hominum genus averruncandi , plus satis contempsit. Beneficiis in matrem fratremque claruit, illa in societatem quasi Regni as-

sumptâ , hoc sex simul Comitatus aucto. Adelam sibi pridem desponsatam tamen ut pellicem patris , non sine virginitatis prætio in patriam remisit , atque illius loco ne incesto connubio paternum inquinaret torum, Berengariam Garfiæ Navarra Regis filiam uxorem duxit.

Meditatam pridem in palæstinam expeditionem nunc tandem exequi statuit. Corasis undique maximis thesauris , ex venditis privilegiis , Dominiis , immunitatibus , & urbibus , vix ipso oppido Londino a tali nundinatione libero . Angliæ Regnum dum abesset , Hugoni Baldulpho Durhamensi Episcopo , quin & Guljelmo Prunello , & Guljelmo Longoscampio Regni Cancellario data unicuique sua regione , creditit. Normanniæ & Aquitaniæ Robertum Lycestriæ Comitem , incorruptæ fidei virum præfecit. Ut autem Iohannis fratris sui ambitioni præcaveret , in Normanniam ipsum relegare animum induxerat , intercedente verò matre , & vadem sese pro fide ipsius interponente , in Anglia remansit. nominato denique Arthuro fratris Gaufredi filio successore suo , si forte in hac expeditione obiret , iter suum ingressus est.

Richardus ita quinque equitum & triginta peditum millibus stipatus expeditionem aggreditur , ipse terrestri itinere per Galliam Massiliam cum delectis militum venit , classem quæ interea vela fecerat ea in urbe expectaturus & conscensurus , adversa vero

vero cum tempestate diutius luctata se-  
s appulit , quapropter moræ insolens,  
ductis navibus Messanam versus iter  
instituit , quò jam paulò ante Philip-  
Galliæ Rex cum suâ classe advenerat.  
ndem quoque Anglorum naves appule-  
Humaniter ad speciem a Tancredo  
iliæ Rege excipiuntur, verum ille ob ve-  
quoddam diffidium Richardo parum  
icus , insidias illi Anglisque omnibus  
xit , & conjurata civium manu , oppido  
m & illius milites exclusit. quâ injuria  
ensus Richardus , urbem armatâ manu  
ortus , haud difficilè in suam potesta-  
a redegit , magnamque civibus Re-  
ue stragem intulisset , nisi soluta quam  
annæ Richardi sorori Guljelmo defun-  
Siciliæ Regi nuptæ , injuste detinuerat  
e , filiâque sua Arthuro Richardi ne-  
i desponsatâ, ipsius iram placasset. Phi-  
us Galliarum Rex primus vela fecit , &  
lemaida pervenit , quam urbem longa  
dione Christiani cinxerant, quibus ipse  
asque copias adjunxit. Richardus & po-  
centum & nonaginta navium & quin-  
ginta triremium classe instructus littora  
vit. adverso verò vento in Cyprum de-  
ditur, quam insulam, cùm incolæ a terra  
um arcerent , armatâ manu invasit , sui-  
e juris fecit & relictis cum præsidio Ri-  
do Canvilio , & Roberto Turnhamio,  
ipse Ptolemaida versus navigavit. quæ  
dem urbs biennio obsessa, in Christia-

norum manus a Saladino traditur.

Alias etiam urbes, in potestatem suam redegit, quibus omnibus neglectis, Ioppen solam præsidio firmavit. Guido Lusiniæ interea Tyrum & cum ea Hierosolymitani Regis titulum invasit. Quem Postea cum Cypri Regno commitavit. Atque exinde Angli Reges longo tempore Reges Hierosolymitani audiverunt. Philippus vero Richardi gloriam non ferens, & illi quia assequi ejus virtutem non poterat, æmulatione offensus, neglecto bello in Galliam renavigavit, relicta Odoni Burgundiæ Duci Provinciâ bellum se absente cum Saladino gerendi, nec tamen prius a Richardo dimittitur quam jure jurando promiserat, se absente Richardo, ipsius provinciis nullum negotium moliturum. Verum enimvero haud citius domum reversus est, quam Normanniam contrâ jus fasque invasit. Quâ injuriâ offensus tum etiam decedente cum suis copiis Odone plus satis infirmatus, domuitionem Richardus meditatur, iniquis conditionibus a Saladino pace redemptâ. Clâsse ejus maritimum iter ingressâ, ipse solus terrestri, per Dalmatiam in Germaniam, & tandem Viennam pervenit, ubi quamvis ignotus delitescere cupiebat, tandem agnitus, a Leopoldo Austriæ Archiduce ob injuriam in expugnatione Ptolemaidis ipsi illatam Anglo infenso, in custodiam conjectus, rogantique Imperatori missus, libertatem suam post gravem captivita-

vitatem ingenti lytro redimere coactus  
t. Quæ injuria postmodum Imperatori  
tâ , Leopoldo fracto prius , & postea  
nissio crure stetit. Ille vero adeo post qua-  
niennium in Regnum suum rediit.

Turbulentum & dissidiis implicitum  
regnum suum offendit. Guljelmus enim  
ongoscampus Elyensis Episcopus penes  
nem absente Rege rerum quasi summa,  
nto muneri insuetus ( quanvis & secus  
rum suarum fategisset ) nimia superbiâ  
solescebat. Ex quo ipsi cum Iohanne Du-  
Regis fratre nata est controversia, juven-  
etiam Rege patris partes. Quo munere  
o tandem exauctoratur, suffecto in ejus  
cum Rotomagensi Archiepiscopo. Reg-  
o itaque , cum obsistere diutius non pos-  
s , excedere cogitat muliebri veste tectus,  
nitus vero, ab ipsis mulieribus in vindic-  
m mentiti sexus , graviter multatus est,  
que adeo pudibundus in Normanniam  
Richardum Regem confugit , apud  
em de illata sibi injuria conquestus, fru-  
a amissam dignitatem recuperare stu-  
it.

Philippus quoq; Galliarum Rex Norman-  
am secus quam promiserat armatâ manu  
vasit. Iohannem Regis Fratrem in partes  
as pertrahere nitebatur sed frustra , dis-  
adente matre Alconora. Sed quanvis pa-  
m fratri nullum facefferet negotium, clam  
men, falso per Angliam de Regis morte  
arso rumore , Regnum illi extorquere

conatur, quo postea omnem fratris gratiam cum dignitate amisit. Rex deinde Philippo magna classe obviam profectus est, urbemque Vernolium primitus, & postea Vindocinum obsidione ejus liberavit, adeò festinantur, ut relictis præ metu omnibus impedimentis, Gallus aufugeret. Induciis tandem inter utrumque pactis, non sine tædio a bello abstinere coguntur.

Variis interea Regnum ejus motibus conflictabatur. Latronum, primò, quorum auctore interempto, facilè opprimitur illa factio. secundò graviore motu a Iudæis ex uno qui avitam superstitionem ejuraverat nato, offensi enim cæteri Iudæi qui in errore suo persistentes, conversum fratrem ægrè ferebant, in publica eum via adoriuntur & graviter multant, ex quo factio primitus, deinde tumultus, & Iudæorum passim cædes. Nec unico oppido claudebatur hic furor, sed extra limites sparsus Stamfordium primò deinde Lincolniam oppidum quin & Eboracum invasit, ubi in arcem confugientes Iudæi, mactatis sædè primitus uxoribus & liberis & per fenestras in subjectos hostes eorum proturbatis cadaveribus, injecta pyrio pulveri igne, omnes penè simul una morte, diro pèrvicaciæ exemplo, interiverunt.

Ultimò motu magis (incertum) an avaritiæ supplicio infestatus Rex, omnibus suis calamitatibus finem invenit. Miles quidam qui Richardo stipendia faciebat fortè  
fortu-



fortunâ ingentem invenerat thesaurum, & metuens, ne Rex sibi illum quæreretur, in Lemovices se recepit, & Calaco Oppido clausit. Rex de ea re admonitus, cum, thesaurum repetiturus insequitur, oppidumque; cum intromittere Regem detrectarent oppidani, obsidione cinxit, qua, recepto in Brachio suo vulnere, paulò post, sed expugnata urbe, nec dum invento thesauro, occubuit.

Iustâ fuerat corporis staturâ, lepto gra-  
toque vultu, moribus commendabilis, vir-  
tutibus magis quam vitiis famosus, tribu-  
torum parcus, sed in corradenda pecunia  
astutus, hic omnium primus Consulibus  
& Scabinis urbem Londinum subjecit, ob-  
literato portensium Comitum vocabulo.

## I O H A N N E S P R I M U S, A N G L I Æ R E X.

Anno 1501.

**M**Ortuo Ricardo, anticipato jure Reg-  
num invasit Iohannes, excluso, Ar-  
thuro nepote, cui hæreditario jure succes-  
sio debebatur, tum ætatis prærogativâ, cum  
Arthurus decimum tertium annum egres-  
sus nondum erat, tum etiam largitionibus  
suis (expilaverat enim quos frater corra-  
serat thesauros) fretus, ultrò Thronum  
(invidia subditorum susque deque habitâ)  
conscendit, non parum juvantibus, quos  
habebat in Anglia, amicis.

Prima à cognato Arthuro imminebat tempestas, cujus non modo Regnum præripuerat, verum etiam Ducatum Normanniam ad se pertraxerat Andium Ducatum puero tantum relicto, mater etiam ejus Constantia, inferiorem se Angli viribus conspiciens, ad Galliæ Regem confugit, atque illius opem imploravit, qui non modo Normanniam, verum etiam totam Arthuro Angliam restituere promittebat, juvenemque in protectionem suam recipiebat. Philippus igitur conscripto exercitu, Andium primò Ducatum Arthuro asseruit, deinde Normanniam invasit.

Iohannes vero in Normanniam trajiciens, perfidiam suam Philippo exprobrat quippe qui pacem cum Ricardo fratre sancitam fædè violaverat. Nec tamen ad arma ventum, dum enim colloquuntur, jusque suum quisque tuetur, quinquaginta dierum armistitium pepigerunt, invito Baldovino Flandriæ comite, qui propterea relictis Philippi partibus fœdus cum Anglo icit, consiliumque iniit, quibus modis exspiratis induciis bellum Gallo inferrent. Verum quando Iohannes a belli curis alienus, pacem iniquis conditionibus, cum Philippo iniverat, Baldovinus ejus ignaviam averfatus, Gallo sese iterum adjunxit bellumque Hierosolymitanum restauravit. Anglus lætus in patriam se recepit, parum tamen honorifice a nobilitate iniquas illas leges aspernante acceptus est.

Iohannes jam belli expertus, omnem curam in expilandos subditos, & sequendas voluptates convertit. Immo Gaufredum fratrem suum Eboracensem Archiepiscopum, qui antea a tali injuria dehortatus erat, omni fortuna orbavit. In Normanniam deinde profectus, repudiata Avisia uxore, Isabelam Engolismensis Comitis filiam & hæretem suo toro associavit. Quæ Cantuariæ coronatur. Adeo verò invaluerat Iohannis Regis oppressio & violentia, quin & perdita luxuria, non sine cæde & homicidio quippe qui Matildem præstantissimæ fornice puellam) quia neglectis Regis precibus stupri usum ipsi negaverat, propinato veneno è medio sustulerat & Guljelmum Brauunium cum uxore ob liberius quoddam dictum, ablata omni fortuna, in carcere fame necuerat; at cum subsidium rogaret, omnes simul nobiles, nisi gravioribus oneribus sublevarentur, & diris injuriis liberarentur, foras in bellum illum sequi detrectarent, in Normanniam tamen, & postea Lutetiam cum uxore profectus est, ubi amice ad speciem a Rege Philippo excipiuntur. Hugo autem Marchiæ Comes, cui Isabelam Regis uxor prius desponsata fuerat, Regi ob præceptum matrimonium infensus, Arthuro sese adjunxit, novique belli auctor exstitit. Quibus & Philippus accessit, atque adeo conjunctis viribus, Turonienses primitus, & deinde Andegavenses invadunt, oppidumque Mirabellum, cum Aleonora Arthuri

Arthuri avia, quæ securitatis causa eò confugerat, in potestatem suam redigunt, quæ tamen mira pietate & obsequio ab Arthuro excipitur.

Iohannes porrò Philippo Regi perfidiam suam exprobrans, seriò de vindicta cogitare cæpit, subitoque & inexpectatus hostium copias adortus magnam illis stragem intulit, captis, quibus effugium non erat, quos inter Arthurus, qui paulò post, sive in carcere inediâ enecatus, sive, cum elabi conaretur fluvio mersus, aut ut vulgò creditur luctu & tristitiâ extinctus est. Quem paulo post ejusdem soror Aleonora eodem Fato infecuta est.

Cum Arthuro autem non omnes inquietudines extinctæ, verum bello ex bello pullulante, nunc hinc nunc illinc novæ dissidii causæ proveniunt. Constantia enim Arthuri mater, apud Philippum de filii nece conquesta, ad justam illum suapte sponte Iohanni infensissimum, haud difficilè vindictam instigavit. Qui proptinus missis fecialibus diem ad causam coram se dicendam Iohanni, ut beneficiario suo dixit. illo autem negante, bellum ejus Ditionibus intulit, brevique omnem Normanniam ad obsequium reduxit, in conspectu quasi Iohannis, qui ignaviter Rotomagi desidebat, & postea nihilo tentato in Angliam, freudentibus nequicquam Proceribus, trajecit. Accesserat alterum tertiumque dispendium, Alconora enim Mater Regis

regis qui virtutibus suis Regno magnum  
nolumentum, ut Rex vitiis suis detrimen-  
tum attulerat, supremum diem claudebat,  
nam deinde Hubertus Cantuariæ Archi-  
scopus, alterum Regni columen, infe-  
ditur.

Iamque jacturam suam videbatur recu-  
raturus Iohannes, modo subditi ad bel-  
lum gerendum subsidia attulerint, quibus  
statim quæ poterant afferentibus, profe-  
sus est Portimuthum versus, & proutinus  
expectatis qui sequebantur Primori-  
bus, vela fecit, vix autem littora solvens  
sesternum rediit, & accusatos ignaviæ &  
obedientiæ quia non secuti fuerant, no-  
ves, ingenti argenti summa multa-  
tus, atque adeo duplici usura ditior, ne-  
cto bello domum rediit.

Philippus interea ut omnes Regno suo,  
Anglos expelleret, Chinonem expugnat,  
vique bello finem imposuisset, nisi Guido  
Britanniæ dux constantiæ maritus a Philippo  
reiciens, Iohanni sese adjunxisset cuius au-  
cto novum hic conscripsit exercitum, quo  
Montalbanum, invictum alias oppidum  
per celeritatem, quindecim dierum spatio,  
potestatem suam redegit, & postea Ande-  
cum vi domitum militibus suis depræ-  
dum dedit, muras oppidi domoli-  
tus, cuius rei postea pœnituit, & quia forte  
ex urbe natus erat, pulchriorem, & mu-  
nitionem illam fecit. Iamque Philippus, &  
Iohannes in acie stabant, jam hinc & inde  
exer-

exercitus pugnae signum expectabant, nihilque præter cædem & sanguinem in conspectu erat, quando intercedentibus amicis, induciæ in duos annos ab utraque parte datæ sunt.

Iohannes itaque in Angliam rediit, Scottorum verò in reditu fines ingressus, magna illos clade affecit, Regemque Alexandrum ad obedientiam sui perduxit. Hibernos quoque quos defecisse compererat, trajecto classe mari, haud difficilè domuit. Cambros etiam in reditu rebelles, obsequentes reddidit, sumptis viginti & octo nobilissimis puerorum obsidibus, quos postea cum Cambri resurgerent, enecari omnes iussit. Tantum valet inconsulta vindictæ cupiditas, quanvis bona exempla inexplibili crudelitati nonnunquam obtendat. Atque adeo Iohannes in nullos, quam suos crudelior & fortior fuit. In Galliam postea rediit ut (sicuti diximus) Andegavi mœnia repararet, quando ad ipsum Pictones defecere. Ludovicus vero Philippi filius conscripto actutum exercitu rebelles non tantum domuit puniitque, verum etiam totum Iohannis exercitum fugavit, & delevit, captis procerum optimis, quâ jactura ad desperationem redactus, facta utcunque pace domum ad devexandos subditos, iramque omnem suam in innocuos effundendam, rediit.

Proceres interea Angliæ quia onerum levamen à Rege non impetrabant, conjurata manu,

u, bellum ipsi inferunt. Rex cum se eorum viribus imparem videret, dolo rem gerere statuit, convocatisque nobilibus, eorum petitionibus satis fecit. Postea autem a Pontifice promissis solutus, bellum illis parabat, tamque pene Angliam populatus, conratorum arces & castella passim diruit. Accesserat a Pontifice excommunicationis fulmen, in nobiles, ab neglecta ejus iussa, maculatum. Proceres vero bello impares, tutum juxta & probrosum facinus perpetrant, evocato; in auxilium Galliæ Regis fido, eique ut Regi suo promisso obsequio; aud quaquam ille cunctatus sexcentarum navium classe in Angliam appulit, cui conurati nobiles accessere, atque adeo junis viribus Londinum contendunt, ubi lauda oratione cives sibi propitiavit Ludovicus. Scotus quoque ingenti exercitu Angliam ingressus, obvia quæque devastat, quibus uti & aliorum viribus auctus Ludovicus, sine negotio omnem Angliam percurrit. Iohannes interea ne nihil egisse videretur, collecta vagabundorum tumultuariâ manu, subditorum suorum agros virum in modum depascitur, tandem in transitu fluviorum quorundam suorum aud paucis submersis, atque adeo auxilio plus satis infirmatus, contracta ob id animi fragitudine, quam febris excepit, intra paucos dies mortem obiit.

In rebus Ecclesiasticis durante ejus Reimine graves ab quorundam præsulum  
ele-

electionem inter Regem & Pontificem Maximum, natæ sunt controversiæ, quibus Pontifex superior, pōst sexennii & trium mensium sacristitium, Angliæ Regem beneficiarium sibi fecit.

Blasphemiis & execrationibus immodicus fuit, immò Mirammumalis Africæ Regis dum in angustiis suis luctaretur, auxilium implorasse creditur, promisso eidem Angliæ Regno, si vinceret, & Christianæ fidei ejuratione. Formâ denique tristis & obscurus, staturâ procerus & obesus erat, natura deses & ignavus, hostem rarò nisi impetu vicit, in adversa fortuna minimè constans facilè animum despondebat. Promissorum minimè tenax, subditis gravis, vicinis molestus, & omnibus invisus fuit.

## HENRICUS TERTIUS, ANGLIÆ REX.

Anno 1517.

**P**ostquam Iohannes decesserat, nactus est Regnum non sine procerum controversia Henricus filius ejus primogenitus, nonum ætatis annum nondum egressus, deficientibus ad eum proceribus nonnullis, qui paulò ante in Ludovici Regis verba juraverant. Ludovicus tamen cum illis qui ipsius partes sequebantur Londino, cum viginti militum millium exercitu movens, plurima oppida expugnavit, donec tandem ad Lincolnæ Castellum, quod masculè nobilis



bilis quædam mulier defendebat, hæsitane-  
cessè habuerit, & superveniente interea  
Anglorum exercitu pulsus & superatus sit,  
et plerisque qui de eo stabant Anglis  
vulneribus, excepto Perchiæ Comite qui ho-  
ram mortem ignavæ vitæ prætulera-  
t. Nec propterea animum despondens, no-  
n ex Gallia petebat copias, quæ omnes  
in præliis maritima pugnâ deletæ sunt. Illis  
tamen infortuniis conditiones inire necesse  
fuit, quibus centum & quinque flore-  
rum millia in dispendii solatium Ludo-  
vico concessa sunt, renunciato denique  
omni in Angliæ Regnum jure, dataque  
e, de Provinciarum quæ Anglici juris in  
Gallia erant restitutione a patre impe-  
denda. Anglus vero omnes quæ ad rebelles  
pertinuerant conditiones ipsis resti-  
tuit, atque adeo relicta Angliâ Ludovicus  
verio in Galliam vela fecit, bellum in  
nova terra infelicitè expertus.

Regni ita unione & quiete in tempus sta-  
tâ, nova subito conjuratorum exurgit  
revolutio, qua intentione omnibus, quâ ipse  
li nota, quippe quæ exiguis firmata vi-  
sibus, improsperè suppressa est, punitis  
obsequium detrectabant. Tandem om-  
nia ad Gallicas Provincias, quæ ad Anglum  
pertinebant recuperandas convertitur,  
et, concessis Regi validis tributis & vec-  
salibus. Gallus enim cum reddere pro-  
misset, non tamen nisi vi & armis cedere  
debuit, expectatum tamen est donec Rex  
adultior

adultior suo jure staret, rerumque summam ipse gubernaret. Interea qui ab antecessoribus consepti erant ad venationis usum agros dejectis sepimentis, publico usui & agriculturæ restituit. Verum enimverò postquam adoleverat, revocatis quæ concesserat beneficiis, ut quæ puerili ætati dederat, suæ delectationi deintegro eosdem agros accommodavit. Hac autem non contentus injuriâ, aliis plurimis subditorum studia a se abalienavit. Novum induxit sigillum, veteri abolito, atque adeo magnam auri vim subditis ex torisit, quin etiam Gallici belli specie graviter eos emulsit, & ignaviter re gesta sine victoria rediit, adductis secum ex Gallia Pictonibus plurimis, ut quod in Gallia non meruerant, in Angliâ ipsis solveret præmium, quo præstantissimi quique suis muneribus exauctorati istiusmodi vagabundis & ignotis locum fecere. Rex jam ætate maturus Aleonoram Raymundi Provinciæ comitis filiam uxorem duxit, quo nullum rebus ipsius emolumentum, verum potius, ob pannosam & paupertinam familiam & undique affluentes, ut corvi ad prædam, confanguineos, magnum detrimentum partum est, qui tamen magno loco apud eum sunt habiti; non sine indigenarum murmure.

Dum verò eo modo Rex subditorum jura evertere, hi que defendere satagunt, omnes certè nobiles ob extraneorum promotionem infensi, conjurationem ineunt, cujus Princeps Richardus Mariscallus libere Regi suam

in injustitiam exprobrare ausus, satisfactionem postulabat. Rex autem eorum arrogantiam puniturus, exterorum magni exercitum conflavit, simulque ordinem congregationem quod Parliamentum vocant, conscripsit. Nobiles vero adesse cunctant, nisi Vinoces tria Episcopum Petrum de Rupibus Pictonem, omnesque eadem farinae homines aula faceessere iussit, simul interminati, nisi sibi satisfiat, Regem ipsum cum omnibus exteris deesse deturbaturos, aliumque ejus locum ostendituros. Rex itaque omnes equitatus tutorquatos nobiles ad esse & pro suo Rebellum gerere iussit, quod omnes perire negant, qua propter omnia ipsorum bona in fiscum redacta, & inter Pictones tributa, corpora autem ubicunque inventerentur, proscripta sunt. Quibus minis aut metu aut praetio corrupti, praecipui nonnulli deficiunt, quo detrimento caeteri innati, in Cambriam confugiunt ad ejus Regis Principem Leolinum in partes allectum, quibus Hubertus Burgius carcere, in quem injuste conjectus erat elapsus, postea excessit. Rex in Cambriam usque profugos sequitur, nullam autem rem gestam cum ignominia rediit. Richardus autem Marefcallus cum in Regis gratiam redire nollet, dolo in Cambriam ut rem domesticam curaret attractus, atque ibi proditoris insimulatus interfectus est, quanquam ejus facti indignitatem Rex a se amoliri contendebat.

Convocato deinde Parlamento, viri quidam quibus respublica curę, Regi auctores existunt, ut relicto bello cum proceribus in gratiam redeat, quibus Henricus obtemperans cum evocatis ex Cambria nobilibus colloquium instituit, quo ipsi in priorem dignitatem restituuntur, exteri vero qui perperam irreperant, omni loco moventur, gravi etiam ipsis mulctā impositā, quorum tamen nonnulli (fortunę instabilis exemplo) in favorem Regis recepti sunt.

Rex deinde omnem in subditos suos favorem simulans magnum illis subsidium extorsit, quod tamen inter paupertinos Reginae cognatos patremque inopem Principem distribuit, & cum antea promiserat, omni se externos gratia exclusurum (& semper subditorum suorum consilio usurum, majori tamen illos loco habere cępit, qua indignitate permoti Proceres, novam conjurationem ineunt, cui ut antesignanus & Princeps Ricardus Regis frater nomen suum etiam dederat, qui Regi coram erroribus suos exprobrare ausus, fortiter, illum ab ejusmodi fallaciis dehortatur. Quo Rex permotus, & etiam Londinensium in conjuratos inclinationem conspicatus, conscriptis Comitibus publicis & vulgatis conditionibus de pace egit, priusquam verò eò ventum erat, Cornuwalliæ Comes Regis frater de contraria parte avulsus est, quo cæteri nobiles, segnius rem urgebant, quare ad conclusionem tractatio perducinon poterat

erat. Rex jam omni impedimento liberocius in nobiles sæviit, quàm in exiliofis, quàm loco motis, conjuratorum priiis. Nec minus in Clerum, peregrinis Ecclesiastica munia introductis, rogantem Pontifice, pulsisque indigenis, quinam gravissimis ipsis impositis tributis, ut nulli non invisus esset.

Henricus de integro expeditionem in Galliam meditatus, subsidium a Parlamento suo flagitabat, quod cum negabatur, aliunde mutuò petere necessè habuit, nec tam prosperè impendit, post anni moram, illa re benè gestâ, & parum honesta pace in gallo factâ.

Henricus autem in Angliam in Iudæos sæviens, magnam illis argenti summam extorsit, & iterum intempestivis donationibus prudenter consumpsit; atque adeò exusto ærario, negativis a Parlamento subsidiiis, novis oppressionibus occasio est facta, & cum Ecclesiasticas facultates ad se extraheret, magnis cum Papa diffidiis usam præbuit. Rex vero parum constans animo, conceptos demisit Spiritus, & Pontifici cessit, qui sua bona in Anglia recurans, de integro pauperes ejusdem Regis subditos continuâ emulsione emaccravit.

Hicce accessit quod indies novæ tam ex Gallia quam ex aliis partibus familiæ, Rerum hac aut illa affinitate contingentes, in Angliam transvolarent, quorum inopiæ

magnificis donis subveniendum erat maximo rei publicæ detrimento. Quibus Rex indies pauperior, omnimodis extorsionibus, quin & rapinis operam dedit, immo regia vendita supellectili, aurum ad nomina quibus devinctus erat solvenda quantum potuit corrasit.

Deinde cum incommodis non poterat, minis & violentiâ a Londinensibus modicam argenti summam impetravit. Et postea ad nobiles conversus frustra subsidium illos rogavit, ex quo clerum aggressus, parum aut nihil effecit.

Expeditionem deinde in Palæstinam ad Galliæ Regem liberandum moliens, Episcoporum & procerum conventum indixit, a quibus cum ne micam quidem argenti impetrare poterat, rabido similis omnes ex cubiculo poturbavit. Quâ injuriâ quoque Elyensis Episcopus ob eandem causam ab eo exceptus est. Tandem subsidii nonnihil ipsi concessum, cuius in gratiam antiquas publici beneficii Chartas solenni ritu confirmare adactus est, illud autem argentum quod sacro bello destinaverat, quâ honorariis, quâ conviviis, aliisque in ejus perniciem excogitatis dolis brevi dissipatum est, quin etiam Siciliae Regnum filio suo Edmundo a Pontifice magno soluto prætio in spem vanam redemerat.

Cambri interea gravibus vexati injuriis a Principe deficiunt, quibus opprimendis & in ordinem redigendis, iterum novo opus

as erat argento, quod tandem lepidis  
dis & commentis corrasit.

Ricardus interea Cornuwalliæ Comes  
gis frater Principum Germaniæ rogatu  
Romanorum Imperatorem eligitur, brevi  
nen, cum importunis oppressionibus &  
dictis inolescere, exauctoratus, Impe-  
or paupertinus in Angliam rediit, ex quâ  
ssimus Comes profectus erat.

Cum autem Henricus, ut illud æs supple-  
quo ipsum Pontifex (vana ostentata  
gni Siciliae spe) emunxerat, de integro  
fidium nobiles rogat suos, quibus per-  
aciter negantibus, Regeque instante,  
diffidium diffilitur, postea autem novo  
dicto Parlamento, quæ procères in Regni  
uritatem protulerant, jure jurando uti  
am filius ejus confirmare coactus est.  
uo tempore etiam sancitum ut Regis fra-  
cum Pictonibus qui in Anglia subsiste-  
nt protinus Regno facerent. Suborta  
o sive sponte pestilentiali lue, sive sparso  
ecedentibus peregrinis veneno, proce-  
n haud pauci extinguuntur, quo diversi  
suspicionem sola tum morte multantur,  
n in carcerem conjiciuntur, tum etiam  
exilium pelluntur. Nec eò minora An-  
os mala affligere, illi enim quibus erro-  
in Regno corrigendi provincia credita  
t, omni atrocitate miseros incolas aver-  
cabant, ut jam quot Domini totidem  
ranni essent & jam plane Domino similes  
ent servi. Quin etiam ut subditorum in-

vidiam in Regem concitarent, omnem suppressionis culpam in eum conjiciunt. Quam publico diplomate a se avertere contendit, sed frustrâ, cum ipse solenni parlamento, cam quam antea viginti quatuor delectis viris dederat, nunc Montifortensi, Glocestriæ Comitibus & Spenserio concedere coactus fuerit potestatem, jure jurando in ipsis confirmatam.

Ricardo interea Romannorem Rege in Angliam appulso; Henricus pauperis quavis fratris audacior adventu, primitus juramenti absolutionem a Pontifice petiit, deinde procerum insolentiæ sese opposuit. ad Galliæ Regis auxilium confugit, qui inter Henricum & nobiles judex eligitur, ut partium controversias dirimeret, at cum nihil ageret, in apertum hinc & inde bellum erumpitur. Lycestriæ Comes Glocestriam cum arce expugnat, gravemque civibus mulctam imposuit. Worcestriæ deinde arcem postea Elyensem insulam in potestatem suam redegit, quin & Vindeforium castrum. Rex verò ne Londinum usque perveniret veritus, de pace cum illo transigere è re sua duxit, in quam tandem conventum est, eis nimirum conditionibus, ut omnia proceribus traderentur Castella, & omnes alienigenæ ad dictum diem protinus Regno facerent, iis demùm exceptis, quibus permanendi data esset licentia.

Rex vero novo indicto Parlamento, nobilium nonnullos & præsertim filios suos ad  
se



pertraxit, quibus Iohannes Comminus, liolus, Robertus Brusius, alique ex otia accedere, quibus haud paulò confir- tus, Leycestriæ & Glocestriæ Comitibus quicquam sese excusantibus bellum in- it; qui cum viderent Regem quotidie ibus increfcere, conscripto subitaneo longè minore exercitu, arma contra gem movent. atque hic dolus virtutis plevit partes, dispositis enim retrò vex- s sine militibus; majorum copiarum eciem præbuerunt. Et fors bonam cau- n adjuvit, Regis enim dispersis copiis axima earum pars oppressa & occisa, cæ- i fugâ sibi consuluerunt, Rex vero, Prin- ps, Cornuallia Comes, filiusque ejus enricus, omnesque Scoti proceres ho- um in manus incidere.

Actum fuisset de Rege ejusque fortuna, si lis inter Leycestriæ & Glocestriæ Comi- s exorta acri contentioni & deinde bello usam præbuisset. Quo Leycestrius inferior on sine ingenti gloria fortiter cecidit.

Eadem Fortunâ Simon & Guido Monti- rtenses, Leycestriæ Comitis filii, hic in aliam, ille in Galliam extorres facti sunt, i illustrissimis postea familiis nomen de- re. Quin etiam mater præstantissima fæ- ina, in Galliam paulò ante profecta, in odam Cœnobio vitam finivit.

Novo deinde inter nobiles dissidio exor- , iterum ad arma conclamatur, quin eti- m Cambri qui antea Montifortensi auxi- lium

lium subministraverant, ad vindictam poseuntur. Verum pace utrobique facta, sine sanguine hic confedit impetus.

Partâ Domi quiete foras ad sacrum in Palæstina bellum Eduardus Walliæ Princeps Gallo rogante profectus est: Ricardus verò Romanorum quondam Imperator interea obiit, quem paulò post ipse Henricus dum parta bello damna resarcire studet, secutus est.

## EDUARDUS PRIMUS, ANGLIÆ REX.

Anno 1272.

**U**T moritur Henricus in Palæstina hæsitabat Eduardus bello sacro intentus, ubi & ipse gravissimum discrimen subiverat, tribus ipsi à percussore inflictis telo venenato vulneribus; quibus tamen mira uxoris pietate venenum ex vulneribus ore exsurgentis, maturè subventum est. In via de obitu patris certior factus, in patriam terrestri itinere tandem pervenit, Regnoque initiatur.

Principio Regni nobiles commodè habuit, Ecclesiasticorum autem insolentiam reprimere aggressus, illorum thesauros in ærarium suum transferre iussit, aliisque illos affixit modis, quibus illorum sibi conflavit invidiam. Cambri quibus recepta erat consuetudo, omni occasione novos ciere motus, jam de integro

ro duce Leolino in Eduardum exurgunt, etque superbiâ debacchantur, qui autem citò evanuit impetus; Aleonora enim Sinenis Montifortensis filia Leolino desponsa, dum ad sponsum ex Gallia maritimo mare tendebat, ab Anglis capta est. Quam vi lytro redimere necesse habuit, pro quo insuper perenni Eduardo obsequio, fratre Davide Anglis concessio, qui magis apud Eduardum loco habitus est. Leolinus autem obedientia non ultrà triennium constitit, mortuâ enim Aleonora uxore, novam rebellionem erupit, David etiam Regis Eduardi amoris oblitus, ad fratrem repente defecit, & sic conjunctis viris Anglorum fines illi ingressi sunt, & aliâ clade Eduardum affecere, fallaci Merlicus quidam vaticinio, quo Leolino Brutorum promitteretur, mirum in modum flammato, conferto autem prælio, a grege militum Leolinus occisus est, caputque eius ad Regem delatum, à quo pilo infixum, hederâque coronatum castello Londonensi imponitur. suppar fratri Davidi fuit, qui in Wallia captus, equo ad publicum tractus & decollatus est, cuius corpus juxta fratris erigitur, & quatuor corporis partes ad quatuor præcipuas Angliæ urbes mittuntur. Sic Cambrorum rebellionem, filiique sui Alfonsi primogeniti, qui eodem prælio ceciderat, necem Eduardus ultus est.

Gravior autem ex Scotia imminebat tempestas.

pestas. Alexander enim tertius Rex Scotiæ, dum equum agit cum eo collapsus, & extinctus est, relicta hærede filia ejus Margarita, hæc autem brevi patris fatum secuta, decem competitorum æmulationibus Regnum reliquit, quorum ut jura inquireret, ab omnibus delectus est Eduardus, ipse autem omnium prætensiones in duos præcipuos Iohannem Baliolum, & Robertum Brusium, contulit, qui suppari jure regnum affectabant. Dum inter eos res hæsitat, Brusium adortus est Eduardus, si obsequium sibi perenne daret Regnum ipsi Scotiæ promittens, Brusius autem patriæ libertatem, suo honori præferens, detrectabat, Baliolus vero in eas conditiones consensit, & Regnum adeo Scotiæ adeptus est, omnium autem odium hoc facto sibi conciliavit. Augebat invidiam negata ob Fifiæ Comitissæ cædem Iustitia; Baliolus enim interfectorem ejus Albermethum supplicio exemit, quò Baliolus ad Eduardi tribunal citatus, causam ipse suam dicere compellitur, quâ ignominiâ infensus in Regnum suum proficiscitur, & Eduardo in posterum denegavit obsequium, bellumque indixit, pacto cum Galliarum Rege fœdere. Atque adeò omnium cruentissimo bello inter duas gentes causa data est, quod ad trecentos annos intermissis nonnunquam parum sinceris induciis, extractum est.

Exercitus utrobique conscribuntur, Anglusque primus Scotos adortus gravissimam  
 ipsis

s cladem iutulit, variasque urbes & Ca-  
la expugnavit, qua jacturâ ad pacem  
endam compellitur Brusius, quæ qui-  
n data, veruntamen ipse captivus in  
glia deducitur qui postea liberatus, vi-  
in Gallia finivit, frustrâ rerum suarum  
urationem opperiens. Atque adeo in  
num suum rediit Eduardus, relictis quâ-  
um in Scotia curam haberent Iohanne  
ramio Sufflexiæ Comite legato suo, &  
gone Chrysingamio Thesaurario. Pau-  
autem post Scoti cum forte in Galliam  
glus profectus esset, facto in Regis minis-  
impetu Hugonem Chrysinghamium,  
n sex Anglorum millibus, duce Guljel-  
Valla, interficiunt. Rex verò in An-  
m redux aulam suam Eboraci conscrip-  
& protinus conflato exercitu, ad Fon-  
kam Scotos de novo adorsus est, &  
invis ipse territo hostium clamore equo  
ussus, & duabus ruptis in pectore cos-  
s, graviter multatus erat, tamen mag-  
illos clade affecit, ducentis equitibus,  
peditum quadraginta millibus interfec-  
Vallas solus cum exigua equitum ma-  
hostium furore elapsus est. Procerum  
acta bona Anglici juris fiunt, omnesque  
eficiarii facti, in Eduardi verba jam  
iò jurare compelluntur.

Brevis autem fœditragi Scoti fuit fides,  
asio enim Roberti filio tumultuariè  
ge creato novæ exurgunt turbæ, ille  
m Iohannis Cumini jura veritus, nefar-

riè illum in templo Dumfreenfi occidi iussit. Quo audito mirum in modum ad vindictam incenditur Eduardus, protinus elegantissimo conscripto exercitu, in Scotiam movit, non destitutus priusquam ejus Regni usurpatorem suppressisset. Pembrocensis Comes qui cum suis militibus præcesserat, Brusium subitò arripiens, omnes ejus delevit copias, cuius manibus ipse Rex vix elapsus in antris, latebris & abruptis montium indecoram vitam duxit, aliam rebus suis sortem opperiens. Fratres ejus hostium in potestatem pervenientes, extremo supplicio ut proditores affecti sunt.

Rex vindictæ rabie efferus, nullius vitæ parcere certus, in obvios quosque sæviit. Atholiæ quoque Comes Regio quamvis sanguine Oriundus, Londinum missus suspendio enectus est, atque eo aliisque modis in alios Brusii affeclas animadversum. Nec tamen Brusius quanvis penè omni sequela orbus, ideò desit, verum collecta militum manu Pembrocensem subitò adortus, magna clade & jacturâ affecit, & Glocestriæ Comitem in Ayrense castrum actum obsidione cinxit, donec superveniente Eduardo, ad priores latebras confugere necesse habuerit.

Interea novum cum Galliarum Rege Philippo pulchro exarserat bellum, ex quadam subditorum utriusque Regis controversia, & prætensa injuria natum, Reges  
enim

enim qui mutuâ invidiâ ducuntur, facile in apertum odium exardescunt. Anglus etiam ob interfectum à Montifortensis Comitibus filio Henricum Patruelem Ricardi Imperatoris filium ( ad quod facinus Gallus connivebat ) ipsi meritò infensus, avidè omnem bellum gerendi occasionem amplexus est. Navali pugnâ magnæ primitus ad Sequanæ ostium & alibi Franco clades illata est. Et Eduardus cum dies ipsi ut Beneficiario à Philippo ad causam dicendam dictus esset, adesse negat, & quod utrò dedisset obsequium jam exhibere detrectat. Quapropter magnis conscriptis copiis, Eduardi in Gallia ditiones bello Philippus aggressus est. Anglus vicinorum Principum Comitibus Flandriæ, Brabantiaëque Ducis, aliorumque affinitate fultus, quibus promissum ab Adolpho Nassovio Romanorum Imperatore accessit auxilium continuò contra Galliaë Regem movit. Scissam verò in partes Galliam offendens, promissisque ab Imperatore auxiliis defraudatus, postquam Gandavi non sine civium murmure suorumque penuria hyemaverat, novo vere cum Gallo pactis in biennium induciis, ductaque Ducis sorore Margarita uxore, ( Leonora enim in priore expeditione contra Scotos obierat ) Eduardoque filio suo Philippi filiâ desponsatâ, in Angliam rediit.

Postea verò, cum ultimum in Scotos impetum pareret, postquam Carlioli hyemaverat,

verat, in itinere dysenteria correptus, & ingravescente malo Burgosandii extinctus est, postquam triginta & quatuor annos Angliæ præfuerat.

Proceritate cæteros omnes antecellebat, vultu subtristis erat, castitate patri similis, fortitudine verò longè ipso superior, iudicio juxta & continentia excellens.

## EDUARDUS SECUNDUS,

### ANGLIÆ REX.

Anno 1308.

**E**duardus cognomine Carnarvanus, ordine successionis defuncto Patre, ad Thronum evchitur. Ille verò vel in ipso initio futuræ Tyrannidis speciem exhibuit, illis præsertim quæ pater testamento fieri jusserat, susque deque factis, & revocato ab exilio Ganestonio perditissimæ vitæ juvene, qui ob insolentiam pulsus erat jussu patris, ultimis verbis ne illum revocaret jubentis. Qui postea magnis dissidiis causam præbuit, quippe cum Rex immodicis donis hominem oneraret, ipsi nobilium invidiam, sibi penuriam conflavit. Quin etiam patre nondum sepulturæ mandato, matrimonium cum Philippi filia, vivente Eduardo contractum ad finem perducere contendebat, quod & maximo nobilium & præsertim Ganestonii apparatu perficitur, præsentibus quatuor Regibus, tribusque, exceptâ sponsa, Reginis. Datur Eduardo dotis

loco



loco Aquitaniæ Ducatus quem Gallus sui juris fecerat. Ipsi autem in Angliam reverso procures ob nimiam Ganestonii auctoritatem offensi , coronationis solennia negant , nisi protervum & invisum hominem, Regiâ Regnoque expelleret. Quibus Rex assentire visus , Regno omnium consensu cum Regina sua inauguratur. Verum enimverò cum Ganestonium in exilium relegare debuisset , summis illum honoribus auxit , frementibus nequicquam magnatibus.

Rerum interea summa penes Ganestonium, apud Regni procures nulla auctoritas erat , qui ut gloriâ quoque cæteros anteeret, indicto hastiludio primam laudem meruit. Digna nimirum præmio fortitudo , nisi illam in nobilium contemptum homo oppidò superbus convertisset. Parliamentum interim conscribitur , quo inter cætera sancitum est , ut magnæ Chartæ decreta observarentur , peregrini muneribus Suis moverentur; ut etiam cuncta in solenni Senatus confessu peragerentur, nec Rex inscio aut invito Senatu Regnum excederet , bellumve alicui inferret , quinetiam ut Ganestonius in exilium proscriberetur.

Ille itaque in Hiberniam relegatur , non ut exul, sed qui insulæ præesset , ubi etiam re benè gestâ laudem & remissionem meruisset. Rex verò præmaturo consilio, contracto illius , cum Clocestriæ Comitissæ sorore matrimonio , absentia illius impatiens,

tiens , ab exilio illum revocavit , statimque priori apud se gratiâ & loco posuit, ipse verò ut gratiam referret, callida adulatione omni Regem fortunâ emulsit, ut vix ad necessitatem facultates suppeterent. Nobiles interea illius insolentiam averfati, Regi universalem defectionem minantur ni turgidum subjectum aliò dimitteret. Quibus assentiri Rex è republica duxit. Ipse verò Ganestonius, postquam diutinè tum in Gallia, tum in Flandria oberrasset , omnibus æquè invisus in Angliam clam rediit , Regis & Glocestriæ focii favore audacior. Rex amicissimè eum excepit, utque ejus adventus cæteros lateret proceres , Eboracum versus cum eo iter instituit. Nobiles verò quibus illud innotuerat conspirationem incunt , cui omnes ( excepto Glocestriæ Comite ) nomina dedere , & Thomam Lancastriæ Comitem factionis caput constituunt, atque adeo Regi Ganestonii procerum in manus tradendi, aut alio extrà Regnum mittendi, necessitatem imponunt. Eduardus verò stolido favore cæcutiens , illum, cum proceribus assentire nolebat , valido cuidam Castello inclusit, ut adeo nobilium odium effugeret. Conjurati verò cincto obsidione castello , ad deditiōem miserum compellunt , & captum postea securi percutiunt. Tria Eduardo à moribundo patre jussa erant & testamento madata , ut nimirum , patria ossa per Scotiam dum Regnum domaret secum portaret. Ut triginta

ta librarum millia sacro bello impenderet. Ne extorrem Ganestonium domum revocaret. Duobus posterioribus non stetit, argentum enim illud sacro usui destinatum Ganestonio jam reduci dederat, de tertio videbimus. Scotorum Rex Brusius cui jam pridem Eduardi desidia innotuerat, rei bene gerendæ occasionem prætermittere nolens, condictis copiis totam repente Scotiam in potestatem suam redegit. Nec eâ contentus Angliæ ingressus fines, ferro flammæque obvia quæque depascitur. Eduardus ut vim vi opposeret centum millium militum exercitum conscripsit, apparatu verò magis quam fortitudine instructum, qui etiam, à Scotis, vix triginta milla militum implentibus, nullo negotio adjuncto virtuti dolo deletus est. Nobilium præcipui in hac pugna aut occisi aut capti sunt, Glocestriæ ipse Comes cum haud aspernandæ fortitudinis specimina præbisset, fortiter inter primos dimicans cecidit, cæteri fugâ sibi consuluerunt. Hinc Anglorum fracti animi & magna tum procerum, tum ipsius Regni pars ad victores defecit, tremendo punitæ perjuræ exemplo. Victoriis vero suis insistent Brusius Hiberniam quoque armata manu invasit, cuius magnam partem oppressit & latè populatus, Rex etiam ejusdem insulæ, deficientibus ad illum certatim incolis, salutatus est, triennioque rexit donec Armagensis Primas, & Berninghamus supremus in hibernia iudex, collectâ  
magna

magna militum manu , victorem adorti, magna suorum clade affectum capiunt, captumque securi percutiunt. Scoti sui Regis morte quasi efferati , Anglorum fines Eboracum usque miserè ferro flammâque devastant. Quorum insolentiæ ut esset modus, magnis undique correptis copiis, Eboracum versus movent Angli. Gliscente verò inter duces discordia , nec dum viso hoste, aut dilapsi, aut domum reversi sunt. Barvicum deinde prodicione Petri Spaldingii hostium in manus traditum est, quod obsidione protinus Eduardus cinxit. Dilapso verò Lancastriæ Comite cum suis copiis ob exortum quoddam dissidium, vastantibus interea omnia Scotis , variasque urbes & arces expugnantibus, vasa conclamare adactus est. Accedebat quod Eboracenses correptâ popularium magnâ manu, atque illâ Scotos adoriri ausi, infeliciter cæsi & deleti sunt. Rex solutâ Bervici obsidione, Scotos prædâ & spoliis graves infecutus, dilapsis illis alia viâ, frustrâ fuit. Sequenti anno Scotiam ingressus, quia omnia ante ejus adventum devastaverant hostes, propter famem & penuriam domum redire necesse habuit, insequentibus verò Scotis, & de improvviso ipsum aggredientibus, maximam cladem passus, vix ipse effugiit. Atque adeo imparem se hostibus conspiciatus, biennii inducias impetavit.

Hiscæ autem longè pcioribus domi turbis

bis conflictabatur, mortuo enim Ganestonio, Spenferius Iunior Regis in gratiam & favorem successerat. Qui cum eodem, quo Ganestonius modo rerum publicarum & domesticarum summam penes se obtinebat, haud potuit non eandem nobilium & procerum indignationem incurrere. Sed injustius erat hujus invidiæ velamen quam ut publico dissidio obtenderetur, alia aliunde quærenda erat occasio. Regem, ut concessas pridem condiciones factas rectas conservaret uno ore rogant, adhibitis rebellionis minis, ni obtemperaret, atque adeo magnas conscribunt bello copias, intervenientibus autem Regni Præsulibus, in pacem utrimque consensum est.

Conscripto vero paulò post publico ordinum conventu, palam de injuriis sibi illatis & de Ganestonii nece Rex conqueritur. Proceres verò haud quicquam illa in re, peccatum esse contendunt, ad monitionibus verò Reginae, & Glocestriæ Comitis mollescentes, flexis genibus harum rerum remissionem flagitantes, haud ægrè gratiam obtinuerunt, quæ publico diplomate Regisque sigillo confirmata est.

Iam omne consopitum videbatur dissidium, sicuti verò scintillæ levi cinere operatæ minutissimo quoque vento excitatæ grave incendium moluntur; eodem quoque modo ad priora mala levissimâ aurâ opus erat, prima data est defectionis occasio, quod Lycestriæ Comitis Uxor, quacum

cum diù quietè vixerat, à Ricardo Sanmartino quodam homine deformi, priorem cum illa conjugalem consuetudinem habuisse demonstrante (quod & illa quando super ea re inquireretur palam confessa est) ipsi cum Lincolnienſi & Sarisberienſi Comitatibus, ablata ſit. Altera dabatur quando ipſo Pentecoſtes feſto mulier quædam equo inſidens & ridiculo more ornata, aulam Regiam ingreſſa, Regis in fideles patris ſui miniſtros ingrati tudinem ipſi exprobraret. Tertia, quando eques quidem Regiis literis onuſtus interciperetur, quibus Scotiæ Rex ut Lancaſtriæ Comitem è medio tolleret, rogabatur, quo haud pauci à Rege ad Comitem illum defecere. Quarta cum inſanus quidam Iohannes Poudras ſe Eduardum Regem mentiens, ſuppoſititium eſſe quem colebant Eduardum aſſerere non dubitabat, quam inſaniam diro ſupplicio penſavit. Omnium autem maxima, quod Baro quidam Guljelmus Breviſius, qui crapulâ & ſcortationibus maximam ſuorum bonorum partem diſſipaverat, cætera quæ reſtabant ſubhaſtare volebat, quibus inhians Humbrejus Bohunius, impetrata à Rege veniâ, jam cum Guljelmo de iis tranſigebat. Rogerii quoque ambo Mortimerii aliorum competitorum neſcii, ſuper illis quoque licebantur, Spenſerius etiam ut illa præſtinaret proximam à Rege impetraverat veniam, cæterisque prælatus eſt. Mirum, quantum in ſe odium

hac re conflaverit. Iam omnes convenire nobiles, conjurationem inire, Spenferios patrem & filium proditores, Regis corruptores & rei publicæ pestes clamitare, & demum ad arma concurrere. Armata manu properè Londinum veniunt, & datâ impunitate urbem ingrediuntur, Regique querelas suas exhibent, quibus multorum intercessione, acquievit, Spenferii denique in exilium proscribuntur, brevi verò post, quando in publico Londinensis Senatus confesso injustam illam proscriptionem esse Archiepiscopus Cantuariensis contendebat, domum rursus extorres haud invito Rege revocantur, hæc quidem proceres, aliud tamen Regem impellebat malum. Regina enim Cantuariam versus iter faciens cum ad Badlesmerium Dominum divertere volebat, ignominiosè exclusæ est, aliòque se convertere necessè habuit; de qua re apud Regem conquesta, maximâ illum iracundiâ incendit. Qui nil nisi illius injuriæ vindictam spirans, correptâ subito militum manu, arcem illam adortus est, quâ expugnatâ, præfectus Thomas Colepepper in patibulum actus, & Badlesmerius cum uxore & liberis in carcerem conjectus, cunctaque ejus bona fisco addicta sunt. Incalescente verò jam sanguine ulterius progressus, proceribus bellum inferre animum induxit, illi vero increfcentes ejus copias conspicati, partim ad obsequium redeunt, partim ad arma confu-

confugiunt, illorum vero aut dilapsis aut oppressis copiis, quidam in acie occisi, cæteri capti sunt, quos inter Lancastriæ Comes, qui ante suum ipsius castellum capite plexus; cæteri aut suspendio necati, aut securi percussi sunt, adeò ut funestius nunquam nobili sanguine Anglia maduerit.

Iam ultimum & omnium pessimum imminebat malum. Galliæ enim Rex ditionum quas in Gallia Eduardus possidebat nomine, obsequii jus sibi exhiberi ab eo petiit, Eduardo vero detrectante armatâ manu ejus provincias arripuit. Mittitur tandem Regina Isabella Eduardi Uxor quæ terrarum suarum devastationem deprecaretur, quæ tum ut Regis jussa faceret, tum ut suas ipsius querelas fratre coram institueret, haud invita abiit. Quippe Eduardus Spenserii instigatione haud parum alienatus ab ea, multo illam contemptu lacessiverat. abierat cum ipsa Rogerius Mortimerius quocum Reginæ illiciti amoris consuetudo intercesserat, quod cum Regi innotuerit, misit ad Galliæ Regem, qui, ut Reginam cum Principe filio domum mitteret, rogarent. Illa autem non rediens omni Regis mariti terra proscribitur, & præsidia quæ illam si fortè invito Rege veniret, arcerent, maritimis urbibus imponuntur. Illa vero ad Hannoniæ Comitem confugiens, contracto inter Principem Eduardum, Comitisque filiam Philippam matrimonio-



matrimonio, justum ab eo exercitum impetavit, duce Iohanne Comitiss fratris. Vela tandem facientes, prope Harvicum terram conscendunt, quibus protinus Henricus Lancastriæ Comes alique proceres accessere. Rex, allato ejus rei nuncio, mirum in modum exterritus, Londino, ad dicta Reginæ urbe, sine mora processit, atque in Insulam Lundy aufugere constituens, adversa tempestate in Cambriam compellitur. Londinenses interea ut amorem suum in Reginam ostenderent Gualterum Stapletonium Angliæ Thesaurarium, Regis partibus addictum crudelem in modum, cum aliis quibusdam, securi percussunt, nec minus Regina Bristolii, Hugonem Spenserii patrem jam nonagenarium ad supplicium tractum, extracto vivo corde, crudeliter enecuit. Exercitus deinde partem ad Regem vestigandum misit, duce Henrico Lancastriæ Comite, & Ricco Paulino Cambro, qui cum omnes terræ tractus apprimè cognoverat ad Nethense Cœnobium in quo Rex delitescerat Comitem duxit, ubi statim ipse cum Spenserio, Roberto Baldocho, & Simone Redynio, hostium suorum in manus traditur, atque Lycestriæ Comiti servandus mandatur, à quo ut captivum Regem decet, omni cultu exceptus est. Edmundus vero Arundeliæ Comes, Iohannes Daniel, & Thomas Micheldemus Mortimerii rogatu decollantur, Spenseriis verò qui jam Gloucestriæ

striæ Comes audiebat, cum Simone Redingensi ad supplicium trahuntur, & laqueo primitus enecti postea decollantur, in partes scinduntur, capita eorum ponti Londinensi imposita, partes ad præcipuas urbes missæ, Baldochus verò in carcere inediâ extinguitur. Parliamentum deinde conscribitur, quo de Rege exauctorando, filioque Eduardo Regno inaugurando agitur. Hic verò matre longè prior, nisi sponte se prius pater abdicaret, Regno initiari nolebat. Mittuntur qui misero persuaderent: nec ægrè infelix Rex assentiit, dies tradendo Regno dicitur, & Eduardus pul- la veste indutus ingreditur cubiculum, ubi qui ab ejus manibus renunciationem acciperent, congregati erant, vix autem illum abdicationis sui apparatus viderat, cum linquente spiritu semianimis conciderit, multoque labore à Lycestriæ Comite, & Vinocestriæ Episcopo refocillatus, ad se rediit. Postquam verò conventus causam audiverat, respondit, uti sibi ingratum esset quod istiusmodi odio in se sui inflammati erant subditi, ita tamen volupè esse quod filium suum Eduardum ad Regiam dignitatem eveherent, & adeò accidentibus ritè solennitatibus, res tandem peracta est, concessio deinde Eduardo demenso, apud Lycestriæ Comitem ipse servabatur, & commodè habebatur. Reginae matri quoque tantum stipendium conceditur ut vix quicquam Regi Reginaeque  
super

superesset. Nec adeo placata furiosa mulier, libertatem quâ apud Lycestrium fruebatur maritus præcidere aggressa est, & ex Herefordensis Episcopi Adami Torletonii consilio, duobus equitibus Thomæ Gorneo & Iohanni Matreversio data est Regem aliò deducendi provincia, qui cum eo de loco ad locum profecti, pessimè illum dedolarunt, tonsis ridiculum in modum capillis, barbâque quò minus innotesceret, quem tandem in Barclajum Castellum deduxerunt.

Postquam Regnum amiserat, de vita ejus actum erat. Insalubri primitus victu vim ipsius vitæ inferre tentatum est, deinde cadaverum pessimo nidore, postea veneno, quorum neutrum successit. Herefordensis deinde Episcopi pessimi consultoris epistolæ ad dictos ejus custodes veniunt, quibus graviter increpantur quod molli-ter nimis indignum tractarent, adjuncto sub finem *Eduardum occidere nolite timere bonum est*. Quod ab ipsis ut volebant interpretatum est, qui propterea in lecto miserum adorti injectis stragulis spiritum ejus intercludere contendunt. Nec eò contenti, immisso ano candenti ferro atque adeo adustis intestinis (immani crudelitatis exemplo) Regem misere interficiunt. Parricidæ verò cum ministerii prætium expectarent, dignum perfidiâ præmium adepti sunt, capitis enim postulati, in exilium abire, Gorneus postea capite plexus, Matrever-

Matreversius post longum exilium , miserè tandem moritur.

Hic Rex corporis staturâ eximius, fortitudine mirabilis erat, crapulæ autem nimis deditus , atque adeo secretorum minus tenax , amore in delectos immodicus erat, amor enim si modus ad sit, nobilissima animi inclinatio est , si absit pessima omnium passio ; infelix magis quam infortunatus erat. Castitate omnes antecelluit , cum nullos post se nothos reliquerit , moderatione, cum nullam injustam pecuniam corradendi viam sit ingressus , subditis ut in vita exosus, ita post mortem charus erat.

## EDUARDUS TERTIUS.

ANGLIÆ & FRANCIÆ REX.

Anno 1328.

**P**atre loco moto , Rex salutatus est Eduardus Vindeforiensis cognomine, decimum quintum annum nondum egressus , & propterea admotis qui regni ejus nomine curam gererent tutoribus. Præcipua tamen penes Reginam & Mortimerium manebat, siue conniventibus siue indulgentibus proceribus, auctoritas. Prima fuit cura in Scotos movere , Robertus enim Brusius Regis juventutem despectui habens , Angliæ fines jam ingressus erat, omniaque armatâ manu populabatur, conscribitur itaque exercitus , adjunctis Hannonibus , quos secum Regina attulerat, Anglis,

Anglis, cum autem moribus diversæ nationes ægrè coalescerent, brevi gravis inter utramque nationem discordia enascitur, quâ peste ingravescente, nulla re bene gesta domum disceditur, postea in turpes pacis conditiones consensere Angli, contracto quoque inter Scotiæ Principem Davidem, & Iohannam Eduardi sororem admodum impuberes matrimonio. Eduardus quoque promissam sibi uxorem, Philippam Hannoniæ Comitis filiam duxit. Hannones deinde milites qui dissidio causam præbuerant, domum mittuntur. Edmundus quoque Cantix comes proditoris insimulatus, quod fratri Eduardo primo Regnum restituere satégisset, & propterea capitis damnatus, securi percutitur. Regi- næ autem publico Parliamento confessu ingentes quos ad se pertraxerat reditus, ad libras mille annuas contrahebantur, ipsaque Castello includitur, adulterii autem cum ipsa convictus Mortimerius, & non ipso facto comprehensus, in patibulum ollitur.

Philippus Pulcher Galliæ Rex supremum interea clausit diem, Regnumque ad ejus filios, Henricum, Ludovicum, & Carolum pulchrum devolvitur, qui omnes sua vice regnarunt, Carolo autem sine hærede nasculo obeunte, defecit in eo legitima successio. Eduardus qui ex Caroli sorore, Philippi pulchri filia genus ducebat, Regnum sibi deberi ratus, Philippum Valesium

Philippi pulchri fratrem adversarium habuit, mulieres enim publico in Gallia regimine per Salicam legem excluduntur. Philippus itaque Eduardo præfertur, cui & Anglus obsequii jus reddere ditionum suarum quas in Gallia possidebat nomine, coactus est. Hæc autem gravissimo postea bello acrique contentioni causam præbuere.

Eduardus Baliolus Iohannis filius interea avitum Scotiæ Regnum affectans, Mortuo jam Roberto Brusio, bellum Scotis intulit, & secundo prælio (vel ipsius Eduardi auxilio fultus) totum penè Regnum in suam redegit potestatem (dum David Rex adolescens in Gallia moras neciteret) & reddito Anglo obsequio, beneficiario jure illud retinuit.

Insula Man à Guljelmo Montacuto Comite Sarisberienfi interim quoque expugnatur, qui propterea Regis Mannensis titulo decoratur.

Eduardus ætate jam maturus, instigante Roberto Atrebate ex Gallia in Angliam profugo, bellum (isto cum Gelriæ, Iuliacensis, Cliviæ, Hannoniæ, & Brabantia ducibus & comitibus quin & Coloniensi Archiepiscopo ejusque fratre fœdere) Gallo meditatur. Gallus quoque hanc tempestatem præfagiens, Leodicensem Episcopum, Iohannem Bohemiæ Regem, Lutsenburgensem Comitem, Palatinum denique Albertum, Othonem Austriacum, & Amelium

mesium Genuensium Comitem sibi propitiaverat.

Eduardus itaque in Flandriam trajecit, Regis Galliarum titulo ( auctoribus Flandris) gaudens, finesque Galliarum deinde ingressus est. Philippus quoque Aquitaniam invasit, & quanvis utriusque Regis copiarum in conspectu immò in acie stabant, sine pugna tamen utrimque disceditur. Eduardus interea ut rem domesticam curaret, in Angliam rediit, relicto Guljelmo Montacuto, & Suffolciensi Comiti, belli curam, qui ambo postquam strenue se gesserant, capti & Lutetiam perducti sunt.

Eduardus vero ad hujus rei famam morandum non ratus, reditum suum in Galliam parabat, comperiensque ingentem Philippi classem in portu Slusensi stare conducam, & ipse maxima classe Gallos adortus est, classemque eorum penitus delevit, ad triginta Gallorum millibus tum occisis, tum quàm haustis, alioque mortis genere extinctis.

Turnacum exinde obsidione cinxit, quod oppidum tam validè à Burgundiæ Duce & Armeniaco Comite defendebatur, ut toto ejus exercitu disperso, ad quatuor millia amiserit. Quàm jactura mihi in modum excandescens Eduardus Philippum ad singulare certamen provocavit, re autem composita, cò non venturum est.

Turnacensis tamen obsidio minime in-

termittabatur & Philippus, omnem liberandæ urbi lapidem movebat, verum enimverò intercedentibus Roberto Siciliae Rege & præsertim Iohanna Valesia Philippi sorore, induciæ ad biennium impetrantur.

Scoti interea qui Balioli regimini adversabantur, evocato ex Gallia Davide Rege suo, bellum Eduardo inferunt, validoque Northumbriam exercitu invadentes fero flammâque, nulla neque sexus neque conditionis habita ratione, omnia miserè depopulantur, qui autem subita Guljelmi Montacuti accessione clade aliqua afficiuntur, adventu verò Eduardi territi, vasis conclamatis in Scotiam redierunt. Eduardus vero eorum copias assecutus levibusque aliquot præliis defatigans, inducias ad biennium illis extorsit.

Iohannes porro Montifortensis Comes dum jus suum in Britanniam asserere connititur, à Philippo captus est. Uxor verò ejus Eduardi auxilium implorans, haud difficile impetravit (desponsata comitis filio Eduardi filia Mariâ) data Gualthero Manio strenuo viro, & deinde Roberto Atrebatî ejus expeditionis provinciâ. Baliolus interea sua Scotiâ pulsus & ab Eduardo Bervico præfectus, haud rectè inducias à Scotis observatas esse Eduardum admonuit. Quâpropter extemplo magno exercitu contra Scotos Eduardus movit, nihil verò, præter renovatum armistitium actum est.



Robertus interim Atrebas, cum Gualthero Manio & aliis quibusdam proceribus, post gravem tempestatem, pugnamque maritimam, ad Venetorum oppidum (quod vulgo Vannes dictum) appulit & consensâ terra urbem hostili præsidio defensam adortus, brevi sui juris fecit, desperato autem quorundam nobilium impetu, à Gallis recuperatur, vulnusque Roberto infligitur, ex quo paucis post diebus in Anglia moritur. Eduardus vero se deinde in Britanniam movens de novo Venetos obsidione pressit, & superveniente Iohanne Normanniæ Duce, ad pugnam utrobique sese accingunt, intercessionem vero Pontificis Clementis sexti, paucorum mensium induciæ datæ sunt, nec men diù constitere, sed iterum, cujus spâ incertum, ad arma conclamatum est, quo Henricus Lancastrius in Aquitania, & his provinciis varia oppida expugnavit, deinde Burdegalam ad hyberna mo-

Philippus verò ne desidiâ rem suam periret, conscripto maximo exercitu Mirentium, Villam francam, & Engolismum aperavit, cum verò Lancastrius ingenuus Philippi viribus non sufficeret, Eduardus ipse magno admodum præsidio adfuit, ducto secum Walliæ Principe filio suo, vel immatura ætate (quindecimum enim annum vix attigerat, belli studiis initur, qui extemplo varia cepit oppida,

deinde Picardiam & Pontivum versus contendit, & obvia quæque aut delevit aut expugnavit. Sommam deinde miro fortitudinis exemplo, hostium in conspectu trajecit, & pavore magis quam armis consternatum Gondomarum fudit.

Philippus interea ad Divi Germani fanum cum exercitu substiterat, & tantâ suorum jactura efferatus, ad prælii aleam subeundam Eduardo diem dixit; ille ad Cresciacum castra sua metatus erat, sub signis Philippum hostem opperiens. Committuntur utrimque acies, & prælio signantur, ubi mira Eduardi tum Patris tum Filii fortitudo eluxit, victoria autem pro Anglo fuit illa die, Gallique copię funduntur & dissipantur, Rege ipso vix elapso, inventaque sunt occisorum cadaverum triginta admodum millia, quorum præcipui fuere Iohannes Bohemiæ Rex, Carolus Alenconius, alique præcipui proceres ad mille quingentos. Hanc victoriam alia insequitur clades Rotomagensi Archiepiscopo illata, quâ septem plus minus millia militum cecidere.

Nec tamen victoriarum finis fuit, in Anglia enim prospere vel absente Rege, contra Scotos res gesta est, Davide ipsorum Rege eum nobilium præcipuis capto, & militum quindecim millibus in acie occisis, cæterisque dissipatis copiis.

Nec secus in Britannia pro Comitissa Montifortensi à duce Thoma Dagovortio pugnatum

gnatum est, captis & occisis nobilium  
allorum primariis.

Eduardus tot tantisque victoriis elatior,  
 neglectis Ambiano & Abbatis villa oppi-  
s, Caletum maximi momenti, rebusque  
nglicis commodissimam urbem obsedit,  
m Lancastrius totam Aquitaniam per-  
rens, Santones, Pictonesque expugna-  
t, prædâ gravis Burdegalam rediens.  
ilippus interea Caletensibus auxilium  
urus cum copiis suis appropinquaverat,  
mque frustra Eduardum ad prælium  
ovocaverat, re infecta, Parisios movit.  
aletenses adeò omni spe defraudati de-  
nditionibus agere cæperunt, atque in  
s utrimque consensum est, ut præcipui  
ium sex vestibus, exceptis indusiis,  
oliati, laqueosque ignominiosè gestan-  
s Eduardo dederentur, concessâ cæteris  
nnibus gratiâ. Hi autem quanvis sub-  
sse & flexis genibus mortem deprecari  
ntabant, ad crucem tamen condemnati  
nt, rogante verò ipsâ Reginâ liberati,  
toque insuper viatico dimissi sunt.

Rex & Regina, triumphantibus similes  
bem ingressi, veteres incolas urbe facef-  
re jusserunt, oppidumque Anglicis fa-  
iliis oppletum asseruerunt.

Quod virtute amiserant, proditione re-  
perare Galli conabantur, Gotthofridus  
im Charnus Odomari fano præfectus,  
lmericum Papiensem quem Eduardus  
aleto præfecerat, jam prætio ad urbem

tradendam corruerat, re vero divulgata, in Angliam vocatur Almericus, adveniens verò & culpam confessus, veniam tandem impetravit, ea verò conditione ut Gallos spe sua delusos Anglorum in manus traderet. Constituto tempore adest Charnus, præmisso quod promiserat auro, verum Eduardi copiis circumventus est. Strenuè tamen sese defendit multumque negotii Eduardo cum filio præsentis, faceffivit, donec omnibus quos secum adduxerat occisis, ipse (cum equite quodam Ribomontio, qui Eduardum bis in terram conjecerat, ultimò vero ab eo superatus erat) captus est.

Felicius vero istiusmodi negotia Anglis succedere, Castro Guinensi (corrupto argento præfecto) in potestatem suam redacto, atque adeò par pari relatum est.

Philippus Galliæ Rex jam supremum clauderat diem, relicto Regni hærede Iohanne filio, quinetiam Humbertus Delphinatus princeps obiit qui eundem successorem suum nominaverat, atque ab eo tempore Regum Gallorum primogeniti, Delphinatus Principes audivere.

Sed cum inceptæ de pace tractationes non successerant, mittitur in Galliam de novo Eduardus Walliæ Princeps, qui Aquitaniam, Septimaniam, Tolosates, Narbonenses, & Bituriges percurrrens, spoliis gravis Burdegalam rediit. Eduardus haud minus novis copiis ab alia parte infestavit Galliam, quin etiam Lancastrum Navarræ Regi

gi auxilio misit, qui varias quoque & ip-  
urbes & arces expugnabat, quapropter  
llus quas poterat contrahens copias Nor-  
nniam primitus arripuit, multaque  
bi oppida recuperans, totam provinciam  
muisset, nisi Walliæ Principis inso-  
tiâ avocatus fuisset, qui adeo obviam  
profectus est, ille vero Galli copiis im-  
Burdegalam properè se contulit. Gal-  
verò cum affecutus prælium incundi  
ressitatem imposuit, desistere à concep-  
jam victoria nolens, quanvis missis à  
ntifice nuntiis pax submissee rogaretur.  
allus turpes quas Gallus proposuerat  
nditiones (ut videlicet seque suumque  
ercitum Regis gratiæ committeret) a-  
rsatus, ad pugnam sese accinxit, electis-  
e vinetis, & senticetis quibusdam ut e-  
itum evitaret impetum & incursum, ja-  
atores suos imposuit, qui incursantes  
providè equites nullo negotio turban-  
, victoriæ initium fecere, cui insistentes  
nnem protinus exercitum fuderunt dissi-  
runtque. Rex ipse Iohannes cum filio  
ilippo juniore & innumeris primoribus  
alliæ captus est. Ad septem millia occi-  
sunt, quos inter præcipui quidam nobi-  
. Cæteri cum tribus Regis filiis fugâ  
apsi sunt. Rex Galliæ quanvis captivus,  
oni tamen cultu ab Eduardo Principe  
ceptus est, & postquam Burdegalæ cum  
so hyemaverat, in Angliam vere novo  
citur, & splendide ab Eduardo Rege ex-  
cipitur,

capitur, qui uno Rege captivo contentus, Davidem Scotiæ Regem, rogante Iohanna Regina Eduardi sorore, postquam undecennio in Anglia versatus fuerat, soluto quod promiserat lytro, libertati restituit. Intercessione verò Cardinalium quorundam, de pace inter utrumque agitur Regem, & Iohannes moræ suæ in Anglia jam pertæsus, faciliè in eas quas Eduardus proposuerat conditiones consentiit. Filius verò ipsius senior Delphinatus Princeps, ut injustis & gravibus, uti etiam senatus Gallicus, illis acquiescere detrectabat. Quocirca moræ insolens, armis, quam pace nequiverat, rem perficere Eduardus aggressus est. Ipse relicta Thomæ juniori filio Regni curâ cum mille & centum navibus, & Anglicæ nobilitatis flore Caletum trājecit, ubi trifariam exercitum suum divisit. Primum Walliæ Principi credidit agmen, secundum Lancastrio, tertium sibi retinuit. Inde Picardiam percurrens diversa oppida expugnavit, donec ante Lutetiæ mœnia castra metatus sit, Delphini adventum incassum oppericens, quapropter retrò Carnutes versus movit. Verùm enimverò tam gravis illum in itinere tempestas obruit, anno M CCC LX ut maximè territus votum fecerit, pacem cum Gallo incundi, nec diù post ad Carnutes ea sancita est. Cujus conditionibus Galliæ quoque Rex inclusus, cum filio suo dimittitur ex captivitate,

agnaque Galliae pars Eduardo cum auri-  
amensa vi conceditur. Galliae autem Rex  
m (incertum quâ causâ) in Angliam.  
postero anno redierit, post diuturnos lan-  
guores ibidem obiit.

Eduardus sub hæc tempora perisceli-  
s equestrem ordinem, solenni ritu in-  
tuit.

Walliae autem Principis per universum  
dem fama jam percrebuerat, quapropter  
qui injuriâ oppressi aut hostibus fatiga-  
erant, ad illum undique ut protectorem  
injuriæ vindicem, confluunt. Petrus in-  
alios Castiliae Rex, ab eo in regnum su-  
n reducitur, parum tamen tanto beneficio  
atiae retulit, cum Eduardi militibus quæ  
ruerant stipendia persolvere Petrus de-  
ctaret. Ipse Princeps nihil nisi animi &  
rporis ægritudinem (si famam & tantæ  
tutis gloriam excipias) retulit. Milites  
erea ob non soluta stipendia irati, ne  
tu necessario destituantur, omne circum-  
ca territorium percurrunt, obvia omnia  
ipientes, qua de re apud ipsum Galliae  
gem incolæ conquesti sunt, qui prop-  
ea Principi ut ejus insolentiae rationem  
dderet, diem dixit. Ille negabat se ven-  
um nisi sexaginta militum millibus sti-  
tum, in bellum itaque erupit hæc discep-  
tio, multaque sibi invicem oppida di-  
iunt, magnasque strages inferunt, supe-  
re maxima ex parte Anglo, qui ex pu-  
atis Bordeille & Belloperche oppidis,

Borboniæ Ducis matrem, & Galliæ Regi-  
nam cepit.

Philippa sub hoc tempus Angliæ Regina  
defungitur, nec tamen ejus mors Anglo-  
rum in Gallia progressus inhibuit.

Pembrocentis enim Comes, Andega-  
venses adortus, pluscula expugnavit oppi-  
da, cumque exinde Gallorum naves diffi-  
pare & diripere satageret, industriâ Comi-  
tis Sanpollii frustra fuit, atque adeo Cale-  
zum, omnia in viâ populatus, reversus est.  
Andium interea & Biturigum Ducibus  
Walliæ Principis fines vastantibus, cum  
ipse obviam venire conatur, accepto ex-  
pugnati Lemovici nuncio, continuo illuc  
movens, rursus oppidum in potestatem re-  
degit suam, omnibus passim trucidatis,  
cum autem trium centurionum qui sua  
virtute victrices copias soli morarentur,  
fortitudinem vidisset, illorum causâ viven-  
tibus cæteris urbique pepercit. Rex Scotiæ  
David interea obierat, nullo relicto hære-  
de, præter Robbertum Stuartum cogna-  
tum qui & ipsi successit, Seonæque inau-  
guratus est. Robertus Canolus jam maxi-  
mo exercitu in Galliam missus majori au-  
daciâ quam fortunâ rem gessit, donec à  
Bertrando Gesquino circumventus maxi-  
mam suorum partem amiserit.

Eduardus Walliæ Princeps armis & virtu-  
te omnium clarissimus Burdegale hoc tem-  
pore ex morbo decessit, tum etiam Gualte-  
rus Manius clarus bello dux Londini. Pem-  
bro-



brocensis quoque Comes qui ejus filiam uxorem duxerat, Aquitaniæ jam præfectus, cum ad præfecturam suam iter institueret, ab Hispanis captus in Hispaniam ducitur. sequebantur omnes quas Walliæ Princeps in Gallia ditiones obtinuerat, à Carolo V. Rege Gallorum, maximam partem recuperatæ, ut jam manifestè fortunæ alea nutaret. Eduardus quidem cum maximis cò copiis profectus est, sed adversa tempestate frustra fuit, Lancastrius quoque rerum suarum sategit, nec tamen quidquam profecit.

Eduardus verò cum sua spe, quam de filio suo Eduardo conceperat, omnique penè laborum suorum in Gallia fructu destitueretur, tantam animi & corporis ægritudinem contraxit, ut decimo post Walliæ Principem mense fatis cesserit, postquam annis quinquaginta regnasset. Omnium Principum fortissimus, formâ conspicuus, animi juxta & corporis dotibus excellens, optimæ uxori, optimoque filio vel in ipsa morte superstes.

## R I C A R D U S .     S E C U N D U S ,

ANGLIÆ & FRANCIÆ REX.

Anno 1378.

**R**icardus cognomine Burdegalensis, Eduardi Nigri Walliæ Principis filius, ab Eduardo avo successor nominatus, post ejus mortem Regnum adeptus est, nondum

nondum undecimum ætatis annum egressus. Quocirca tutores ipsi dati Iohannes Lancastrius Dux, & Edmundus Cantabrigiæ Comes, ejus Patruus. Scotus & Gallus ex Regis juventute rei bene gerendæ occasiones aucupantes, arma jam de novo parant. Galli urbem Ryam expugnant, & successu jam audaciores Vectem Insulam adorti, flammâ ferroque omnia devastant, extorta incolis magna auri vi, atque inde universas Angliæ oras depopulati immensa prædâ ditescunt. Scoti haud minus Barvici Castellum capiunt. Northumbriæ verò & Nothyagamiæ Comitum industriâ arx recuperatur, omnibus Scotis interneccione deletis. Hugo quoque Calverlejus Caleto præfectus, viginti sex Gallicas naves in portu Bononiensi injecta flammâ consumpsit. Nec minus Iohannes Philopotus Londinensis civis sui ipsius sumptibus classem parans, Merceri celeberrimi prædatoris, ad Angliæ oras piraticam facientis, magnâque clade ejusdem rei publicæ mercatores afficientis, omnes quas habebat naves diripuit. Redux vero vice præmii præditionis insimulatur, quia inficio Rege classem ordornasset. Ipse vero causam suam ad eò defendebat, ut non tantum ejus factum excusatum verum etiam ad hunc usque diem celebratum sit. Certè res politicæ quanvis clam suggillari possunt, non tamen palam investigandæ sunt, cum auctoritas eo modo vitium faceret, &

erroris

erroris loco tumultus excitaret, & cum iactura universalis & communis sit, unusquisque ad vindictam arma ministrat, & quavis præter rationem esset auctoritatem præterire, crimen tamen audire non potest periculum pro ea subire. Prosperâ adversaque Fortunâ multum hinc & illinc defutatum est. Scoti Rupisburgum flammis devastarunt. Northumbriæ vero Comes Scotiam ingressus Merchix ditiones ferro flammâque itidem delevit: septentrionales verò Angli Scotiam quoque invadere satagentes infelicitè cæduntur. Et brevè post Lancastriæ Dux cum Buchingamio, Warvicensi & Staffordio aliisque nobilium præcipuis, magnâque classe in Britanniam appulsi, oppido Sanmalo obsidionem meditati, nimiam vero præsidii defensionem experti, domum reversi sunt. Scoti de integro Bervici Castellum ad motis scalis noctu superabant, & Robertum Bayntonium loci præfectum interficiebant. Comes vero Northumbriæ subito cum exercitu advolans arcem post bidui oppugnationem recuperavit. Guljelmus Montacutus Regis Cæleti legatus prosperè etiam rem tum terrâ tum mari gessit, adversè verò Iohannes Clericus qui quavis masculè se gesserat ab hostibus cum suis navibus superatus & captus est. Atque ad cò hic & alibi ancipiti fortunâ pugnatum est.

Tomas Cartonius interea à Iohanne Anscero

Anslero proditionis postulatur, quasi præ-  
tio corruptus Divi Salvatoris Castellum  
hostibus Gallis tradidisset, Cartonius fa-  
cinus inficiatus ab eodem Anslero ad sin-  
gulare certamen provocatur, in quo Car-  
tonius quanvis membris & viribus Anslero longe præpolleret, occisus est. Auspi-  
cante quarto Regis Ricardi anno mittitur  
Buchingamiæ Comes cum aliis modico-  
que exercitu in Galliam, ut Britannia Ducis  
auxilium ferret, Gallo autem Rege sub il-  
lud tempus defuncto, pax inter novum Re-  
gem Ducemque sancita est.

Hispanorum verò & Gallorum triremes,  
magnam cladem maritimis Angliæ urbi-  
bus illo tempore intulerunt, diversisque  
oppidis aut expilatis aut flammâ everfis,  
spoliis graves in continentem redierunt.

Cantiani verò jam gravi ob tributorum  
mortale onus tumultu exarserunt, odio-  
que implacabili in nobilitatem, sumpta  
undecunque occasione, exasperantur, cum  
aliàs vilis hominum sæcula honoris mini-  
me capax, quem ipsa perferre non potest  
aliis invidet. Originem dicitur hic tumultus  
à Iohanne Tylero quodam duxisse,  
qui tributorum collectorem insolentius  
se gessentem arreptâ pertica ad mortem  
multaverat. Cui alii quidem seditiosi, im-  
mò integræ sese adjunxere provinciæ.  
Crescebat in immensum tumultuaria fa-  
ctio, armatâque manu Londinum mo-  
vet, & primitus doctorem quendam Lon-  
dinesem

dinensem Ricardum Leonem securi interficit, erectumque in hastæ apice caput veluti in triumphum rei bene gestæ circumfert. Omnes deinde postero die ad Lancastriæ aulam convolantes, injiciunt illi ignem, divitem suppellectilem diripiunt, & in Thamesim conjiciunt, sedulo præcaventes ne quisquam aliquid sibi retinuerit, immò cum avarus quidam vas aliquod argenteum in suo absconderat sinu, arreptum hominem simul cum vase vivum in flammam conjiciunt. Pars in vinariam cellam se contulit, quæ ruentibus ædibus semi oppressa, ad septimum usque diem opem nequicquam implorans, tantæ ruinæ supervixit. Illum in modum passim grassati, in obvia quæque insano studio feruntur: tandem ad aulam Regiam turrimque Londinensem convolant, castrumque, Rege defensionem non auso, nullo negotio expugnant, ubi Regina Mater injuriam ab insolente quodam, os illi offerente passa semianimis concidit. Simon Cantuariensis Episcopus ex turri abstractus in subjecta arca securi percutitur. Robertus Hallius eandem vim passus est, uti & alii quidam, nec templorum nec publicarum ædium habita ratione, omnia lymphaticis similimi fanatico impetu diruunt. Rex hisce tumultibus remedium meditans, concessa commissorum veniâ iram furentium placare satagit; Essexiæ comitatus incolæ parentes domum facesserunt, Cantiani vero

verò pertinaciter Duce Tylero persistunt, ad quos Regis nomine Iohannes Novotoni-  
us mittitur, ut insolentes ad obsequium hortando perduceret, aut secus illorum voluntatem sciscitaretur, ipse cum equo insidens adyenerat, iussus est à Tylero in terram descendere atque eo modo loqui (tantum sibi arrogaverat furiosa auctoritas) negat descendere eques, Tylerus itaque gladio instat, Rex equitis periculum antevertere studens orat ipse ut descenderet, negante equite, & instante Tylero, accessit tandem Guljelmus Valvorthus urbis major, baculoque quem gestabat Tylero graviter in capite percussio manus ipsi dare nomine Regis pro more iussit. Qui dum ictu turbatus stabat à Regis familia innumeris vulneribus occiditur. Duce occiso vindictam parare videbatur mutilata factio, Rex vero quanvis decimum quintum vix attigerat ætatis annum, prompto animo ad ipsos transiit, promittens se ducem eorum fore, rogansque, ut sequerentur, cum ex animi sententia omnia illis successura essent. Valvorthus interea mille circiter cives congregaverat, quibus se Robertus Conolus ducem præbuit, & cum illis tumultuantibus occurrens, tantam illis consternationem incussit, ut abjectis protinus armis, manus sponte dederint. Cives in rebelles impetum fecissent, Rex vero obstitit, ne fortè innocentes cum nocentibus caderent,

rent, verum enimverò ut in totum sedaretur tumultus, libertatem domum cuique eundi concessit. Alicubi verò non eadem parta est quies, in Suffolcia enim mirum in modum debacchati iuridicorum quorundam ædes diruunt, uti & Cantabrigiæ, & alibi, occisis, decollatis & alio modo graviter multatis nobilibus, quorum dux Iohannes Litteſter tinctor, in tantam superbiam degeneraverat, ut Regis inſtar ſe geſſerit. Ipſe verò cum omnibus aſſeclis ſuis, Henrici Spenſerii Episcopi Norriſſenſis indiſtriâ & virtute oppreſſus, cap- tus, & ſupplicio aſſectus eſt. Londini quo- que ut & alibi in reos animadverſum eſt, ubi Iohannes quidem Stravus aliiſque mor- te aſſiciuntur, atque adeo patriæ reddita eſt quies. Lancaſtrius interea in Scotos mittebatur ut iis, ſi forte ex hiſce tumultibus rei gerendæ occaſionem ancuparen- tur, continuò aſſet, ipſe verò tam pru- denter rem ordinavit, ut priuſquam ad eos motus rumor pervenerat, in duos treſve annos induciæ darentur. Anna interea Venceſlai Imperatoris Soror, Regi nup- tura Londinum advenerat, ubi maxima pompâ nuptiæ celebratæ ſunt.

Henricus Spenſerius exercitum ſub illud tempus à Rege obtinuerat, quem in Gal- los & præſertim, pro Urbano in Antipa- pam Clementem duxit, & primitus Flan- driam ingreſſus, Iperam obſidione cinxit, majori autem ex Gallia vi obſidionem ſol- vere



vere necessè habuit, cumque præter Gravelingam duceret, Regi scripsit optimam adesse hostes profligandi occasionem, Lancastrio verò cui data erat provincia moras noctente, nihil actum est, & Spenserius nulla re gesta domum rediit, brevi autem post induciæ inter Gallos Anglosque pactæ sunt.

Scoti interim Angliæ fines ingressi varia oppida & arces ferro & igne consumpserant, obviam verò Lancastrius cum Buchingamio profectus, cum ad pugnam Scotos perducere non poterat, in vindictam illatæ injuriæ urbibus & pagis aliquot concrematis, domum rediit.

Ricardus verò ut eorum insolentiam reprimeret, quibus etiam Gallorum Rex auxilium miserat, ipse cum exercitu suo in Scotiam profectus est inventumque sine præsidio Edimburgum injectâ flamma demolitur, Scoti interim ut Anglorum vires averterent, in Cumbriam factò impetu; Carliolum obsident, audito vero Ricardi adventu, vasis conclamatis in patriam redeunt.

Lancastrius interea cum delecta militum manu in Hispaniam, Regis Hispaniæ titulo à Rege Ricardo donatus, expeditionem aggressus est; ubi nonnulla quidem oppida expugnavit, filiamque suam Portugalliæ Regi despondit, Anglis vero ejus territorii & calidioris aeris impatientiâ in omnia morborum genera incidentibus,



tibus , pactæ sunt induciæ , quas pax deinde secuta est.

Ad Galliæ oras ducibus Arundeliæ , & Nothyngamiæ Comitibus Gallicæ naves vino onustæ ad centum numero expugnatae sunt , & oppidum Brestum obsidione liberatum. At grave sub hoc tempus in Anglia inter Regem & proceres Glocestriæ Ducem , Arundeliæ Comitem aliosque , instigantibus Hiberniæ Duce & Suffolciense Comite aliisque malitiosis , exarsit dissidium. Immo ad arma concurrebatur , mitiori autem quorundam consilio , rursus coaluere. Dux vero Hiberniæ sponte aulam deserens , in Darbiensis Comitis copias incidit , & pugnam non ausus , trajecto cum equo flumine , relicta Angliâ in Belgium aufugit , ubi extorri similis aliquot annis degens Lovaniæ tandem obiit , cæteri quoque qui Regi auctores belli extiterant celebri parlamenti consessu ex aula Regnoque faceessere iussi , & nonnulli postea extremo supplicio affecti.

Decimo quinto anno regiminis Ricardi Londinenses in tumultum exardescunt , levissima quidem ex causa , Rege vero ob negatam sibi exiguam argenti summam mire insenso , præcipuis privilegiis , magnæ auri vi mulctantur. Tanti est Reges laceßere. Solenni postea Regum conventu inter Anglum Gallumque pax sancita est , desponsata Ricardo Regis Galliæ filiâ Isabella , octo annorum Virgine :  
Anna

Anna enim prior ejus uxor decesserat. Glocestriæ verò Dux importuno quodam verbo Regis ignaviam suggillans, in ejus iram incidit, & grave quoddam metuens ex aula cum fratribus faceffivit. Inita autem postea cum aliis quibusdam conspiratione, Regni statū mutare aggressus est. Rex vero cui illud suboluerat cum fratre Huntintoniæ comite ad Glocestriæ Ducis patruī sui Castellum iter instituit, quò cum noctu venerat, ex lecto suo surgentem Ducem obviam habuit, qui mox obambulationis specie à Comite Marescallo captivus factus Caletum versus deducitur, atque ibi elisa laqueo cervice, miserè interficitur, Arundeliæ quoque comes conjuratorum primarius, aliique præcipui nobiles, in carcerem conjecti sunt. Ille autem postea publico Parlamento capitis postulatus, securi percutitur, cæteris aut exilia aut carceri perpetuo damnatis; atque adèò Ricardus nobilium sanguine Regnum suum asserere nititur.

Norfolciensi atque Herefordensi ducibus se invicem sine alio teste, prodicionis insimulantibus, certamen singulare conceditur, cum verò jam ambo in procinctu starent, prohibitum est, atque utroque diversa ad loca in exilium missò, sanguini partitum. Norfolciensis verò in Germaniam primitus & postea Venetiam profectus, merito luctu & tristitiâ decessit.

Herefordensis verò qui in Galliam trajecerat,

jecerat, atque ibi Cantuariæ Archiepiscopi ob dictam conjurationem extorris consilio instigatus, clam domum rediit, specie patrimonii sui (quod patre defuncto præter jus fasque Rex in fiscum redegerat) redimendi, reapse vero ut associatâ sibi procerum manu, Regem insolentius se gessentem in ordinem redigeret. Vix ille in Angliam appulsus mirum in modum, affluentibus undique nobilibus, viribus increvit. Et justo jam stipatus exercitu urbes quasdam in potestatem suam redegit & præcipuos Regis consiliarios capite plexit. Ricardus interea in Hibernia domandis rebellibus operam dabat, quando motus Anglici ad eum nuncius pervenit, quo quidem permotus est, nec tamen pro rei periculo festinavit. Sarisburiensis tandem comes in Angliam præmittitur, ut quantum posset copiarum conscriberet, data à Rege fide ipsum ad sextum diem adfuturum. Postquam in Angliam venerat Comes nullo negotio ingentem Wallorum exercitum corrasit, cum autem Rex nullibi appareret, rumore mortis ejus sparso pars defluxit, pars domum rediit, rari admodum sub signis manserunt. Rex quando per adversam tempestatem liceret, tandem adest, cum verò tantos terrarum tractus ad Herefordensem, morte Patris jam Lancastrium Ducem defecisse comperiret, animum propius despondens, omnes suas copias, qui sibi

sibi auxilio venerant, quò vellent abire iussit, illisque in fide perseverantibus, ipse cum Exoniensi Comite, aliisque nonnullis ad Conviense Castellum confugit, ubi Sarrisberiensem Comitem offendit. Hic Worcestriæ Dux qui rei domesticæ Regis præfectus fuerat, confractione albo baculo muneris insigni, atque adeo abjuratâ fide, à Rege ad conjuratos proceres defecit. Northumbriæ deinde Comes ad Regem mittitur qui ex illo castello aliò ipsum deduxit, conditiones etiam pacis cum ipso inire satagisse dictus, Rege nequaquam tergiversante; in itinere autem superveniente Rutlandiæ Comite, cum ipso ad Castellum Flintium deflectere adigitur. Quo paulò post Henricus Lancastriæ Dux ipse venit, qui comiter & blandè à Rege excipitur, & deinde causas adventus sui, ut nimirum jura sua & bona reciperet exposuit. Rege annuente, omniaque concedente compotatum abeunt, deinde conscensis equis, continuato itinere Londinum versus proficiscuntur, tanta nimirum festinatione, ut vestimenta sua mutandi tempus Regi non concederetur. In turrem postea nobilium carcerem deductus, sedulòque ibi servatus est. Parliamentum deinde Lancastrii jussu quavis clementia Regis nomine, conscribitur, in quo Ricardus, variorum criminum postulatur. *Quod nimirum Regni facultates consumpserat. Quod ingentem argenti summam mutuo sumpserat*

erat nec dum reddiderat. Quod sibi legum omnium arbitrium arrogaverat. Quod Parliamenti membra quando placuerat mutaverat. Quod tyrannice jus sibi in subditorum fortunam asceperat. Quod Iudices corruerat. Quod Patrum suum Glocestrium Caleti scdè interfici curaverat. Quod Parliamenti membra in vincula conjecerat. Quod prater jus fasque Arundelie Comitem extremo supplicio affecerat. Quod proprium Regnum populationibus vastaverat. Quod Regni Regumque ornamenta extra Regnum oppugnaverat. Et sic deinceps. Quibus culpis omni Principis honore & titulo orbandus censebatur, ille verò ut, quod effugere voluisset, appetere videretur, sponte omne suum in Regnum jus abdicavit Henricoque Lancastrio successori suo dicto ultrò tradidit, quod publico diplomate sancitum & divulgatum. Ricardus deinde in Pontifraëtense castellum deductus liberè habitus est.

Henricus Regnum eo modo adeptus, & æmulum vivum non ferens, quodam die ingemiscens exclamasse dicitur: *ecquis me in viso illo homine liberabit?* Statimque Petrus quidam Extoniënsis, eques, ut tanto scelere Regem sibi propitiaret, cū octo aliis, ad Ricardum profectus est, quem prandentē adortus interficere conabatur, exurgens verò prope Ricardus percussorum cuidam securi extorta, quatuor ad internecionem multavit, tandem ab ipso Petro Extoniensi infelici in capite ictu in terram mortuus pro  
E sternitur,

sternitur, quem parricidæ lachrymæ serotinae secutæ sunt.

Ita regno vitæque finem imposuit Regum infelicissimus juxta & formosissimus Ricardus.

Anno 1399.

## HENRICUS QUARTUS.

ANGLIÆ & FRANCIÆ REX.

**H**enricus Lancastrius successor nominatus Regno itaque inauguratur, ut verò Regnum haud usurpare crederetur, quod electione acceperat, jure suo stabilire conatus est, ordine generis ad illud proximum se jactans, ut qui recta ab Henrico tertio lineâ genus ducebat, illud tamen falsum & ementitum, cum Rogerius Mortimerius Merchiae comes, à seniore Henrici tertii filio stirpem ducens, meliori jure frueretur. Accesserat jus armorum quo, cum sanguine non posset, ut bello partem sibi asseruit coronam. Ut ut sit vis jus demum vicit. Optimo vero exemplo cum jure vix stare, beneficiis sedem stabilire contendit, omnium injuriarum, quibus se impetiverant, abolita memoriâ, illos vero qui necis Glocestriæ Ducis auctores extiterant, malâ morte multavit, tantum flagitium exhorrescens.

Postquam verò in Gallia fama depositi Ricardi percrebuerat, Rex Carolus omnimodè generi injuriam ulcisci, ipsumque restaurare

restaurare decrevit, rumore autem mortis illius divulgato, facile omnis confedit impetus. Aquitanici quoque aliique populi ad sui Ducis excidium turbas cientes, missis tempestive nunciis, pacantur.

Turbis cum regnum esset adeptus, non potuit non motibus devexari. Iohannes enim Exoniæ comes cum Iohanne Montacuto, Thoma Cantii Comite nepote, & Hugone Spenferio, aliisque conjurationem inivit, equestris scilicet certaminis ludicri specie Henricum Oxoniam invitatum, inter ludendum foedè interficere, induxerant animum. Re verò detectâ, frustra fuere. Tunc quod dolo nequiverant aperto bello perficere conabantur. Ricardum quendam supposititium (ille enim nondum mac-tatus erat) circum ferentes, quasi miserum restaurare niterentur; copiis vero aut metu aut diffidentiâ dilapsis, auctores hic aut illic capti supremo supplicio afficiuntur. Walli sub illud tempus quoque novos ut solent, motus excitabant, Rege vero maturè cum copiis superveniente haud difficilè dispersi sunt, atque in turbarum auctores animadversum. Georgius Dumbar, dum ista aguntur in Angliam ad Northumbriæ Comitem confugiens, auxilium impetravit contra Davidem Scotiæ Regis filium, ille enim filiam Georgii sibi desponsatam repudiaverat, aliamque dote prioris non reddita, duxerat conjugem. Impetum itaque ambo in Scotiam facientes,



æquo primitus Marte cum adversariis dimicarunt, secundo deinde prælio hostes profligarunt, multâque prædâ onusti domum redierunt.

Thomas interea Vigornienſis Comes, implicitum Wallicis tumultibus Regem haud ignorans, advocato Henrico Staffordiæ Comite ex fratre nepote, cum exercitu, Scotisque ſua ſponte Angliſ inſenſiſſimis, bellum Henrico intulit. Ille verò ne morâ malum ingreſſeretur, relictâ protinus Walliâ, cum copiis ſuis mature adfuit. Cum ambo in procinctu ſtarent exercitus, ad prælium utrinque concurritur, acriter hinc & illinc æquo penè Marte pugnatum eſt, donec accedentes Thomæ Walli perfidi, victoriæ quaſi principium dederint. Henricus vero tum Pater tum filius, vera vi & virtute & ſtupendis editis fortitudinis miraculis, Thoma Vigornienſi lanceâ tranſfixo & occiſo, hoſtem jam ſpe exultantem & de victoriâ oſtantem profligarunt. Henricus Percius vivus Henrici in poteſtatem venit, & extemplo ſecuri percutitur. Anno 1401.

Northumbriæ quoque Comes partibus haud dubiè implicitus ad Georgium Dumbar Merchæ Comitem, jam fortunæ ſuæ in Scotia reſtitutum, ut vitæ ſuæ conſuleret, cum omni fortuna, confugit. Hac parta victoriâ Henricus Princeps in perduelles movit Wallos, nulloque negotio tumultuario bello finem impoſuit,



imposuit, domitis rebellibus, & auctore Ovino, viro quidem strenuo, sed quietis insolente in exilium pulso, quo vitam suam omnium egenus misere finivit.

Galli interea Wallis rebellibus auxilium laturi cum triginta navibus duce Iacobo Borboniensi Marchie Comite in altum vela fecerunt, adversâ vero tempestate ad aliam Angliæ oram delati, in Cornubiam venire, & deinde occasione utentes Plimuthum portum occuparunt, & in terram conscendentes, obvia quæque ferro flammâque devastarunt, duodecim autem navium, exortis subito procellis, mari haustis, de reditu cogitare cœperunt, propereque vasis conclamatis præda graves in Galliam redierunt. Thomas vero Henrici Regis filius Gallicas oras conductâ classe populatus & nonnullas onerarias naves deprædatus, hanc injuriam satis superque ultus est. Reges vero Galliæ & Angliæ intestinis turbis impliciti & de vindicta propterea minus solliciti, in aliquod menses inducias pepigerunt. Rex sub illud temporis cælebs Iohannam, Montifortensi Duci antea nuptam, uxorem duxit, Blanchamque filiam Iohanni Bavari Ducis filio despondit.

Per idem temporis Guljelmus Pluntonus quidem strenuus bello eques, cum Mombraii qui extorris Venetiis decesserat (ut dictum est) familiaribus conjurationem contra Regem iniit. Quibus Nor-

thumbri, & ultimò Scoti se quoque ad-  
junxerunt. Rex verò de ea re certior fac-  
tus extemplo iusto cum exercitu adfuit,  
& factionem haud ægrè oppressit. Plun-  
tonus cum aliquot affeclis & Ricardo  
Scrupo Eboracensi Archiepiscopo huic  
conjuratiōi nomen etiam dedisse dicto,  
capitur. Pluntonus omnium suffragiis  
capitis damnatus, audaciæ suæ pœnas de-  
dit, & postea cæteri quoque, hujus con-  
victi sceleris, alii alio modo enecti sunt.

Rex ut in totum oboleret rebellionem,  
Henricum Walliæ Principem in Scotos,  
Pluntono jam auxilio venientes, misit.  
illi verò cum conjuratiōem detectam,  
& auctores supplicio affectos esse audirent,  
finibus haud excefferant. Henricus verò  
ne nihil ageret Scotiam ingressus ferro  
flammâque omnia miserè depascitur,  
magnumque Scotis terrorem incussit, præ-  
dâque & spoliis onustus Londinum ad pa-  
trem rediit, qui novis indies motibus ex  
omni occasione pullulantibus, afflictim  
vexabatur. Et jam non nemo in vulgus  
sparserat, Ricardum Regem etiamnum  
vivere, quo commento plebes, novis re-  
bus avidè suapte naturâ inhians, instigata,  
periculosas turbas incitasset, nisi pruden-  
ter & maturè factio fuisset oppressa. Nor-  
thumbriæ quoque comes, inito cum Ge-  
orgio Merchæ comite fœdere, & Anglo-  
rum Scotorumque aliquot conflatis mil-  
libus, Angliæ fines ingressus, Eboracense  
jam

jam territorium hostili modo deprædatur. Rex verò obviam profectus, tumultuariâ pugnâ totas ejus copias fudit, & dissipavit. Præfecti nonnulli qui Regis in manus pervenerant, Eboracum perducti atque ibi capite mulctati sunt.

Edmundus interea Cantii Comes piraticam Gallos facientes suppressurus; in altum cum justâ classe vela fecerat, piratas vero non offendens, pugnandi studio æstuans, in ipso portu ad fanum Brioci eos quæsit, & quando navali prælio non poterat, terrestri ipsam urbem aggressus est. Ipse vero comes infelici lapidis ictu occiditur, ejus vero milites urbe potiti sunt, qua incensa & spoliata, & incolarum magna parte occisâ, in patriam redierunt. Angli quoque sub illud tempus Arundeliæ Comite duce pro Burgundione rem prospere in Gallia gessere, donisque aucti in Angliam redire, bello inter Burgundionem & Aurelianensem Ducem nondum finito. Hic vero cum ob illud alienatos Anglorum animos novissit, imploratum illorum auxilium ab Henrico obtinuit, sparsâ vero reconciliationis inter partes famâ, Angli auxilarii ad Ligerim subsistentes stipendium præstolabantur, quod cum non sequeretur, factò impetu irâque efferati Bellilocum vicinum oppidum cum cænobio diripiebant, & postea duce Clarentiæ Comite advocati milites in Vascones pro Aurelianensi moventes, obviam

E 4                      quæque

quæque deprædantur, & soluto ab Aurelianensi stipendio pacati in Angliam redierunt.

Henricum verò jam dudum bellis civilibus finem imponentem, & expeditionem in Palæstinam adornantem, classemque in eum finem parantem, subita mors invasit ad Westmonasterium; postquam Regno quatuordecim plus minus annis præfuerat. Sub ejus mortem Iacobus Stuartus Roberti senior (defuncto prius Davide) filius, dum iter in Galliam instituit, ab Anglis capitur, & Londinum abductus, optimo apud Regem habetur loco, Pater vero ejus, filium suum jam perditum ratus, mero luctu & tristitiâ brevi post è vivis excessit, quem frater Robertus ad Regnum secutus est.

## HENRICUS QUINTUS,

ANGLIÆ & FRANCIÆ REX.

Anno 1413.

**H**ic Rex miro procerum applausu & populi studio Regno inauguratus, spe quam de se conceperant subditi, fraudare ipsos nolens, optimi statim regiminis auspiciū dedit, ablegatis procul à se, quos prius coluerat lascivæ juventutis ministris, & ne deside cura virilis animus languesceret, conspecto propius suo in Galliæ Regnum jure, ad recuperandum illud curam convertit. Missis primitus fecialibus

à Carolo

à Carolo Rege Regnum repetiit, spe facta  
matrimonii cum ejus filia, minisque adjun-  
ctis, ni pareret Carolus, se venturum & vi  
illi patrimonium extorturum. Ludibrio ha-  
buit istiusmodi internuncios Carolus, quo  
usque adeo Henrici animum inflammavit,  
ut conscripto protinus ingenti exercitu,  
cum mille & ducentis navibus plus minus,  
in Galliam trajecerit. Harflem primitus  
obsidione cinxit, & intra paucos dies ad  
deditionem compulit. Inde Sommam tra-  
jecturus ad Maxentii fanum hostem ob-  
viam habuit. Castra itaque metatus est.  
Verum cum hostem pugnae minus avi-  
dum videret leviter nonnihil velitatus  
Caletum movit. Gallus interea cum ani-  
mus redierit feciales ad Henricum misit  
qui non invitum ad praelium provocarunt,  
quos donatos dimisit, trajecto vero fluvio  
quodam, confestim adest nuncius, hostem  
in procinctu stare. Quapropter ad pugnam  
se propere succinxit, quanvis longè viri-  
bus esset inferior. Concurritur tandem ad  
praelium, Henricus vero industriam vir-  
tuti jungens, adeo hostiles adortus est co-  
pias, ut post acerrimam hinc & inde pug-  
nam Gallos tandem profligaverit. Ipse  
hostibus immistus propriâ manu Alenco-  
nium Ducem in terram conjecit, qui mox  
ab Anglis militibus occisus est. Tanta fuit  
captivorum copia ut victores longe supe-  
rarent, quâpropter omnes interfici jussim,  
ne forte resurgentes victoribus negotium  
E 5                      facerent.

facefferent. Mira quoque fuit occiforum Ducum, Comitum, & procerum copia, ab Anglis parum ultra feccentos defiderati, quos inter Eboracenfis Dux fuit. Hæc ad Dagincurtum exhibita eft pugna, quæ maximis deinde victoriis aufpicium præbuit. Tantum hac victoriâ terrorem Gallis Henricus incuffit, ut Ludovicus Delphinus, contractâ ex hac clâde animi & corporis ægritudine, paucis poft diebus obierit. Ante omnia, mirabilis fuit Henrico Regi animi constantia, fub capitis fupplicio omnibus militibus interdîcto, ne quis lafcivis cantilenis in Gallorum ignominiam, uteretur, fed hymnis potius, & Divinæ gloriæ accommodatis Pfalmis.

Sigifmundus Auguftus interea in Angliam appulit, de pace inter Gallum & Anglum acturus, nec feegnem fe præbuit Henricus, cum verò interea Harfleum Gallus obfideret, adeo excanduit, ut nemo poftca aliquam de pace mentionem injicere aufus fit, & ftatim miffo ad liberandam urbem Duce Bedfordienfi, cum Merchia, Oxonia, aliifque comitibus, & ducentis navibus, ad Harfleum portum, cum Gallorum ammirallio Borbonio acerrima oritur navalis pugna, quâ Angli superiores, merfis Gallorum quingentis admodum navibus, oppidum obfidiione liberarunt. Cæfar vero confpecta Gallorum perfidiâ, non modo nullam in pofterum de pace mentionem fecit, verum

rum etiam foedus cum Anglo strictissimum  
icit, adversus qualescumque ejus hostes,  
Pontifice solo excepto, atque adeo Ger-  
maniam versus iter instituit. Galli interea  
ne nihil agerent, conductis Genovensium  
aliquot prægrandibus navibus, Harflei  
portum obsidentes, omnem comœatum  
excludere satagere. Huntintonius verò  
Comes illas subito adortus, post diutinam  
pugnam omnes dispersit, aliquas expug-  
navit, Ducemque Borbonium Nothum  
cepit, atque adeo victor in Angliam re-  
diit. Rex deinde cum præcipua nobilitate  
& magno exercitu in Normanniam rediit,  
Tuchamque arcem expugnavit, Dum Sa-  
risberiensis Albervilleriam in suam potes-  
tatem redigeret, quem locum victori &  
posteris dono dedit. Cadomum deinde  
oppugnavit, quam urbem cum oppidani  
mira pertinaciâ defenderent, confossis  
clam cuniculis, militum promptissimi du-  
ce Clarentiæ regulo in urbem penetrant,  
adortique præsidarios omnes profligant,  
atque adeo universo exercitui via data est,  
præcipuorum nonnulli ob pertinaciam  
morte mulctati sunt, & urbis spolia inter  
milites distributa. Arcis vero nondum de-  
ditionem fecerat præfectus, cum autem  
nulli parere si persisterent Rex dejera-  
ret, manus tandem dedit. Gallis interea  
domesticis turbis involutis, omnia pro  
libitu Anglo succedere. Clarentiæ ducem  
Bajocensium oppidum oppugnatum misit,



quod ille brevi expugnavit, deinde Lexoviorum, dum ipse Cadomi subsistens, ingentem oppidanorum thesaurum, in arce inventum, quem eò territi cives detulerant, ipsis (miro pietatis exemplo) restituerit, ut eò firmitus in fide persisterent. Ipse deinde Corfeum movit & intra tres dies oppidum sui juris fecit. Argentanum deinde, postea Alenconium, tunc Falesiam, atque adeo victor Cadomum reversus est. Eadem penè mari fortunâ usus est, variis expugnatis hostium navibus, adversa vero cum tempestate classis ejus diu luctata, cum Southamptonium appellere nititur duarum navium jacturâ temperatur victoria. Warvicensis interea Comes & Talbothus Damfrontium arcem domant, & Clarentius Curtonium, aliaque plurima oppida in suam potestatem redegit. Rotomagum deinde obsidione Rex aggressus est & pertinacius resistentes oppidanos fame tandem ad deditionem compulit, cujus ut primarii oppidi exemplum alia plusscula secuta sunt, adeo ut brevi tota Normanniâ quam Parentum incuriâ amiserat, potitus sit. Burgundionum Dux, ut omnia Anglis ex voto succederent contemplatus, è re sua duxit pacem inter utrumque Regem procurare, tandemque conventum inter Henricum & Galliæ Reginam (Rex enim in solitum delirium inciderat) impetravit, nec quidquam tamen actum est. Regina pulcher-



lcherrimam filiam suam Catharinam ad-  
 xerat, ut illecebris Regis animum per-  
 ringeret, nec in cassum, cum illâ visa  
 enricus mirum in modum ardesceret,  
 umque re infecta jam discederent, Hen-  
 cus Burgundioni injunxit, ni quæcun-  
 ue petiverat, cum ipsa Regis filia conce-  
 erentur, vi & violentiâ se Duci Ducatum,  
 egique Regnum erepturum, quibus mi-  
 is territi in novum pacis colloquium  
 onfentiunt. Delphinus verò ex hoc re-  
 enti concepto odio, & jam pridem inve-  
 erata invidiâ flagrans, Burgundionem  
 revit post, quanvis genua ipsius advolu-  
 um foede trucidari jussit, atque adeo Au-  
 elianensis cædes, à Burgundione ante  
 perpetrata expiata est. Nec tamen pax  
 ancitur, donec novâ indies jactura  
 ad illam Galli compelluntur. Tricassii  
 conventus instituitur, atque inibi Catha-  
 rina Henrico desponsata, & jus successio-  
 nis post Caroli mortem, ad Galliæ Reg-  
 num, concessum est. Quapropter ab om-  
 nibus Galliæ proceribus in ejus verba ju-  
 ratum; atque adeo Lex Salica in Gallia vi-  
 tium fecit. Delphinus qui in has condi-  
 tiones minimè consenserat, ab Anglo Gal-  
 loque Regibus bello petitur, variaque op-  
 pida quæ ejus partes amplexabantur ex-  
 pugnantur, & ipse cum ad dictum diem Pa-  
 risiis ante marmoream tabulam (id tribu-  
 nali nomen est) non apparuisset, in exi-  
 lium proscribitur. Henricus quoque aucto-

ritate suâ usus monetam, mixtis Angliæ  
 Galliæque insignibus, conspicuam, cudi  
 iussit, cui salutis nomen dedit. Deinde  
 Clarentiæ Duce Galliæ & Normanniæ  
 præfecto ipse in Angliam profectus est.  
 Clarentius vero Andegavenſes factâ expe-  
 ditione populatus, & prædâ gravis do-  
 mum revertens, in itinere à proditore An-  
 drea Fogoso deceptus, ab Alenconio Du-  
 ce cum præcipua nobilitate, & duobus  
 Anglorum militum millibus, fortiter pug-  
 nans occisus est. Sommerſetenſis & Suffol-  
 ciensis comites aliique proceres vivi hos-  
 tium in manus venerunt. Rex fratris mortem  
 ulturus, ingenti cum exercitu in Galliam  
 trajecit, & Carnutes ab obsidione Del-  
 phini liberavit, ipse enim audito Henrici  
 adventu Turoniam se contulit. Dum Sco-  
 tiæ Rex, cum Duce Glocestriæ Drocas  
 expugnat, Delphinum de loco in locum  
 Henricus prosequitur, nec dum assequi-  
 tur, quanvis obvia quæque oppida diri-  
 puerit, adeo ut brevi omnem Galliæ insu-  
 lam cæteris adjunxerit.

Regina interea filium Vindeforii enixa  
 est, cui Henrico nomen fuit, de quo Hen-  
 ricus Rex, velut divino spiritu afflatus  
 prædixisse fertur: *bone Deus ego Henricus  
 Monmuthensis breve regnum habebō multa  
 verò profecero, Vindeforiensis verò diu regna-  
 bit, ex omnia perditum ibit, fiat autem Divina  
 voluntas.*

Sub illud tempus Delphinus Conenses  
 obsede-

obsederat, quos ut liberaret Henricus ad-  
volans, & nimium festinans, febrem ex ar-  
dore contraxit, subsistere ergo necessè ha-  
buit, missus vero Bedfordiensis Dux, non  
modo Conensibus opem tulit, verum  
etiam Delphinum Bituriges versus egit,  
qui exinde in ludibrium Biturigum Rex  
indigeratus est. Henrici vero morbo, acci-  
dente ventris profluvio, ingravescente  
indies, ad Vincentianum nemus defertur,  
ubi intra paucos dies piè obiit, Anno  
M CCCC XXI, Bedfordiensi Duce fra-  
tre Normanix, Gallixque regentis titulo,  
prius præfecto, fratre verò altero Glocest-  
riæ Duce Angliæ, præposito. Trigesimum  
sextum annum nondum egressus erat, at-  
que adeo summo ætatis & honoris flore  
extinctus est, novem annis & quinque  
mensibus Regno potitus, Regum omnium  
victoriis clarissimus, & subditis gratissi-  
mus, ut qui ejus mortem miro luctu, secus  
quam accidere solet, miserati, à publico  
ejulatu non abstinuerint. Wytcliffianorum  
illo Rege doctrina invaluit, quâ Iohan-  
nes Hussus, & Hieronimus Pragensis im-  
buti, postea jussu Cæsaris vivi combusti  
sunt.

## HENRICUS SEXTUS, ANGLIÆ & FRANCIÆ REX.

**H**enricus Vindesoriensis, Henrici  
quinti unicus hæres, Regnum de-  
functo

functo patre adeptus est, nono ætatis mense, qui cum adoluerat nec virtute nec fortunâ patri similis fuit. Parisiis auctore Bedfordienſi duce Rex proclamatus est jurantibus in ejus verba Regni proceribus. Rege vero Carolo sexto paulo post Henricum mortuo, filius ejus Carolus septimus, quod segnitie Galli amiserant industriâ & virtute recuperare statuit. Pontem Mulanum primitus expugnavit, quæ urbs virtute Montacuti ipsi de integro extorta est. Varia deinde fortunâ pugnatum, ad Crepantium duo Gallorum ad modum millia, quos inter plurimi nobiles, cecidere, oppidumque amissum est. Anglos vero, Normanniam versus magnam pecoris vim abigentes, Carolus adortus profligavit, prædâ exiit, fanumque Michaelis obsidione liberavit. Mutatâ deinde belli aciem ad Vernolium altera clade ipse afficitur. Clara tamen extitit Aurelianensium fides, qui suburbiis suis solo æquatis Sarisberienſi Comiti strenuissimo bello Duci qui ipsos obsidione cinxerat, multum faceſſebant negotii, cumque fame ingravescente Burgundioni belli socio se dedere patabant, indignatus Sarisberienſis sibi præcipi honorem, conditiones decretabat. Ipse vero dum urbis situm incautius speculatur ictu tormenti è mœnibus interficitur.

Interea Glocestriæ Dux haud parvam honori suo maculam inussit, ducta uxore  
Iacoba

Iacoba Hollandiæ Comitissâ , quæ Iohanni Brabantiae Duci antea nupserrat. Illa autem dolo capta , ad priorem maritum reducitur , de novo verò virili vestitu incognita in Hollandiam evasit , atque illic marito suo bellum intulit , cumque esset viribus inferior , & Pontifex priori matrimonio illam solvere nequiret , repudiavit illam Glocestriae Dux , quæ postea equiti Franco Borseleni Batavo nupsit , illo vero à Burgundione in carcerem coniecto , miseram Iacoba vitam in posterum duxit. Prospere interim diversimodè in Gallia ab Anglis pugnatum est , variaque oppida recuperata. Aurelianensibus verò Divinitus quasi allatum auxilium haud parum Gallorum res firmavit. Iohanna enim rustica puella quæ juventutem pascendis ovibus duxerat , Regnum infestis Anglis liberare cupiens ad Regem ducitur , qui virginis animum miratus , cum omnia sancta & casta in illa deprehenderet. Ipsa virilibus armis induta , commeatum cum acceptis à Rege Carolo copiis Aureliae intulit , crebrisque eruptionibus obsidionem tandem solvit. Multis deinde , quanvis levioribus præliis Anglos mirum in modum defatigavit. Ad tria Anglorum millia in Belsia cæsa sunt. Nec etiam rebus suis defuit Carolus , sed duce puellâ Rhemos profectus Regni insignia addeptus est. Parisios deinde copias duxit , dum Bedfordiensis quoque rerum suarum satagebat

fatagebat nullam elabi rei bene gerendæ occasionem passus. Puella obseſſo Compendio opem latura accepit in crure vulnus, atque adeo receptui cecinit. Urbem tamen irrupit bellatrix, factâ vero deinde in hostes eruptione, capitur, & superstitionis magicæ (ut dicunt) convicta, viva crematur. Compendium tamen obsidione exemptum est, & Melodunum, Corvolum, aliaque oppida recuperata. Angli verò ut in Gallia partibus suis majestatem conciliarent evocatum Lutetiam Henricum Regem, duodecimum annum agentem, Regno Galliarum inaugurant, jurantibus in ejus verba qui aderant regni proceribus. Carolus interea Carnutes astu aurigæ cujusdam, in porta excubitoribus pisces donantis, recepit. Atque adeo felicioribus rebus suis institit. Regnum interea mire devastabatur, nihil in agro intactum & reliquum erat, & lamentabilis ubique rerum facies. Deinde satiatis utrinque belli ducibus de pace in Atrebatibus agi cœptum est, conveniunt, Anglus dulcedine regni Gallici inescatus, placari non potuit, Burgundio, Matiscane, Fano Gengonis, Altissiodoro, aliisque datis oppidis pacatus est. Maxima exinde indignatio incessit Anglos, Burgundionem, fidelem eò usque belli socium suas partes deseruisse ægerrimè ferentes, sumptâ adeo ira Gallis exitio, & deposita saluti fuit; brevi enim grave illud jugum discutere,

nam

nam Lutetia statim extulit animum, Anglosque urbe pulsit, & ab alia parte Burgundio eodem quo antea Anglis studio, nunc Gallis opem tulit. Accesserat Bedfordiensis ducis Galliæ rectoris mors, quæ rebus Anglicis haud parvum detrimentum quoque attulit, aliæ deinde urbes Lutetiæ exemplum secutæ ad Carolum defecere, immo Normanni vix in fide perstiterunt, clade vero quinque millium aut territi aut pacati sunt. Rebus Anglorum adeo in Gallia fatiscentibus, non in urbes & munita ut antea oppida, sed in Castella vilesque arces impetus factus est. Burgundio Eboracensi Duci qui Bedfordiensi successerat, bellum quoque intulit, & Calem obsidione cinxit, sed tempestivè vasa conclamavit, Glocestrius enim dux magno exercitu postero die appulit, qui abiisse hostes conspicatus, ferro flammæque omnia devastavit. Scotus interea Rupisburgum Castrum obsederat, de reditu autem Eboracensis ducis, comitisque Northumbriæ adventu certior factus, obsidionem properè solvit.

Harfleum interim in Gallia corruptis prætio præsidiariis, hosti traditur. Somersetensis vero dux & Talbothus, terrâ marique urbem de integro adorti, in conspectu Aurelianensium ducis qui cum aliquot copiis advolaverat, illam recuperarunt. Iacobus interea Scotiæ Rex postquam decem in Anglia annis captivus fuerat, liber-



tati tandem restitutus divitique matronæ locatus, at tamen postea ingratus, in cubiculo suo nefariè occisus est. In auctores graviter animadversum. In Gallia interim diversâ variaque fortunâ res utrinque gesta est. Et quâ virtute quâ dolo plurima oppida & expugnata & recuperata sunt. In Anglia lite inter ducem Glocestriæ & Cardinalem patrum gliscente, Glocestriæ Ducis uxor veneficii a Cardinale postulatur, quasi magicis artibus Regis vitæ insidiata fuisset, intentatum facinus publicè expiare illa adacta est, quanvis in ipso supplicio alii rei illam excusarent. Principum vero Christianorum intercessione de pace inter Gallum & Anglum agi cœptum est. Pax non sancitur, verum induciæ in octodecim menses concessæ sunt. Interea Suffolciensis Comes suapte auctoritate matrimonium inter Henricum Regem & Andium Ducis filiam Margaritâ contraxit, multumque de puellæ forma & dote jactans, Regi tandem persuasit, quanvis antea Armeniaci Comitis filiæ fidem dederat. Hoc matrimonium contractum exiguum rebus Anglicis emolumentum dedit, cum in commutationem maxima Normanniæ pars Gallo ceditur. Dux quoque Armeniacus injuriam filiæ illatam ulciscens, omnes Aquitaniâ exegit Anglos.

Conceptum jam & inveteratum inter Somersetensem, & Eboracensem Duces, repullu-



repullulare visum est odium. Ille hunc  
quanvis in Gallia rem bene gesserat, dolo  
& injuriâ munere Proregis exauctoravit,  
sefeque dignitati intulit, frendente ne-  
quicquam Eboracensi. Rex enim nihil  
minus quam Regni curam gerebat, omnis  
penes Reginam Margaritam & Suffolci-  
sem Marchionem auctoritas. Quinetiam  
operantibus adversariis, Glocestriæ Dux  
qui apud universum populum tam benè  
audiebat, ut boni Ducis vocabulo indigi-  
taretur, loco etiam suo movebatur, &  
in scio Rege clam indicto Parlamento  
capitis postulatus, in carcerem conjicie-  
batur, ubi postero die (quo modo incer-  
tum) miserè occisus est.

Stratagemate ab Anglis urbe Fulgeris,  
& à Gallis Larchâ oppido occupatis, frac-  
tis induciis in bellum utrinque erumpunt.  
Galli, deside & neglecto Somersetensi, pe-  
nes quem ut dictum est, rerum summa, va-  
ria oppida, expugnarunt, & in Aqu-  
tania diversa ultro ad Gallos defecere, quæ  
inter Rotomagum oppidum, aliorum exem-  
plum secutum, aliaq; insuper Anglis clades  
illata. Harfleum quoque & Cadomum ur-  
bes, quanvis mascule defensæ, desidiâ ta-  
men Rectoris Somersetensis, Gallis trade-  
bantur, qui adeo nullo penè negotio, tota  
Normanniâ potiti, ipsam Galliam ex-  
cepto Caleto sibi asseruerunt. Eboracen-  
sis Dux qui Anglis in Gallia auxilio veni-  
ret, exurgentibus jam Hibernis, eò cum  
exercitu

exercitu profectus , brevi illos in ordinem redegit , quo haud parum populorum sibi animos propitiavit , rebusque suis magnum emolumentum dedit.

Cum vero in Gallia res minus ex voto fluebant auctorque omnium Somersetenſis, & poſt eum Suffolciensis habebantur , di-verſa contra hunc ab inferiori Parlamento confefſu , accuſationes exhibentur , quarum convictus in carcerem quidem con-jicitur , brevi autem poſt libertati reſtitui-tur. Novo autem indicto confefſu, iſtante inferiori domo , ad quinquennium in exilium mittitur , dum vero in Galliam vela faceret , ab Anglis intercipitur , & ſecuri percutitur , relicto ſœde in littore trunco , atque adeo Ducis Gloceſtriæ mors expiata eſt. Ricardus Eboracenſis interea conciliatis ſibi Hibernorum animis , diuturno rubræ & albæ Roſæ diſſidio, Iurique ſuo ad Regnum principium dedit , ille enim à Leonelo Clarentiæ Duce tertio Eduardi tertii filio, originem ducebat. Nec difficile erat Regni ſtatum mutare , cum tot abuſus & errores , vulgo ipſi notiſſimi irreperant, & Rex Henricus ineptus planè ad Regimen , vel apud plebem audiret , cujus ſtolidâ incuria Gallia Normanniaque perditæ erant. Cantiani denique Iohanne Mortimerio, auctore Eboracenſi nomen dedere , magnoque & inſtructo exercitu Londinum verſus Duce ipſo Mortimerio profecti ſunt. Inter Elthamum & Grenovicum ſubſtitit

substitit exercitus, querelas interea suas de præsentis Regni statu Regi Regioque senatui exhibens, & inter cætera rogans ut Eboracensis, & cum eo Exoniæ Buchingamiæ, & Norfolciæ Duces gratiæ locoque restituantur, responsi nihil datum, sed ad arma conclamatum. Cantiani vero ubi ad pugnam ventum, occisis duobus Staffordiensibus, copiarum ducibus, regiones in fugam vertere. Ex quo maxima regionum defectio, certatim enim ad Mortimerium regii milites transfugiebant, cujus adeo vires mirum in modum crescebant. Rex itaque ad Castellum Killinworthum in Warvicensi comitatu situm, confugit, omnem ibi fortunam opperiens. cujus decessu Mortimerius audacior ad Londinense suburbium & deinde ponte occupato Londinum venit, nulli omnino illata injuriâ, optima enim disciplinâ militum cohibuit ferociam, qua re multorum sibi studia conciliavit, postea vero Cantiani spe prædæ efferati in nonnullos ditiores cives impetum fecere, quo male apud omnes audiebant. Londino jam potitus Mortimerius, quosdam errorum ministros ut Ioannem Saijum principem Angliæ quæstorem, ejus generum, aliosque securi percussit. Londinenses verò superbiam ejus averfati, vim parabant, & impetrato à Scaleo turris præside auxilio, cum illis quas corraserant copiis, duce Matheo Gogtho, noctu Mortimerii milites ad suburbia

burbia Divi Georgii, cis Thamesim degentes, acie adoriuntur, tantâ vero vi Cantiani resistunt ut Londinenses pedem referre, pontemque victoribus relinquere adacti sint. Qui deinde jam furore incalescentes, domunculas in ipso ponte stantes injecta igne incendere aggressi, magnam omnibus stragem, & terrorem intulerunt. Cantiani verò effervescente jam impetu & facinora quibus se Mortimerius impia-verat averfati, domuitionem affectabant. Quod cum Rex non ignoraret, misso impunitatis diplomate, atque adeo omnibus dilapsis copiis. Mortimerium præsidio exiit, qui deinde cum fugâ sibi consuleret, captus, & interfectus est.

Hic quidem sedatus est tumultus, gravior autem longe brevi enascitur. Eboracensis enim jure suo fretus Londinum venit, specie querelarum contra adversarios suos, & præsertim Sommerfetensem (qui amissâ Galliâ, jam domum redierat) exhibendarum, revera ut socios sibi conscisceret, Norfolciensem, Sarisberiæ, & Devonix Comites sibi conciliavit, atque inde in Walliam profectus exercitum quantocyus conscripsit. Quo Rex audito vim & ipse parabat, constructisque copiis cum Sommerfetsensi Duce, cò properè profectus est. Ambo exercitus tandem conveniunt, & Rex missis internunciis tanti tumultus causam Eboracensem rogat, qui omnem culpam in malos Regis consi-

consiliarios , & præsertim Somersetensem coniecit, promittens, si ille in carcerem conjiceretur, donec coram iudice ipsius causa disceptata esset, se protinus copias suas dimissurum. In vincula igitur ad speciem conjicitur Somersetensis, & Eboracensis exercitui comitatum dedit, quo demisso Rex cum Eboracensi Londinum versus profectus esset. Somersetensis vero qui antea in carcerem erat coniectus, jam libertati restitutus Regem comitabatur, & ejus loco Eboracensis captivo similis ante Regem ducitur. Londinum tandem ventum atque ibi gravis inter utrumque Ducem ante senatum Regium disceptatio exorta est, altero alterum proditoris insimulante, res tandem eò venit, ut Eboracensis solenni Sacramento fidem suam Regi assereret, & Wigmoreum castellum suum versus abiret, Eduardum enim Merchiæ Comitem Eboracensis filium & hæredem instructo cum exercitu advenire fama erat. Nuncius quoque interea à Burdegalensibus adest, auxilium contra Gallum flagitans, mittitur eò Comes Salopiensis Iohannes Talbothus, qui post rem strenuè gestam ictu tormenti interfectus est. Galli ejus morte omne territorium quod perderant excepta Burdegalâ recuperarunt.

Eboracensis vero Dux subditorum interea animos dextrè sollicitabat, deinde conciliata sibi nobilitate, sua sponte Somersetensi infensa, & sociatis sibi Saris-

berienſi & Warvicenſi Comitibus, tantum præſtitit ut Somerſetenſis abſente Rege in turrim mitteretur. Henrico verò (poſtquam illud innotuerat) quanvis ægroto Londinum redeunte, non tantum libera-  
tur, verum etiam Caleto cæterisque in Gallia urbibus & locis præſcitur. Quâ re valde permotus Eboracenſis maximo cum exercitu comitantibus ſociis Londinum movit. Rex cum Somerſetenſi, Buckinghamio ejuſque filio Humphredo, Northumbriæ Comite, & juſto exercitu, obviam proficiſcitur, ad Albani fanum in conſpectum venire exercitus. Eboracenſis mane miſſis ad Regem literis Somerſetenſem ſibi tradi popoſcit ut iudicio ſiſtatur, negante vero Rege, fit in ejus copias impetus. Somerſetenſis & cum eo Northumbriæ, & Humphredus Staffordiæ Comites, & quinque militum millia in pugna cecidere. Multi vulnerati captique. Rex ipſe qui in caſam ruſticam metu telorum confugerat, conjuratorum in manus venit. Hoc prælium in 23. May diem & decimum tertium hujus Regiminis annum incidit. Eboracenſis verò, adverſario jam extincto cæde omni abſtinere juſſit & cum Rege Londinum proficiſcitur. Conſcripto verò poſtea parlamento, omni culpâ eximitur ipſe, Regiſque & Regni protector nuncupatur, Sarisberienſis Comes Cancellarius factus & Warvicenſis Caleto præfectus eſt. Quibus muneribus quiſque gnayiter invigilavit.

gilavit. Regina verò Eboracensis auctoritatem non ferens, nece filii Buckinghamium, patris verò Somersetensem juniorem, ad iram inflammare non destitit, & cum iis jam satis instigatis Grenovicum facessit, ibique habito consilio, Eboracensi sociisque injunxit ut suis muniis renunciarent. Illi verò detrectarunt. Postea dolo blanditiis commisto, interciperere eos & malè multare nixa, frustra quoque fuit, illi verò ne gravioribus malis causam præberent alii aliò profecti sunt. Missis autem postea invicem nunciis, omnes Londinum cum instructis copiis venire, & operâ Cantuariæ Archiepiscopi & aliorum, omnium præteritorum abolitio, & pax utrinque conclusa est, quæ solemnî Religionis apparatu confirmantur. Nec diu tamen constitere, sumpta enim ex domestica quadam Warvicensis & Regis famulorum lite occasione, Warvicensi manus injicere conatum est, ipse verò præviso discrimine citatis equis Eboracum ad Ducem patremque Sarisberiensem Comitem contendit, quos rei certiores fecit, ipse autem conscensa quæ ad litus stabat classe (rei enim maritimæ præfectus erat) Caletum properavit.

Sarisburiensis interea cum quinque militum millibus ad Regem proficiscitur, ut illi injuriam filio illatam, inveteratumque, jam verò detectum Reginae odium, exponeret, Audelæus autem qui Reginae &



Buckinghamiæ Ducis jussu decem admodum militum millia corraserat, obviam ipsi factus cæditur, duo millia & quadringenti occisi, cæteri fugâ sibi consulere.

Eboracensis verò non ultra dissimulandum ratus, conscripto exercitu cum Sarisberienſi, & Warvicenſi Comitibus bellum movet, instituto verò inter partes colloquio, & data omnibus Regis nomine impunitate, plerique à Ducibus defecere, omniaque conjuratorum consilia detecta sunt. Quo ad desperationem adactus Eboracensis, cum juniore filio Ruthlandiæ Comite in Walliam primitus & deinde in Hiberniam confugit; Merchæ, Sarisburienſis, & Warvicenſis Comites Caletum versus iter instituerunt, gregario militi venia data, præcipui nonnulli supplicio affecti sunt, conscripto verò deinde parlamento, proditiōis omnes convicti & damnati sunt. Somersetenſis quoque Reginæ intercessione Caletum præfectus est, quando verò præfecturæ suæ se inferre niteretur, tormentis ex ipsa urbe petitis, aliò se conferre adactus est. Ad ejus rei famam Regina in furorem acta, omnes quæ in portu Sandovicenſi stabant naves eò agi jussit. Iohannes vero Dynhainus Merchæ Comitis causâ eas adortus omnes expugnavit, cumque præfecto Riverio Caletum duxit.

Warvicenſis Comes, ad Eboracensem quoque in Hiberniam navigavit, quocum  
misto



misto consilio, sospes Caletum rediit. Simon Mōtifortensis quinque portuum curam gerebat, omnesque aditus, ne Warvicensis Regnum intraret servabat, ipse vero per exploratores rei admonitus, facta in ejus classem nondum paratam impressione, urbem Sandovicum expilavit, & Simonem cum magna præda Caletum duxit. Intellecto vero præsentiam suam à Cantianis admodum desiderari, secundò Sandovicum venit, ubi Cobhamus Dominus cum maxima nobilium copià ipsi accessit, quapropter viginti quinque millium militum exercitu jam instructus Londinum ex templo copias movit, turtimque occupavit, ex qua magnum postea damnum Londinensibus intulit; patre verò Sarisberienfi Comite in via esse comperto, trajecto Thamesi se ipsi adjunxit.

Rex autem cum Buckinghamiæ & Somersetenfi Ducibus & maximo exercitu ipsi obviam profectus, ad Northantonium hostium in conspectum venit, acies utrinque concurrunt & summo ardore pugnatum est, Humphredus Buckinghamiæ Dux cum Iohanne Thalboto, Salopienfi Comite, Thoma Egremontii Domino, Iohanne Bellomontensi aliisque occisus est, & tam ab una quam ab altera parte ad decem militum millia. Annus hic fuit M CCCC LX. Regina cum Somersetenfi Duce filioque elapsa est, Rex vero precibus magis quam pugnae intentus, captus

& Londinum ductus est. Turri mox Warvicensis potitus est, & Scaleus dominus præfectus, dum trajecto flumine elabi conatur, quanvis ignotis vestibis amictus erat, detectus tamen & decollatus est. Eboracensis Dux percepto hujus successus nuncio, desertâ Hibernia, citatis equis Londinum advolat, ubi solenni conventu jus suum in Angliæ Regnum exposuit, genus suum ad Lyonelum tertium Eduardi terrii filium Iohannis Gandavensis, patris Henrici quarti usurpatoris fratrem seniore, deducens. Regnum autem, adipisci volebat, nisi jus suum omnibus apertè constaret, inito ergo consilio, Henrico Regi dum viveret Regis titulus conceditur, Eboracensis successor ejus nominatur. Regina interea conscripto in Scotia exercitu Angliam continuò invasit. Eboracensis verò cum juniore filio Rhutlandiæ & Sarisberienfi Comitibus obviam ipsi profectus est, relictis Henrico Regi præsidio Warvicensi, & Norfolciensi Comitibus. Insidiis verò circumventus ipse cum tribus militum millibus occisus est, nec Rhutlandiæ Comiti duodecim annorum puero, quanvis ardentibus lacrymis mortem deprecari niteretur, parcitum est. Sarisberienfis qui vivus in hostium manus incidit, & quotquot cum ipso capti erant, muliebri furore, securi percutiuntur. Hunc vitæ suæ finem imposuit Ricardus Plantageneta Eboracensium dux.

Merchiæ Comes audito patris exitio, majori quam antea ardore rem jam suam curabat, conducto viginti trium millium militum exercitu, Pembrocensem & Ormontii Comites fudit, Ovenum Tuthe- rum qui Catharinam Henrici sexti matrem uxorem duxerat, vivum adeptus securi percussit. Regina verò Eboracensis Ducis morte exultans cum copiis suis Londinum versus profecta est, & Norfolciensem Ducem, Warvicensemque Comitem obviam habuit, illi autem pugnam quidem ausi, scelere verò suorum deserti, fugâ sibi consulere necesse habuere. Rex Henticus ea victoriâ in Reginae potestatem rediit. Eduardus interea Merchiæ Comes, communi omnium consensu Regno, secundum ordinum decretum, inauguratur, magnoque conscripto exercitu ad Tontonium vicum, Regi & Reginae obviam factus, conferto prælio eorum copias profligavit, fortissimi quique cecidere, cæteri fugâ salutem quæsiverunt, Rex cum Regina in Scotiam elapsus, Regnum Eduardo ejus nominis quarto reliquit.

## EDUARDUS QUARTUS.

ANGLIÆ & FRANCIÆ REX.

Anno 1461.

**E**duardus coronam tandem adeptus, quietè illam possidere nequivit. Henricus enim qui in Scotiam confugerat,

conscripto Scoti ope exercitu de integro bellum intulit. Eduardus vero supparibus copiis obviam factus conferta ad Exhamum manu, Henricum ejusque milites in fugam convertit, ad triginta hominum millia utrinque cæsa sunt, cum jussu Eduardi, nulli parceretur. Somersfeten- sis Dux qui prius ad Eduardum rerum Henrici desperatione defecerat, & statim ad tanti exercitus famam mutato consilio ad Henricum refugerat, captus & capite plexus est. Henricus iterum in Scotiam se contulit, aliam rebus suis faciem opperiens. Postea verò cum in Angliam ignotis vestibibus rediret, ab Anglis captus, Eduardo traditus, & ab eo quo Regni status pacatior esset, in carcerem conjectus est.

Rem domesticam Eduardus interea curabat & Margaritam sororem Burgundionis Philippi filio Carolo locavit, frendente nequicquam Warvicensi Comite qui Burgundionem peste pejus oderat. Ex quo aliisque causis grave inter eos dissidium enascitur. Warvicensis enim contracto in Regem odio fratres Eboracensem Archiepiscopum, & Montacuti Marchionem, composita oratione, & deinde Clarentiæ Duce Georgium Regis fratrem desponsatâ illi sorore, in partem suam seduxit, & cum Duce Caletum versus iter instituit, cum urbi etiamnum præfectus erat, data fratribus provinciâ dum abesset tumultus in Eborac-

Eboracensi agro excitandi. Gnaviter illi negotio invigilarunt, citatoque brevi tumultu, plebs ut plerunque fit, cæco furore vel in innocentes instigata, Londinum infestis armis proficiscitur, ut inde vel ignotis malis, remedium quærerent. Eduardus ad hujus seditionis famam, misso Guljelmo Harberto Pembrucensi Comite, sistere plebis furorem nititur, ille verò postquam ad manus ventum, momento temporis profligatur. Warvicensis interea ad rei famam cum Clarentiæ Duce Caletio in Angliam appulit. Et paratas mox copias jungentes prælio sese accingunt. Eduardus primâ jacturâ haud terditus Pembrucensem novis viribus instructum deintegro illis obviam misit. Conserto verò prælio ipse, profligato exercitu capitur, & Warvici cum alia nobilitate capta securi percutitur. Institutum est deinde de pace Colloquium, & missis ultro citroque nunciis Rex in spem concordiae erectus, securius agebat, quod Warvicensis haud ignorans, noctu Eduardi castra aggressus, cæsis custodibus, Regem inopinantem capit, & Warvicum primitus, deinde in agrum Eboracensem ad Arcem Middelhamum, in custodiam ducit. Ipse verò blandè custodes compellans prætiorumque promisso corrumpens, conniventibus illis, brevi Eboracum evasit, ubi humaniter à civibus acceptus est, & inde corraso Hastyngii ope exercitu Londinum incolu-

mis pervenit. De pace interim Londini, quo Warvicensis cum Clarentiæ Duce profectus erat, in cassum cœptum est agi, stomachantibus enim & irarum plenis animis, ad illam tranquillitatem res perducere non potuit, re infecta ergò discedunt, & Warvicensis de novo copias conscribit, quibus Robertum Welles Ricardi filium præposuit. Rex interea cum præter spem ad arma redeundum esse comperiret, Roberti patrem Ricardum & ejus affinem Thomam Demoke equitem, ad se vocavit, qui acceptâ à Rege impunitatis fide accesserunt. Iussit illis Rex ut Robertum ab armis discedere cogant, & raptim corraso exercitu obviam interea cum Thoma & Ricardo profectus est, cumque jam ad hostem ventum esset & compertum Robertum patris admonitionibus minime acquiescentem, etiamnum in armis stare, patrem & affinem contra fidem datam (pessimo exemplo) securi percussit. Conferto deinde prælio Roberti copiae dissipantur, ipse vivus in manus Regias incidit & extemplo capite multatus est. Warvicensis ad rerum famam cum Duce, consilii inops, in Galliam ad Ludovicum Regem vela fecit, à quo magnificè acceptus est. Regina Margarita Henrici uxor cum Eduardo Principe quoque brevi adfuit. Mistis itaque consiliis, foedus tandem inter Regem, Comitem, & Reginam ictum est (dehortante incassum Eduardo) filiaque Warvicensis  
Eduardo

Eduardo desponsata, dataque utrinque fides non destituros priusquam Regnum aut Henrico aut Eduardo filio restitueretur. Exercitus jam non contemnendus conscribitur, & ingens classis ad Sequanæ ostium in anchoris stabat. Warvicensis itaque amicorum literis invitatus cum exercitus parte, parata classe, & Comitibus Oxoniensi & Pembrucensi (Regina quæ parata nondum erat; ad lætam rerum famam sequeretur) quanvis Burgundionum Dux cum classe observabat, incolumis Dermuthum appulit. Postquam terram conscenderat, famaue de ejus adventu sparsa erat, mirum est quanta hominum multitudo ad illum confluxerit, quâ instructus confestim Londinûm movit. Eduardus verò hoste non expectato curaque exercitus parandi in aliud tempus remissa, cum Ricardo fratre Glocestriæ Duce, ad Lynum Maritimum oppidum conscensâ nave, in Flandriam ad Carolum Burgundionem non sine magno discrimine enavigavit. Elisabetha Regina partui vicina, ad Westmonasterium confugiens asylo sese inclusit, ubi filium Eduardum peperit. Warvicensis interea nullo obstante Londinûm pervenit, & ad turrim contendens, Henricum Regem ex carcere liberavit, regioque ornatu amictum & per mediam urbem ad Pauli templum ductum, post actas Deo gratias in throno locat. Indictô deinde Parlamento acta



omnia Eduardi rescinduntur, Henrici confirmantur, ipse Eduardus cum sequacibus ut rei publicæ hostis proscribitur.

Eduardus interea ad rerum commutationem, nihil consternatus, duodecim millium (ope Caroli) conscripto exercitu, navibusque octodecim in Angliam ad Eboracensem agrum appulit. Milite in terram exposito, nihil propter eorum paucitatem ausus, sollicitatum incolarum animos misit, sed frustrâ cum illi sive metu sive reverentiâ Warvicensis, à fide discedere nolabant. Divulgato verò se non Regni sed patrimonii Eboracensis Ducatus recuperandi causâ advenisse, pluribus affluentibus, fortior paulo evasit, atque adeo Eboracum proficiscitur. Oppidani verò literis Warvicensis admoniti, introitu prohibent Eduardum, ipse verò blande compellatis civibus, & rogatis ut Domino suo de Regno haudquaquam sed de recuperando avito principatu sollicito, opem ferrent, datoque insuper solenni ritu jure jurando, se contra Henricum nihil quicquam moliturum, intra oppidi mœnia tandem recipitur. Brevi autem post intentio illius animi clarius eluxit. Usque adeo Religio magnatibus obtentui est, ut illâ susque deque factâ, vel summa cum perjurya quæ concupiscunt consequantur. Oppidum statim præsidio sibi asseruit, & deinde audito segnius hostem agere Nothyngamum versus movit, ad quem plurimi nobiles postquam



postquam magno fultum exercitu conspexerant defecere. Dux ipse Clarentiæ Henrici partibus diffidens, instituto cum fratre ad speciem colloquio, partibus ejus haud gravatè accessit.

Warvicensis quoque ad defectionem sollicitatus in fide tamen Henrici permansit. Londinum interea summâ armorum fiducia iter Eduardus instituit, quam urbem auditâ Clarentiæ Ducis defectione, ingens trepidatio invasit, & extemplo plebes, obviam Eduardo facta, Regem illum maximo applausu salutavit. Somersetsensis & reliqui Henrici sequaces, fugâ sibi consulunt, relicto in Episcopi palatio Henrico, qui statim ab Eduardo captus & pristinæ custodiæ redditus est, data deinde omnibus commissorum impunitate, omnium sibi animos conciliavit.

Warvicensis interea conscriptum validum exercitum, Londinum duxit, Henricum vero Regem in carcerem conjectum esse comperiens, ad Albani fanum constitit. Eduardus statim maxima illi militum vi occurrit, quæ indies affluentibus novis copiis in immensum crescebat. Quando in conspectu jam uterque esset exercitus, die albescente ad pugnam signa data sunt. Acriter manus ab utraque parte confesuntur, ab Eduardo majori vi, Wervicensi majori virtute pugnatur, virtus tamen vi vincitur, Wervicensis ipse cum de victoria desperabat mediis sese hostibus inferens,

inferens , cum fratre Marchione fortiter occubuit , ad decem millia cæduntur. Somersetensis cum Oxoniensi in Walliam confugit.

Exoniæ sive Excestriæ Comes Westmonasterium ad asylum se contulit. Eduardus triumphanti similis cum Henrico Rege ( illum enim secum adduxerat ) urbem Londinum intravit.

Reginam Margaritam interea in Angliam magno cum exercitu appulsam & Somersetensis , Devonix , Pembrucensis aliorumque accursu ad bellum confirmatam, magnamque vim paratam, fama erat. Quapropter Eduardus ubicunque hosti occurrere certus , Oxoniam cum exercitu contendit. Margaritam tandem dum in Walliam movere conatur , Eduardus ad Glocestriam assequitur , & ipsa Pembrucensis adventu non expectato, quod magis è re fuisset , cum Somersetensi communicato consilio , præliandi copiam dedit. Committitur ad Teuchisberiam prælium & ancipiti fortunâ diu pugnatur , Eduardus tandem prævaluit, & Margariti milites ad unum ferè cæsi. Devonix Comes & Somersetensis frater aliique nobiles occubuerunt. Margarita , Eduardus Princeps , Somersetensis Dux , aliique ultra viginti equites capti , qui omnes biduo post exceptis Reginâ & Eduardo , capite multantur. Eduardus vero cum ad Regis colloquium duceretur & audacius quam pro

re nata responderet, ab adstantibus Georgio Clarentiæ, Ricardo Glocestriæ Ducibus, Thoma Grajo Dorsetensi Marchione & Guljelmo Hastyngio crudeliter interficitur. Regina autem prætio postea liberata in Galliam profecta est, vitamque semper tristem & languidam egit. Eduardus victoriâ tandem potitus Londinum ovans revertitur.

Faucobrigius interea Cantii Comitis filius, qui mari præfectus à Warvicensi fuerat, postquam diù piraticam exercuisset, exscensione tandem ad Cantianum agrum facta, Cantianorum haud parvam manum conflavit, & Londinum ingressus est, urbis autem prætor, conductis copiis repente illum aggressus, exutum omni præda profligavit multosque internecione delevit. Fauconbrigius postea captus & securi percussus est. Pembrucensis cum omnia perdita videret, dolo qui vitæ ipsius strueretur elapsus, & insidiatoris Waghami morte pacatus, cum Henrico ex fratre Richemondia Comite nepote, paucisque familiaribus in Galliam evasit. Eduardus quò omnia in posterum pacatiora essent, Cantianorum audaciâ qui proximè in eum arma moverant quâ supplicio quâ minis domuit. Henricus quoque Rex, ne novis motibus causam daret, à Ricardo Glocestriæ Duce in turri interficitur, corpus ejus nullo cum honore in sepulchrum deferitur, parricidæ verò cædisque auctores homicidix

micidiæ postea ( ut dicetur ) poenam  
lucere.

Regnaverat annis triginta octo & sex  
mensibus , animo bonus , formâ conspi-  
cuus , sanctoque quam Regi similior.

Eduardus ne rebellionis manerent ves-  
tigia , Georgium Eboracensem Archi-  
episcopum , in vincula conjecit , qui postea  
dimissus , ex animi ægritudine extinc-  
tus est. Oxoniensem quoque Comitem in  
carcerem conjectum ad duodecim annos  
servavit , alii aliis locis aut capti aut morte  
affecti sunt , deinde ne rebellibus ad vici-  
nos esset confugium , cum Iacobo Scoto-  
rum Rege in viginti annos inducias fecit.  
Pembruchiæ interea & Richemondia Com-  
ites in Galliam ad Britannia Ducem pro-  
fecti , & ibi perhumaniter habiti sunt , at  
postea cùm Eduardus eorum potestatem  
sibi fieri postulaverat , nec impetraverat ,  
attentius à Britanno servabantur. Con-  
scriptis deinde comitiis Eduardi decreta  
( abolitis Henrici mandatis ) rata habentur ,  
quique ejus causâ in exilium ut patriæ hos-  
tes proscripti erant revocantur , ærarioque  
Regis mirè exhausto subsidia impetrantur.  
Flagrante interea inter Ludovicum Gal-  
liarum Regem , & Carolum Burgundio-  
num Ducem bello ( cui plurimi Galli Prin-  
cipes , qui graves Ludovici mores abhor-  
rebant accessere ) ipse quoque Eduardus ,  
ne non amico , tot beneficiorum nomine  
devinctus , auxilio veniret , paratis copiis  
classique

classeque Caletum appulit. Carolus statim adfuit, victoriamque illi de perduellibus gratulatus, ad novum flagrans bellum non invitum hortatur, Ludovicus verò plurimum sibi à duobus potentissimis hostibus metuens, legatos de pace ad Eduardum misit. Data est colloquii inter duos Reges copia, qui ad Pinquiniacum convenere, ubi in multos annos induciæ pactæ sunt, solutis Eduardo in sumptuum solatium septuaginta aureorum millibus & quotannis promissis eorundem quinquaginta millibus, Eduardi quoque filia Elisabetha Carolo Ludovici filio desponsatâ. Atque ita pace sancita freudentibus nequicquam Carolo, & Lucemburgensi belli sociis Eduardus Caletum primitus, & deinde in Angliam rediit. Lucemburgensis vero postea bello captus Lutetiæ securi percutitur. Eduardus quanvis domi forisque pacem stabiliverat, nihil tamen sibi quietum futurum ratus dum Henricus Richemundiae Comes, cujus ad Regnum jus summo opere metuebat, in vivis esset. Missis ergo ad Britanniae Ducem nunciis quâ donis quâ promissis Comitem impetravit. Dux vero facti pœnitentiâ ductus jam iter ingredientem & malæ morti candidatum juvenem revocavit, & in tutum reduxit, Eduardi legatis qui spe exciderant, domum remissis. Eduardus interea dum liberalem se omnibus, fratri soli Clarentiæ Duci immanissimum se præbet, quem in dolio

dolio vini Cretici suffocari permisit. Cum Scotis jam quoque, auctore Albanix Duce Jacobi Regis fratre, Bellum recrudit. Missus in Scotiam Glocestrix Dux Ricardus, cum aliis, Scotus vero cum suorum viribus minus constaret, inducias impetravit. Albanix autem Dux se belli auctorem, & propterea fratri invisum non ignorans, in Galliam confugit, atque ibi equestri certamine interfectus est. Restabat jam ut in Gallum pactis suis non stantem bellum Eduardus moveret, alio autem hoste minus præviso superatur, cum enim in morbum medicis incognitum incideret, intra paucos dies è vita excessit, ætatis anno quinquagesimo, Regni vigesimo tertio, salutis humanæ. M CCCC LXXXIII.

## EDUARDUS QUINTUS,



## RICARDUS TERTIUS.

ANGLIÆ & FRANCIÆ REGES.

Anno 1483.

**D**Efuncto Eduardo quarto, proximum occupabat locum filius ejus senior Eduardus, ille vero in principatu suo sub tutoribus Antonio Riverio avunculo, Thoma Wagha cubiculi præposito, & Ricardo Grajo equitibus, degebat. Qui Reginae epistolis vocati cum Principe Londinum properabant. Ricardus quoque Glocestrix  
Dux

Dux penes quem defuncto fratre summa rerum, in Eboracensi agro erat, audita vero Regis morte, & ipse Londinum contendebat cum modico exercitu, ille enim ex jussu fratris Eduardi Principis juventutem gubernaret, verum enimverò, ab eo tempore quo frater obierat, Regnum sibi occupare animum induxerat. Ille dum Londinum proficiscitur Eduardum puerum in via assecutus est, quem mox in potestatem suam recepit, tutores ejus Rive-rium, Waghams, & Grajum ad Pontifrac-tensem arcem custodiendos misit. Qua-re Londini divulgata, Regina, quam per-versus Ricardi animus non latebat, cum filiorum altero Ricardo & filiabus in asylum ad Westmonasterium se con-tulit, ut à Ricardi violentia tutior esset.

Ricardus interea Londinum cum Eduar-do venit, & ad ædes Episcopi Londinensis divertit. Ille verò recepto in potestatem Eduardo non contentus, ut rebus suis tutius studeret, alterum filiorum qui cum matre ad Sanctuarium confugerat, specie tristem Regis solandi animum, ad se ac-cersere nititur, & in illam sententiam pertractis proceribus, mittitur eò cum aliis Thomas Cantuariensis Archiepisco-pus, qui minis commistis blanditiis, innocentem puerum è matris complexu avulsit.

Ricardus jam voti compos fratres Re-gios



gios ad turrim magnifico quidem sed funesto comitatu misit. Ipse interea quâ beneficiis , quâ simulata Relligione , & affectata animi inclinatione , procerum & vulgi animos sibi devincire , quam alto corde premebat Regnandi ardorem dissimulare , ut nemo sciret , quorsum ejus studia collimarent. Hastyngius vero sinceri vir animi indies ut Regi jure debitus deferretur honos instabat. Quem sive ut molestum , sive perspicacem nimis , ante omnes è medio tollere Ricardus conabatur , & ita dolo composito clementi criminis quasi reum , à promptis militibus comprehendi , nec interrogatum , nec facinoris devictum extemplo obtruncari jussit. Vitio vertebatur illustri viro quod ipsi cum Johanna quadam Regis Eduardi quarti concubina stupri consuetudo intercesserat , quam ex composito incusabat Ricardus , quasi unâ cum Regina matre membra ejus magicis artibus extorruerat. Eboracensem quoq; & Elyensem Antistites , cum Stanlejo , in carcerem conjecit. Hic vero brevi incolumis dimittitur. Alios aliò relegavit ne sibi Regnum molienti impedimento essent. Per literas deinde Pontifrac tensis arcis custodem admonuit , ut Riverium , Grajum , Waghamsque itidem securi percuteret , qui dicto nimis obediens fuit. Stipatorum deinde manu (cum tyrannis omnia extimescere mos est ) se ipsum munivit , deinde ut credulo vulgo cmen-



ementitis rationibus imponeret, cum Rudolpho Shao maximi nominis Theologo, qui apud populum multa pollebat, verba commiscuit, se veram Ricardi patris prolem, Eduardum vero fratrem nothum summâ cum contentione jactans, Rogansque insuper, ut jus suum de suggestu plebi inculcaret, seque virum esse, Eduardum autem puerum, Regimini ineptum, ejusque impotentiâ vitium rempublicam facturam, & sic deinceps. Rudolphus sive metu sive: amentia facile obtemperat, & ex composito textu rei accommodato, populum libere alloqui cœpit, magna mala & incommoda illis interminatus, qui legitimæ notham stirpem præferentes, justæ successioni viam clauderent. Mirum in modum populus tum præconis auctoritate deceptus tum minis exterritus, in varia fluctuabat, jam quisque Regni mutationem exoptare, Ricardum virum inepto puero præferre, omnia pessima præsagire, innocentem matrem adulterii insimulare, condemnare. Rudolphus vero postea ab amicis rei admonitus, & ad saniores mentem rediens, tantum sibi pudorem contraxit, ut in posterum publico abstinens, mœrore animi postea extinctus sit. Buckyngamiæ quoque Dux paulò post oratione ad Senatum Londinensem habita, hortari eum, atque officii admonere non destitit, multa insuper de Ricardi bonitate, & morum lenitate jactans cui pars assentiit, pars resistere non ausa

ausa præcuntes secuta , pars temporis & rerum rationi parere necessè duxit , omnes in Ricardi verba juraverunt. Anno M CCCC LXXXIII. Ad Ricardum protinus contendunt & ipsi quid actum sit exponunt , ille vero tergiversari , ad fidem in Eduardum juvenem Regem hortari , horrendum illud facinus detestari tandem verò veluti invitus regni insignia accepit , cumque Anna uxore Regno inauguratur.

Ille quam dolo acceperat potentiam vi-asserere connititur , lectâ enim & valida militum manu comitatus ab omni injuria sibi tutus videbatur. Londinensium tamen multitudinem veritus , cum nullibi securitatem tyranni constituunt , Eboracum proficisci statuit , rebus Londini compositis. In via autem (cum nullam sibi viventibus nepotibus quietem sperabat) turris præfecto Roberto Branchynburio literis jussit ut quo potissimum posset modo Eduardum juvenem Regem , ejusque fratrem in ipsa turri extingueret , ipso vero tergiversante & moras neccente , Iacobo Tyrello, id provinciæ datum est , qui summo cum dolore Londinum profectus , injectis pulvinaribus ; innocentes suffocavit. Divulgata (non invito Ricardo) puerorum nece, mirum quanta consternatio omnium animos invaserit , omnes puerorum casus miserari , ingemiscere , & quid de eo expectandum sit , qui proprio sanguine non peper-

pepercerit, dictitare, ut de matre & filiabus taceam. Certè Deus immortalis cum graviora crimina impune non prætermittit, violatam à patre ad Eboracum Religionem, & nefariè ab eodem occisum Clarentiæ Ducem, in filiis quavis innocentibus vindicavit.

Buckinghamiæ verò Dux qui tantum pro Ricardo defudaverat, jam immanissima illius facinora detestatus ab eo defecit, initoque cum Elyensi Episcopo qui ipsius curæ commendatus erat, consilio, de restaurando Henrico Richemondix Comite (ad quem proximè Regnum pertinebat, utpote qui à Iohanne Gandavensi Lancastriæ Duce, proavo sanguinem ducebat), & extirpando Ricardo generis humani monstro, actum est, hi igitur re cum aliis communicatâ, extemplo Hugonem Conevejum, Thomamque Ranmejum ad Comitem in Britanniam mittunt, qui de conjuratione illum, ipse vero Ducem Britannix certiores fecerunt.

Dux, quavis multum ut Henricum in carcere servaret, à Ricardo per legatos rogatus, auxilium spondit.

Ricardus interea cui Buckyngamiæ Ducis consilia innotuerant, illum iteratis nunciis ad se vocavit, cumque adesse detrectaret ad arma utrinque ventum. Dux conscriptis subito Wallorum aliorumque aliquot copiis ad Glocestriam trajecto amne, Regi Ricardo magna militum manu instructo

instructo obviam ire conatur. Milites vero quos minis potius quam prætio conduxerat, parum fidi, sponte & hoste non viso dilabuntur. Duce ipso pene solo cum pedissequâ relicto, qui fugâ sibi consulere necesse habuit, & ad Humphredum Bannisterum se contulit, ab illo vero omnium beneficiorum immemore, postea Ricardo traditus, securi percutitur. Ad hujus rei famam omnes conjurati alii alio dilapsi, pars ad asyla, pars in Britanniam ad Comitem se contulere.

Audierat interea Ricardus, Ducem Britanniae non modo Comiti non nocere, verum etiam auxilium destinasse, quapropter classem extemplo conscripsit, ut quoquo modo Comitem si forte veniret, Angliæ littoribus prohiberet.

Ille verò interea cum quadraginta navibus & quinque Britannorum millibus, in Angliam vela fecit. Exorta vero tempestate classis disiecta, & ipse penè solus ad Cornualliam appulsus est, terrâ vero conscensâ, cum magnam militum manum conspiceret, ad naves iterum confugiens in altum de integro evehitur. Atque æger animi in Galliam & deinde (audita jam Buckinghamiæ Ducis morte) consilii inops in Britanniam rediit. Nobilium vero conjuratorum adventu in novam spem erectus, coram altare Elisabetham Eduardi filiam uxorem ducere, (si res ex animo fluerent) sponpondit, atque adeo iterum Sacramentum

mentum fidelitatis ab omnibus datum est.

Ricardus interea in Comitibus sequaces quoscumque assequi poterat, graviter animadvertit. Thomas Dorsetensis Comes qui ad illum confugerat, terra marique proscribitur.

Fœdus quoque cum Scotiæ Rege icit, dataque Anna sorore Scoti filio, confirmavit. Ricardus interea novas Henrico Comiti per Ducis Thesaurarium auro corruptum, insidias struxit, ille vero (re per Mortonium Episcopum detectâ, evasit. At quando dolus Duci ipsi innotuerat, ille in Thesaurarium suum excandescens, scelestum hominem tam ob illud quam alia facinora, in patibulum agi iussit. Comes jam in Galliam venerat, ubi Oxoniensis Comes, vinculis suis elapsus Henrico se adjunxit, fidamque in omnibus operam spondit. Cui quoque nobiles aliquot Lutetiæ literis operam dantes accessere, sponte opem pollicentes, quos inter Ricardus Foxius doctrinâ per illud temporis celeberrimus, quem secreto suo consilio Comes applicuit, & Regnum postea adeptus, Vinocestriæ Episcopum creavit.

Ricardus vero ut Henrici Comitis cum Elisabetha matrimonium impediret, quâ blanditiis quâ metu quâ promissis, Regnam Elisabetham eò perduxit, ut sibi filias traderet, quin etiam ad filium suum Dorsetensem Marchionem qui Henrici

Comitis lateri adhærebat, literas daret, quibus confestim domum redire (relicta Comitis parte) jubebatur, pacata omnia esse, suamque familiam in gratiam Regis receptam. Ricardus interea filias Reginæ nactus, ut in totum Henrici intentiones præverteret, Elizabetham fratris filiam matrimonio sibi jungere statuit. Prior verò ipsius uxor etiamnum in vivis erat. Hæc autem postea cum aliæ non valerent artes veneno clam è medio sublata. Interea ad Elisabethæ animum sibi propitiandum omnem lapidem movebat, si fortè non obtineret, vim precibus adungere certus. Curis autem & metu forinsecus urgentibus libidini adhuc non dabatur locus. Stanleo interea milites conscribendi datur provincia, proficisci verò prius non potuit, quam fidelitatis vadem & obsidem filium seniore Domini Stranum Regi dederat. Fama interea ex composito sparsa Henricum frustra Gallorum auxilia implorasse, nullumque itaque ab eo metum esse, Ricardus segnius egit classemque quam Angliæ oras observatum miserat, imprudenter exauctoravit.

Henricus interim rerum admonitus, cum duobus tantum militum stipendiariorum millibus in Angliam appulit, Ricardus verò Thomas, & Iohannes Savagus duo in Wallia potentissimi viri collectis aliquot copiis, Henrici partibus protinus sese adjunxere. Pembrucensis quoque cum aliis

non -

nonnullis accessit, Stanleus verò quanvis optaret, metu ne filius à Rege male mularetur, in aliud temporis intentionem remisit.

Ricardus interea mirâ desidia & incuriâ torpescibat, de suorum verò jam defectio- ne certior factus, corrasis quas poterat copiis, Henrico obviam profectus est.

Ad Bosworthum castra metatus, cum videret hostes prælium meditari, ipse quoque sese copiasque accinxit. Manus tandem conferunt, acremque utrinque pugnam adoriuntur. Stanleus verò qui serius ad- venerat, jam ardente certamine Henrico sese cum copiis suis adjunxit. Quibus haud parum confirmatus, cum aliàs Ricardo longe inferior erat, in novam spem erigitur. Rex tandem ipse pugnam aggressus, postquam stupenda virtutis miracula edidisset, Henrici signiferum mactasset, Henrico ipsi periculum creasset, multitudine hostium supprimitur, & fortiter dimicans cæditur. Mortem Ricardi Henrici victoria secuta est, Northumbriæ enim Comes qui ultimum Ricardi agmen ducebat, cum invitatus venerat, pugnam detrectabat. Haud ultra mille Regii occisi sunt, ab Henrici parte vix centum. Nobilibus qui manus dabant gratia concessa est. Et Henricus protinus quâ Ricardi cadaver nudaverant, coronâ insignitus est, Rexque ab omnibus una voce salutat. Ricardi cadaver inter mortuos inven-



tum , nullo honore Lycestriæ sepultum est.

HENRICUS SEPTIMUS,  
ANGLIÆ & FRANCIÆ REX.

Anno 1486.

**H**enricus virtute juxta & jure Regnum adeptus , Westmonasterii Anno M CCCC LXXXVI. pridie calendarum Novembris coronatus est.

Conscriptis deinde comitiis crimine cuius à Ricardo postulatus erat exolvitur , merentes quoque quosdam præmiis & honoribus auxit.

Elisabetham deinde Eduardi quarti filiam uxorem duxit , quo matrimonio vetus illud Rubræ & Albæ Rosæ dissidium coaluit. In Principio valida sese stipatorum manu sive auctoritatis sive Majestatis causâ munivit , qui mos ad nostra usque tempora invaluit. Sudor sub hoc temporis Anglicus , morbus antea incognitus , plurimos mortalium è medio sustulit , malum autem quò acrius eò brevius fuit. Novæ deinde turbæ in septentrionali Angliæ regione exortæ Lovelli fuga , & Staffordii , auctorum , supplicio facile supprimuntur.

Novus vero ex mera opinione & persuasione tumultus novis curis causam præbuit , Simondus enim sacrificus discipulum quendam suum forma & speciei similitudine audacior , Eduardum Clarentiæ Ducis



cis filium ( qui in carcerem paulo ante ab Henrico conjectus erat ) ementitur , cumque eo in Hiberniam trajecit , tantumque ibi apud proceres profecit , ut Dubliniæ juvenis Rex salutaretur . Deinde impetrato à Margarita Burgundionis uxore auxilio in Angliam transvolat , cui mox alii qui Plantagenetarum partibus faverant proceres , quanvis doli conscii , spe tamen , rei gerendæ , accessere . Henricus verò maturè obviam profectus , post ardentissimum prælium Lincolnæ Comitem aliosque auctores & sequaces interemit . Lamberto vero supposititio Comiti propter juventutem & innocentiam parcitum , & inter Regis famulos locus concessus . Simondus verò vesti salutem debuit .

Missis deinde in Scotiam legatis de pace actum est , cum verò invidiâ subditorum ea impetrari non poterat , in septennium induciæ pactæ sunt . Exorto vero inter Carolum Galliarum Regem & Franciscum Britannæ Ducem dissidio , Henricus ne alterutram partem , cum utrique devinctus esset , offenderet , diremto rem & sequestrum se præbuit , cum tamen missis nunciis nihil proficeret , ad arma utrinque ventum est .

Udevillæ Dominus Eduardus , Reginæ avunculus clam , inscio Rege , cum quadringentis lectis militibus Britanno opem tulit , partâ verò postea Gallo victoriâ omnes cum Duce interierunt . Morte Du-

cis liti finis est impositus. In Eboracensi agro interea propter imperata tributa turbæ auctore Iohanne de Cubiculo exortæ sunt. Henricus Northumbriæ Comes ejus regionis præses à factiosa manu nefariè occiditur, turmatim deinde convenientes duce Iohanne Egromontio equite, vim parabant, Rex verò maturè advolans tumultuariam manum facilè dissipavit, atque in auctores graviter animadvertit. Egromontius verò ad Margaritam, commune rebellium refugium, in Burgundiam se contulit. De tributis tamen nihil remissum est.

Gravis sub illud temporis in Scotia tumultus exarsit. Subditi in Regem Iacobum surgentes, Iacobum itidem ejus filium vi partibus suis applicuerant. Frustra ab Henrico Anglorum & Carolo Galliarum Regibus, ut & Pontifice de pace actum, cumque acrius subditi responsum darent ad arma ventum ad Strevelinum, ubi (parata subditis victoriâ) Rex ipse, invito tamen filio, in molatrina fœde occisus est. Lite exinde inter Fredericum Augustum & aliquot Flandriæ urbes exorta, Gallus Imperatori auxilio venit; Henricus vero Gallorum ad Caletum viciniam non passus, Morleum Dominum cum mille bellatoribus eò misit, qui duobus suorum millibus, octo hostiū fudit, ipse verò interemptus est. Galli autem ut hanc cladem ulciscerentur Neoportum pene occupaverant, Anglorum verò adventu territi, victoriâ exciderunt.

runt. Maximilianus Imperator quando cum Anna Francisci Britanniae Ducis filia per legatos sibi desponsata, contrahere matrimonium niteretur, à Gallo cui Margaritam filiam desponderat, impeditur, ille enim repudiatâ Margaritâ, Britanniae ducatus inhians, vi Annam in potestatem suam redegit, & solenni ritu uxorem duxit. Qua fraude mirum in modum Henricus offensus, impetrato à Parlamento suo subsidio, de bello Gallorum Regi inferendo consilium iniit. Cum modico tandem exercitu Caletum appulit, Bononiamque obsidione cinxit, imparatum verò Maximilianum, cujus ergo bellum susceperat, offendens, haud ægrè (maxima à Gallo impetrata auri summâ annuoque stipendio) in pacem consentiit, atque ad eò in Angliam rediit. Margarita Burgundionis uxor, Anglo nunquam non dolum & insidias meditata, juvenem quendam cui Perychino sive Petro Varbecho nomen erat, in aula sua per aliquot tempus educatum, pro Ricardo Eduardi quarti filio, quem suffocatum diximus, Anglis aliisque obtrusit. Plurimi Anglorum proceres, sive specie decepti, sive aliàs rerum novarum cupidi, ad illum supposititium Ricardum confluent, quos inter Guljelmus Stanleus, qui pecuniâ Petrum juverat, captus, convictus & securi percussus est, quanvis præcipua causâ fuerat, quâ Henricus ad Regiam dignitatem pervenerit.

Petrus interea collecta militum tumultuaria manu in Cantium appulit. Ubi suorum ad centum & sexaginta, quos inter quinque centuriones erant, qui citius terram conscenderant capti, & Londini atque alibi suspendio necati sunt. Petrus vero cum ibi parum profecerat, in Hiberniam vela fecit, ubi magnifice ab incolis apud quos Plantagenetarum nomen optimè audiebat, exceptus est. Cum tamen parum illic auxilii ab inermi & imbelli plebe speraret, in Scotiam properè profectus est. Scotus honorifice hominem habuit, specieque aut aulicis ejus moribus, quibus à Margaritha plus satis imbutus erat, deceptus, Huntlei Comitis filiam Catharinam ipsi despondit, quem deinde cum magno exercitu ad Angliæ fines populandos misit, spe subditorum quosdam aut metu aut studio ad se pertrahendi, sed frustra.

Henricus ob incursiones Scotorum mirè offensus, conscriptum mox exercitum in Scotos Duce Dabenejo movere jussit. Ille tamen exorto in Cornubia sive Cornuallia ob tributa tumultu eò ad domandos rebelles revocatur, illi verò duce Audelejo Regulo Londinum properaverant, verum postquam eò venerant, à Regiis circumventi & fugati sunt, relictis occisorum duobus admodum millibus, multisque captis, quibus maximam partem parcitum est, exceptis belli auctoribus, Audelejus enim ad supplicium ignominiosè

miniosè raptus & securi percussus est. Aliique instigatores ut Thomas Flammokus, & Michael Iosephi filius, faber ferrarius, suspendio vitam finierunt.

Scotus interea ex hisce tumultibus rei gerendæ occasionem aucupans, Angliæ fines de novo depascitur, & deinde Durhamense castellum obsidet, Surrae vero Comes collecto viginti millium militum exercitu, magnaue classe, non modo obsidionem solvit, verum etiam in Scotiam hostes insecutus, diversa castella & arces diruit, atque adeo cum ad manus res nequaquam veniret, Barvicum rediit.

Interventu verò Hispaniæ Regis induciæ ad aliquot annos inter Anglum & Scotum pactæ sunt, ea vero conditione ut Petrus Varbechus ex Scotia facefferet. Ille vero postquam jam inde abierat, audiens novos in Cornubia tumultus oriri, cum paucis militibus eò ex Hibernia, quod se cum familia contulerat, profectus est, & quâ blanditiis quâ specie incolarum nonnullos sibi ascivit, atque collecta trium admodum millium militum manu, Exoniam oppugnavit, adventu verò Regis ter-ritus relicto exercitu, ad altare confugit. Rex interea de fuga ejus jam certior, sedulò cum vestigare jussit. Catharina ejus uxor venustissimæ formæ & illustrissimæ familiæ foemina capta Regique tradita est, qui propter speciem genusque, annuos illi re-reditus assignavit. In Rebelles deinde ab

Henrico animadversum est; parvâ tamen illis impositâ pœnitentiâ, libertati restituantur. Petrus vero cum diutius ad asylum hæsitaverat, nec saluti locum conspiceret. ultrò tandem se dedidit, turrique Londinensi inclusus est.

Sebastianus interea Gabatus Genoven-  
sis civis, Brustæ verò natus, impetrata ab  
Henrico unâ aut altera nave, novas in occi-  
dente regiones adivit, & post biennium  
in Angliam rediit. Petrus verò quem in  
carcerem conjectum diximus, brevi post  
elapsus est, & Richemundiam se contulit,  
iterum vero comprehensus &, publicâ ig-  
nominia affectus, deintegro in turrin con-  
jicitur, cum vero de novo cum Warvicen-  
si Comite cujus nomen Lambertus assump-  
serat, aliisque turris præfecti familiaribus  
conjuratorem iniret, ad supplicium rap-  
tus, & cum duobus præfecti famulis sus-  
pendio enectus est. Warvicensis quoque  
ne novis turbis causam daret, paulò post  
securi percutitur. Hic Clarentiæ Ducis  
senior filius, atque extrema mascula Plan-  
tagenetarum progenies, à prima usque  
pueritia carceri mancipatus fuerat, extra  
hominum cognitionem rerumque memo-  
riam. Hinc nova & ejusdem generis secu-  
ra est seditio, Patricius enim Augustiniani  
ordinis monachus novum Warvicensem  
Comitem in discipulo e mentitus, popu-  
lum de suggestu ad rebellionem sollicitavit,  
ipse verò cum discipulo captus est. Iuvenis

n crucem actus , Patricius in sempiternum carcerem conjectus est. Talis tunc temporis Sacri ordinis fuit reverentia , ut vel proditionis & læsæ majestatis rei , morte nunquam afficerentur. Inter Hispaniæ Regis filiam Catharinam & Arthurum Walliæ Principem , natamque Henrici & Iacobum Scotiæ Regem , matrimonia sub hoc temporis contrahuntur. Ex hoc ultimo matrimonio Maria Stuafta , ex qua Iacobus Rex, deinde Carolus , Regnorum denique unio tandem provenit. Arthurus vero quinto post nuptias mense in Cambria obiit. At Henricus ne dote , & amicitia Hispaniæ Regis fraudaretur, Catharinam (indulgentem Pontifice ) Henrico secundo filio invito despondit.

Edmundus Polus Suffolciensis Comes Elisabethæ Eduardi quarti sororis filius , sub illud temporis Regi ob privatam injuriam infensus , conjurationem contra eum in Flandria iniit. Re vero detecta , & reis captis , ipse solus ad Philippum Austriæ Archiducem confugit. Philippus vero morte Ferdinandi Hispanniæ Regis ( nomine uxoris Ioannæ ejusdem filiæ, sororis Catharinæ quæ (ut dictum) Walliæ Principi nupserat, ) Regnum adeptus , eò iter forte instituit, & cum adversa tempestate in Angliam delatus esset , Rex Henricus omni honore illi obviam factus , Comitem Suffolciensem ab illo impetravit , ea conditione ne vitæ ipsius vis fieret. Henricus

cum in carcerem coniecit vitæque ejus pepercit, postea vero Regnante Henrico octavo capite plexus est.

Henricus jam supremo honoris culmine constitutus, subditorum fidem & vicinorum reverentiam sibi conciliaverat. Felix sanè ni sub Regni vitæque finem, instigante avaritia, subditorum bonis & facultatibus nimium inhiasset.

Arthritide diu laboraverat, cui accedente asthma, quinquagesimo secundo vitæ, Regni vero vigesimo tertio, salutis humanæ millesimo quingentesimo octavo vivere desiit.

## HENRICUS OCTAVUS,

ANGLIÆ FRANCIÆ & HIBERNIÆ REX.

Anno 1508.

**H**enricus octavus Regnum adeptus, mira obedientiâ prudentiâ & justitiâ, in ipso principio se gessit. Ducta quam desponderat pater, Catharina fratris uxore, sapientissimis electis consiliariis, & punitis exactæ paternæ diris ministris. Primum deinde Regni annum ludicris certaminibus, aliisque recreationibus duxit. Rogante verò Hispaniæ Rege, Reginæ patre, expeditio in Hispaniam contra Mauros suscepta est, verum ante Anglorum adventum pace cum Mauris facta, irrita



irrita fuit, nullaque re gestâ quanvis honoribus aucti duces, in patriam rediere.

Eduardus vero Poiningius, eques cum mille & quingentis jaculatoribus Carolo Hispaniæ Principi contra Geldriæ Ducem auxilio missus, re prospere gesta, honoribus & præmiis onustus domum cum suis rediit.

Scotus interea quidam pirata Bartonus Angliæ oras mira audaciâ & fortitudine infestans, misso maris præfecto post ancipitem strenuamque pugnam, superatur & interficitur, sociis verò (miro lenitatis exemplo) parcitum est.

Flagrabat interim inter Galliarum Regem, Papamque bellum. Henricus ut desisteret Gallum admonuit, cumque nihil proficeret, bellum eidem indixit, inito cum Maximiliano Augusto, & Ferdinando Hispaniæ Rege fœdere. Rogaverat Hispanus Henricum ut in Cantabriam exercitum mitteret, atque ab illa parte, conjunctis suis cum Anglis copiis Gallis negotium facesseret. Legatur itaque extemplo Thomas Grajus Dorsetensis Marchio cum alia nobilitate & decem militum millibus, ille enim postquam eò venerat, Hispanorum auxilium nequicquam diu præstolatur, Albæ enim Dux interea Navarræ Regnum, propriæ Regis sui utilitati studens, Gallo extorsit, Angli verò in Aquitania ne nihil egisse viderentur, aliquot nullius momenti oppidis expugnatis, in eam rerum & com-

meatus inopiam ( cum Hispanus nihil sup-  
peditaret ) incidere, ut fame & inedia, con-  
tractisque ex insueto victu morbis misere  
plurimi perierint, cæteri in rebellionem  
exarsere, Hovardus Dominus, penes quem,  
ægotante Marchione rerum summa, exi-  
tio vix elapsus est, necesse ergo fuit factio-  
sos conductis navibus domum reducere.

Eduardus Howardus Angliæ maris præ-  
fectus, Britanniam interea ferro flammâ-  
que mirè depopulatus est, & Britannorum  
copias quanvis longè superiores, conferta  
acie superavit, & inde cum navibus prædâ  
gravibus Vectem Insulam versus enavi-  
gavit, dum Henricus Londini hastiludiis  
aliisque aulicis delectationibus vacabat.

In Gallia ab Anglicis & Gallicis navibus  
interea in sinu Britannico pari fere utrin-  
que iacturâ dubiâque victoria pugnatum  
est. Postea verò Angli in ipso portu Gal-  
lorum naves parum prudenter adorti,  
maxima suorum & ipsius Ammirallii jac-  
turâ receptui canere necesse habuere.  
Quapropter Galli audaciores, jam Angliæ  
oras infestare, urbesque aliquot incendere,  
donec Thomæ Howardi in prioris locum  
suffecti vigilantia coërcerentur.

Henricus verò jam seriò Gallis bellum  
inferre certus, Georgium Talbothum cum  
præcipua nobilitate, & octo admodum  
militum millibus Caletum præmisit, Ca-  
rolum Somersetensem deinde, cum aliis  
proceribus & sex bellatorum millibus,

jam

jam jam ipse secuturus. Duces postquam convenerant, Tarvennam conjunctis viribus obsident. Henricus brevi cum novem militum millibus magnaue lixarum & cuniculariorum manu adfuit. Maximilianus quoq; Augustus Henrico stipendia faciens; (raro exemplo) advenit, at quanvis Anglo mereret, Regiè tamen & pro dignitate exceptus est. Galli deinde equites, commeatum urbi inferre satagentes, ab Anglis profligati sunt, capto Longovillano Duce aliisque adducetos & quadraginta, unde oppidanos ingens trepidatio, rerumque desperatio incessit. Quapropter cum Anglus vehementer insisteret, deditionem fecere. Militibus cum armis discedere permissum est, mœnia solo æquata, urbs primario excepto templo & palatio, igne consumpta est. Turnacum deinde movit, urbemque deditionem detrectantem obsidione cinxit, prævique in potestatem suam redegit, accepto à civibus fidelitatis Sacramento, cum verò ad prælium frustra Gallos sollicitaret, & hyems jam appropinquaret, præfecto Poyningio urbi, ipse in Angliam rediit. Scotus interea, Gallo instigante, Anglorum fines duce Domino Humès cum septem aut octo militum millibus devastavit, sed ab Eduardo Bulmero subito arreptus omnique præda exutus est, ipse cæsis suorum sexcentis, captisque quadringentis, vix evasit. Iacobus tamen cum sexaginta millium militum exercitu Anglorum  
fines

fines ingressus est, cui Surre Comes Henrici in illis partibus Legatus cum viginti sex millium militum exercitu ad Bramstonum obviam factus est, consertoque prælio Scottorum nimia confidentiâ, Anglorumque mira virtute, hisce parta est victoria. Iacobus ipse cum duobus Comitibus tribus Episcopis & octo militum millibus occisus est. Haud pauciores capti sunt. Nec quoque Anglis incruenta victoria fuit. Hæc incidit in Annum M D XIII.

Henricus ex Gallia reversus, Surre Comitem quia rem bene gesserat, Norfolciensem Ducem creavit, aliosque proceres qui quoque egregiè operam navaverant aliis honoribus auxit, Thomam quoque Wolsæum Lincolnæ Episcopatu donavit. Hic vir sæpius nobis nominandus, à vili origine in immensum excrevit, Immo Cardinalis evasit, Angliæque rempublicam ad unguem postea gubernavit.

Iulius secundus Pontifex Maximus summis honoribus sub hoc, missâ galeâ ornatâ, gladio & Christianissimi tytulo Henricum donavit, quæ beneficia hastiludiis aliisque pompis excepit, in quibus ille semper præcipuas partes agebat.

Maria interea Regis soror, Carolo Hispaniæ Principi desponsata est, at quia Hispani ministri moras necerent, petenti Gallo & belli jam saturo despondetur. Priusquam vero res divulgata esset, Prior Ioannes Gallorum Archithalassus in Anglia unum  
pagum,

pagum, Iohannes vero Vallopus in vindictam injuriæ, viginti & unum injecta flamma in Gallia demoliti sunt, ic̃to tandem fœdere armis parcitum est. Gallus haud ultra tres menses, matrimonio supervixit, senexque lascivus mortuus est; & Maria Suffolciensi Duci (annuente Henrico) postea nupsit. Wolsæus sub hoc temporis Cardinalitio galero insignitur, Regnique Cancellarius à Rege creatur; missusque ad Henricum Campegius Cardinalis, opes in sacrum contra Turcas bellum impetratum, frustra fuit: dolus enim ille corradendi pecuniam omnibus pridem innotuerat. Matthias vero Cardinalis ab Imperatore Maximiliano in eundem finem missus, rogatu Wolsæi impetravit.

Sub illud temporis magnum vitæ discrimen Henricus subiit, aucupio enim intentus fracta fuscina qua fossas transiliebat aquâ lutoque penè suffocatur, maturè autem pedissiquâ suâ extractus & servatus est. Seditio Londini inter indigenas & alienigenas non sine sanguine gliscens, auctorum exitio aliorumque veniâ sedatur.

Turnacum sub hoc, initis cum Gallo conditionibus, specieque matrimonii inter Delphinum & Mariam Regis Henrici filiam, redditur, & datis obsidibus fœdus inter utrumque confirmatur. Mortuo jam Maximiliano Augusto, ad Carolum Castiliæ Regem, ejus nominis quintum Imperium devolvitur.

Hen-

Henricus interea ab omni bello otiosus , suis vacabat voluptatibus , hastiludiis , saltationibus , aliisque aulicis delectamentis. Deinde vero, ne & pax sua pompâ careret , inter Gallum & Anglum Reges solenne colloquium instituitur. Extructum est ad eum finem in Gallia magnificum ex ligno palatium. Conventum est tandem maxima pompâ , multis hastiludiis & aliis dilitiis indultum , fœdusque inter Imperatorem , Angliæ & Galliæ Reges renovatum.

Wolsæus interea omnia ex animi sententia præstabat , nihil ipsi grave nil intentatum. Buckinghamiæ Ducem læsæ Majestatis postulabat , invidiâ aut justitiâ , incertum , qui propterea ad supplicium raptus , & capite multatus est.

Novo interea bello inter Imperatorem Carolum , & Galliæ Regem , causa datur. Quapropter Wolsæus inter partes sequester mittitur , qui parum prudenter & nimiâ auctoritate rem gerens , Galliæ Regis odium incurrit. At Hugo de Moncada Turnacum obsedit , & quanvis liberationem summo studio Gallus affectabat , in suam potestatem redegit.

Henricus interea quia librum contra Lutherum scripserat , fidei defensoris titulo donatus est , qui ad omnem ejus posteritatem devolvitur.

Bello sub illud tempus cum Galliæ & Scotiæ Regibus, occasione Albanæ Ducis,  
& non

& non soluti ut Gallus promiserat, Mariæ Henrici sorori stipendii, causa præbita est, & rupto foedere ad arma concursum.

Guljelmus Guljelmi filius, eques, Ammirallii Anglici legatus, cum vînginti octo navibus Scotiæ littora populatus, multas in portibus stantes diripuit, & combussit naves, atque adeo domum reversus est.

Carolus Imperator interea Londinum venit, ubi maximâ pompâ, summoque honore exceptus, solennique ritu periscelidis ordine donatus est. Specie deinde Imperatorem in Hispaniam cum debita classe conducendi, impetus in Britanniam à Surra Comite Ammirallio, factus est, urbsque Morleys expugnata, qui deinde cum magno exercitu in Galliam missus, varia iterum oppida & arces diruit, flammâque vastavit, frustra vero tentata arce Heddingia, & cum graviora tormenta non attulerat, vim inferre non valens, re bene gesta Caletum rediit.

Dorsetensis quoque Marchio in Scotia innumeros pagos, & arces flammâ ferroque solo æquavit, manus vero conferendi nulla data est potestas. Sandius etiam Caletum egressus, & cum hoste velitatus, post variorum castellorum dirutionem, in urbem revertitur.

Cum interim Rex Henricus audierat, Albanix Ducem, penes quem jam in Scotia rerum summa, militum delectum in Gallia habere,

habere, Guljelmum Guljelmi filium cum classe misit, ut illum in reditu adoriretur, cum vero frustra mare pervagatus esset, exposito tandem in terram milite, exigua suorum, magnam Gallorum manum fundens, victoriâ & præda potitus est, incensoque Triportensi suburbio, in Angliam rediit.

Henricus jam seriò bellum cum Gallo meditatus, Suffolcium aliosque præcipuos nobiles cum magno exercitu in Galliam misit. Qui primo impetu Bellum castrum domuit, cui Guljelmum Scevintonum, cum præsidio præposuit. Borbonius interea Dux, Galliæ Comestabilis ad Angliæ Regem cum decem suorum millibus defece-  
rat, quibus copiis ille auctus Picardiam ingreditur, variaque oppida & arces expugnat, incrudescente verò hyeme & crescente rerum inopiâ militumque murmure, non expectato quod Henricus miserat subsidio, Caletum (magna tamen clade hostibus illata) redire necesse habuit.

Scoti interea, Anglos bello Gallico plus-  
satis intentos rati, capita jam exerunt, & Anglorum fines ingressi, diversa oppugnant oppida.

Surrae vero Comes, cum sex militum millibus ipsam Scotiam invadens, varias arces expugnavit, confertoque levi cum Scotis prælio, non sine hostium strage, post dirutum flammâ Iedworthum oppidum & Castellum, victor rediit.



Sic denique varia fortunâ re in illis partibus gestâ , armistitium tandem inter partes concluditur , ut interim de pace agi posset.

Franciscus primus Galliarum Rex , sub illud temporis ad Papiam à Cæsare Carolo quinto victus & captus est , quod rebus Anglicis haud parvum emolumentum , Gallicis autem grave detrimentum attulit. Pax vero deinde inter Gallum & Cæsarem sancita est quibus deinde Anglus accessit. Brevi autem in novum bellum Gallus & Carolus erumpunt.

Pace foris stabilita , domesticis atque adeo gravioribus diffidiis Anglia detonuit. Henrico enim qui viginti cum uxore Catharina annis , in pace & quiete vixerat , scrupulus tandem injectus est , an præter incestum fratris uxorem ( Arthuro enim , ut dictum , prius nupserat ) ducere posset. Iudices ad litem dirimendam electi , Wolsæus vero Cardinalis , qui parum prudenter rem pro Henrico administraverat , omni munere exauctoratus , & fortunâ orbatus est , concessis verò ipsi aliis de novo dignitatibus , refarcitur aliquo modo tam gravis jactura. Conscripto deinde Parlamento , variorum criminum postulatur , atque inter alia quod epistolis solitus esset subscribere. *Ego & Rex meus* galorumque Cardinalium Regiæ monetæ incudi iurasset. quorum tandem convictus , omni fortuna nudatur , mirò humanarum rerum incon-

inconstantia exemplo, ille enim qui non  
adeò pridem omnia, vel ipsum Regem ex  
animi sententia gubernaverat, leges &  
tribunalia ordinaverat, nobilitatem ubi  
potuisset averruncaverat, subditos gravi  
onere suppresserat, clerum juxta & laum  
suis bonis fraudaverat, jam de summo dig-  
nitatis culmine devulsus omnibus exosus  
& sibi dissimilis, redditur. Ipse autem pos-  
tea cum ad causam dicendam in aulam vo-  
caretur in itinere ex animi mœrore obiit.  
Negotium interea divortii ad Pontificem  
Romanum Clementem rogante Catha-  
rina defertur. Ille verò cùm Henricum,  
paulò ante defensoris fidei elogio à Leo-  
ne decimo donatum, offendere metueret,  
nec etiam Cæsarem in Italia dominantem  
irritare tutum putaret, rem tantum per le-  
gatum Campegium in longum trahebat.  
Qui tandem summa cum Anglorum of-  
fensione, post longas tergiversationes &  
procrastinationes ex Anglia re infecta dis-  
cessit. Rex interea nova amoris flammâ  
æstuans, atque adeo moræ insolens, Tho-  
mam Crammerum qui pro repudio Catha-  
rinæ pronunciaverat Archiepiscopum  
Cantuariensem, defuncto Warhamo creat.  
Pontifex interea pro Catharina senten-  
tiam tulit. Henricus verò qui jam repu-  
diata (ex diversorum Theologorum &  
etiam Parisiensium ut creditur prætio cor-  
ruptorum auctoritate) Catharinâ, clam  
Annam Bolenam duxerat, ipsi itaque in-  
fensus,

fensus, omnem Papæ auctoritatem in Anglicas Ecclesias obolitum ivit, indicto majestatis crimine, qui contra Regiam dignitatem nimium Pontifici detulerint, & indedita tributa persolverint, illa quoque in posterum ipsi denegari jussit, poenamque capitis constituit si quis supremam potestatem Pontifici adscriberet. Postremò omnes tam Angliæ quam Hiberniæ Ecclesias Sacramento adigit, ut se tanquam Ecclesiæ caput à Christo proximum agnoscant. Mutata verò disciplina, in doctrina tamen nihil mutatum est, quam etiam indicta Londini Synodo confirmavit. Lutheri enim & Zuinglii sequaces diversos morte multavit, adeò verò in reliqua vita se gessit Henricus, ut si æquiores fuisset nactus Pontifices, se ultro eorum potentiae subjecisset. Pontifex verò quod auctoritate excidisset offensus, edito diplomate, sive bullâ ut dicunt, Henricum Angliæ Regem excommunicavit, cognito verò postea illam à Catharina esse procuratam, minoris æstimata est, atque illa in pervicaciæ supplicium, parte familiarium privata, brevi post decessit. Interea Thomas Morus eques & Angliæ quondam Cancellarius & Ioannes Piscator Rocestriæ Episcopus, qui Regi ut Ecclesiæ capiti Sacramentum exhibere detrectaverant securi ambo percussi sunt. Henricus suo jam jure utens, Ecclesiastica bona invasit, monachosque suis monasteriis expulit. Nec ea injuriâ contentus,

Annam

Annam uxorem Thomæ Boleni Wiltonii Comitum filiam, uxorum secundam, adulterii & incesti condemnatam, cum Rupifortensi domino ejus fratre, aliisque Regii cubiculi ministris, capite plexit. Mirum quanta ignominie macula ejus honori, apud omnes exteros Principes hoc facinore inusta sit.

Ianam Semeram postea duxit, quæ in partu Eduardi filii ejus nominis sexti postea Regis, periit; deinde Annam cliviam vix ductam quoque repudiavit, atque illius causâ Thomam Cromelium matrimonii sequester, qui ab ima plebe, aurigante fortuna in immensum creverat, capite plexit. Thomas Howardus quoque Norfolciæ Dux quia Margaritam Regis Scotiæ filiam & Henrici cognatam clam Rege duxerat, proditoris insimulatus securi percutitur. Margarita prius detenta postea demissa, deinde Mathiæ Levinæ Comiti Jacobi Regis avo nupsit. Seditiones interea in septemtrionalibus Angliæ partibus propter rituum Ecclesiasticorum mutationem hic & illic exortæ, nonnullis supplicio affectis, aliis domum dimissis, aliis quoque bello suppressis, feliciter non tamen sine periculo sedatæ sunt, tantæ enim molis erat Regnum, introductis novis ritibus, quiete possidere.

Henricus jam quintam uxorem Catharinam Howardam duxit, illam vero brevi post

post lasciviæ condemnatam, cum Rupifortensi Domina capite plexit.

Sub illud temporis Hiberniæ Regis titulo indigitatur Henricus, cum antea Dominus tantum audiret. Arthurus interea Plantageneta Eduardi quarti nothus, proditionis insimulatus, & deinde cum ejus innocentia inclaruerat, in Regis gratiam receptus, tantum ex eo gaudium concepit, ut ex mera lætitia sequenti nocte extinctus sit.

Scoti jam Anglorum fines ingressi & populati Henricum ad arma compulere, qui exercitum Norfolcio duce in Scotiam misit, qui diversos pagos & domus demoliens, hoste non viso Barvicum rediit. Scotus hanc violentiam inultam non passus conscripto protinus exercitu Anglos aggressus est. Fusis autem copiis suis & occisis, in tantam animi ægritudinem & deinde febrem incidit, ut brevi post supremam diem clausurit, relicta octo dierum filia Maria Stuartâ Regni hærede. Henricus ut tantis dissidiis duorum Regnorum unione finem imponeret, de despondenda Scotiæ hærede filio suo Eduardo cum captivis proceribus egit. Qui remurgere recipientes dimissi sunt.

Mediante vero Santandreano Cardinali, hætractatio desponsata Delphino filiâ frustra fuit. Quo offensus Henricus valido Scotiæ immisso exercitu, fusis Scotorum copiis, urbeque Letha exusta, iram placavit.

cavit. Pacem dinde cum Imperatore Carolo Quinto sancivit, & sextam uxorem Catharinam Latimeri viduam duxit, quæ ob mutatæ Religionis suspicionem in mortis discrimen adducta, prudentiâ & humilitate evasit. Henricus jam ex fœdere cum Imperatore, Galliæ Regi bellum indixit. Et Duce Iohanne Wallopio exercitum Caletum misit, qui Caroli copiis iunctus Landrecium urbem obsidione cinxit. Gallus verò specie prælii Cæsarem ab obsidione avocavit, & postquam comitum urbi intulerat, deluso Carolo abiit. Henricus verò deinde conscripto magno exercitu ipse in Galliam trajecit & Bononiam oppidum obsidione in potestatem suam redegit.

Interea Anglorum naves magna à Gallis prædâ potitæ Londinum comitatu impleverunt, improspere verò in Scotia ab Anglis pugnatum est, Regisque Henrici copiæ fusæ, qua victoriâ novoque à Gallis auxilio audaciores Scoti Angliæ fines invasere, Angli vero Hertefordensis Comitibus auspicio, innumeros in Scotia pagos diruerunt & victores domum reversi, quavis aliàs magnam cladem à Scotis passi sint.

Angliæ quoque Ammirallius cum classe Normanniæ oras infestavit, magnamque hostibus stragem intulit, brevi autem post de pace inter Anglum & Gallum actum est, atque in hæc conditiones consensum

ut

ut Gallus Bononiam octingentis aureorum millibus redimeret.

Thomas Norfolciæ Dux & Henricus Surra Comes ejus filius, proditionis interea accusantur, quia quidquam insignibus suis adscripserant, quod Regii juris esse videbatur, & quanvis jura sua abundè defenderent, capite tamen plexus est Comes. Dux verò usque ad Mariæ Regnum in carcere servatur. Henricus sub illud tempus mortem obiit, Anno salutis M D XLVII. Regni trigesimo octavo, vitæ vero quinquagesimo sexto. Princeps omnibus naturæ dotibus cumulatissimus, & in quo, si voluptatibus haud nimium indulisset, nihil meritò desiderari potuisset. Literarum fautor eximius.

## EDUARDUS SEXTUS, ANGLIÆ FRANCIÆ & HIBERNIÆ REX.

Anno 1547.

**H**enricus moriens primis Eduardum filium ex Semera natum, secundis tabulis Mariam Catharinæ filiam deinde Elizabetham ex Bolena genitam hæredes reliquit. Ipse puer novennis Regno inauguratus est. Anno M D XLVII. Sed quia ætate inferior erat, tutores ipsi dati sunt sexdecim, quorum primarium locum occupabat Semeræ frater Somersetenſis Dux, summæ integritatis vir. Mors Henrici

ad Franciscum Gallia Regem delata mirum in modum senem excruciabat, quippe qui ætate illi suppar instans jam Fatum præfagiebat. Iusta illi, recepto Regum more solenni ritu persolvit, nec diu post præeuntem secutus est.

Henricus sub mortem senatoribus ante alia injunxerat, ut Eduardi cum Scotia Regina matrimonium urgerent. Missi sunt ergo nuntii qui de conditionibus agerent, fidemque repeterent, cùmque Papistarum factio pro Delphino prævaleret, constrictus est illicò ingens exercitus, & duce ProRege Somersetensi in Scotiam missus. Scoti quoque maxima manu obviam facti sunt, conferto verò ad Musselburgum prælio, fusi fugatique sunt, captis & occisis præcipuis nobilibus. Hanc victoriam diversarum urbium deditio secuta est, majorque nobilium defectio. Ut verò bello litique finis imponeretur, Reginam puellam procerum consilio in Galliam educandam & despondendam mittunt. Interea de veteri ritu in Ecclesiis Anglicis valde mutatum, imagines è templis, auctore Somersetensi Reformatae Religioni addicto, sublatae, Sacramentum duabus speciebus exhibitum, alique veteres mores antiquati, quique obniterentur in carcerem conjecti aut suo munere exauctorati. Qua occasione ingens seditio in diversis Angliæ regionibus excitata est, varia tamen rebellium intentione, hi prædandi causa ad-

venerant,



venerant, alii Religionis prætextu ad proprios fines collimabant, minima pars veræ Religionis ardore tenebatur. Dato diplomate, conceditur perduellibus si ab armis discedant commissorum impunitas. Verum enimvero, quò lenius habebatur, eò magis increfcebat insana factio. Exoniam obsidione cinxit, cives verò mirâ vi & virtute famisque & inediæ tolerantia obstitere. Tandem Grajus cum exercitu appropinquans, post levia quædam certamina obsidionem solvit, collectis deinde copiis pugnam de integro ausi rebelles, aut fusi aut capti & protinus suspendio necati sunt. Hac domita seditione alia haud minor in Norfolciensi agro exurgit. Robertus enim Ketus vilis conditionis vir, ad viginti hominum millia corraferat, quibus stipatus querelas aliquot Regi exhibebat. Rex quantvis cum perduellibus rationes inire indignatus, respondit se proximo Parlamento ipsorum petitiones ratas habiturum, illi autem non contenti Noricum oppidum oppugnant, expugnantque. Northamptonius Comes cum modica militum manu obviam profectus à factiosa turba profligatur, & Sceffeltus Dominus aliique interficiuntur. Novo vero auxilio confirmatus obviam de integro ivit, atque ostensa coram Regis veniam, abjectis armis, relictis signis, domum quisque reversus est. In Ketum aliosque auctores animadversum. Alius sub illud temporis exorsus tumultus

tus ultrò confedit, auctoribus solis supplicio affectis.

Galli quoque interea rupto fœdere Anglis bellum indixere. Conductaque classe Garnesæ, & Iarnesæ, & exercitu Bononiâ frustra tentatis, ultrò destitit. Angliæ interea Prorex Ammirallium fratrem, muliebri illius uxoris fraude circumventum, & parum fida accusatione condemnatum, ipse deceptus securi percussit. Quo res & auctoritas ejus ingens vitium fecit. Illi enim qui Ammirallio favebant Proregi infensi, & qui Proregi studebant parum ipsi fidentes, uno impetu quanvis diverso studio dilabuntur. ProRex quoque extruendo præstantissimo palatio (quod etiamnum Somersetense palatium dicitur) intentus, diversa templa sacras ædes, & turres diruerat, quâ injuria omnium animos haud parum alienaverat. Hac occasione usus Warvicensis ProRegi sponte infensissimus, senatores aliquot sibi propitiavit qui simul contra Proregem conjurant, missisque ad Regem Vindesorii degentem, nunciis, qui ipsum de optima procerum intentione certiorera facerent, facultatem ProRegem in carcerem conjiciendi impetrarunt. Prorex vero cum ad objecta crimina aut non posset aut nollet respondere, Regis voluntati & placito sese subjecit, quâ humilitate veniam impetrans in gratiam receptus est. Ducis quoque filia (ut contracto matrimonio pertinacius staret

ret concordia) Warvicensis filio desponsata, & ipse Warvicensis mari præfectus est.

Pace deinde inter Anglum & Gallum sancita, Bononia, solutis Anglis quadringentis aureorum millibus, Galliæ Regi traditur.

Cæsar interea, quia Romanæ Religio-  
nis usus Mariæ Regis sorori non permitte-  
retur, bellum Anglo indixit, verum ac-  
comodato tempori responso pacatus est.

De matrimonio quoque inter Elisabe-  
tham Regis sororem, & Daniæ Regis fi-  
lium, actum est, Elisabetha verò ut cui-  
quam nuberet persuaderi non potuit.

De nuptiis inter Eduardum & Galli fi-  
liam intercidit quoque sermo, quæ certa  
stipulatà dote sancitæ sunt.

Northumbriæ interea Dux, ut quæ con-  
ceperat studia tandem produceret, Somers-  
etensem Ducem omnibus modis averrun-  
care conatur. Hic vero ut insidiis præver-  
teret, quodam die cubiculum illius arma-  
tus intravit, inimicum suum interficere  
certus, cui tamen quanvis nudum in lecto  
suo jacentem offenderet, amicâ verò sive  
vera sive simulata ejus benevolentia &  
humanitatis specie emollitus, pepercit, &  
re infecta discessit. Postea vero ab eodem  
Somersetensi proditiōnis postulatus, secu-  
ri percutitur, Fati accusatoris prænuncius.  
Northumbrius verò cum hætenus res ex  
animi sententia successerant, fortunam ur-

gere certus, Regi tandem persuasit, ut si reformatam, & apud omnes tunc temporis Anglos receptam Relligionem sartam tectam vellet, præterita Maria sorore Romanis ritibus addictissima, Iohannam Grajam Gilfordi Dudlæi filii sui uxorem sanguine post sorores proximam, hæredem diceret. Rex cum omnibus modis Relligionem servatam vellet, haud ægrè (obnitentibus frustra quibusdam) assensum præbuit. Ipse paulo post ex tabe decessit, cuius morte Northumbriæ Dux voti jam compos factus, Regni moderationem sibi addicavit, Iohannamque filiam Reginam publice, ex Eduardi Testamento, proclamari iussit.

## M A R I A

ANGLIÆ, FRANCIÆ & HIBERNIÆ REGINA.

Anno 1553.

**M**aria, postquam rumor de morte fratris percrebuerat, citatis equis, Hovesdonio ubi tunc temporis degebat, in Suffolciensem agrum pervenit, cui protinus diversi proceres, pactà prius reformatæ Relligionis incolumitate, accessere, literis deinde senatum Londinensem admonuit ut se Reginam saluaret. Proceres vero omnium nomine responsum dedere, quo jus Ioannæ ex Eduardi testamento matrisque Mariæ divortium asserabant. Ad arma itaque ventum

tum est. Northumbriæ Dux cum modico exercitu Mariæ obviam profectus est. Cum verò tarde procederet, Mariæ copię mirè interea crescebant, accesserat Eduardi Hastingsii cum quatuor militum millibus uti etiam sex navium qui portus observarent, ne quâ Maria aufugeret, ad ipsam defectio, quâ jactura Londinensium & procerum animi haud parum consternantur, atque in se invicem exacerbantur. Londinensis senatus tandem, cùm partes parum constarent, Mariam publicè Reginam salutare jussus est, idemque alibi quoque factum. Northumbrius socios defecisse jam certus, ne solus discrimen subiret, Cantabrigiæ convocato urbis senatu, ipse, fecialis defectu, Mariam Angliæ Reginam (in lætitiæ signum in altum jacto pileo) proclamavit. Parum tamen illud causæ ipsius emolumentum dedit. Arundeliæ enim Comes, qui paulo ante vitam pro Ioanna pacisci, non detrectasset, Cantabrigiam veniens, Ducem frustra mortem deprecantem Mariæ nomine in vincula cum aliis conjecit. Ioanna patris Suffolciensis Ducis jussu, postquam res ceciderant, majori cum voluptate quam assumpserat, Regni insignia deposuit.

Regina Londinum profecta, sororem Elisabetham cum mille equitibus obviam habuit, Thomamque Norfolciensem, Eduardum Contenerum, Stephanum Gardinerum Vinocestriæ Episcopum, & Somers-

fetensis uxorem dato osculo in gratiam recepit. Ecclesiastica deinde munera aggressus quos Eduardus introduxerat Episcopos, ritusque, aliis subrogatis, antiquavit, (freudente nequicquam plebe) acriterque postea in Romanæ Relligionis hostes animadvertit.

Northumbriæ interea Dux, Northamptonius & Warvicensis Comites, aliique læsæ Majestatis condemnantur, Northamptonio parcitum est, Northumbriæ Dux securi percutitur, abjurata quā ante fuerat professus (spe veniæ) Relligione. Cadaver ejus juxta Somersetensem Ducem capitalem ejus hostem, inter Annam Bullenam, & Catharinam, sepultū fuit, quibus omnibus eadem pœna illata fuerat. Alii verò persistentes, conceptam fidem non ejurarunt.

Ioanna postea cum Dudlæo marito, Ambrosio & Henrico Northumbrii filiis, capitis damnata est, pœna autem procrastinata.

Matrimonium deinde inter Reginam & Philippum Caroli quinti filium, Hispaniarum postea Regem contrahitur, quæ res nonnullos, qui grave detrimentum inde rebus Anglicis augurabantur, pessimè habuit. Quos inter Thomas Wiatus, Suffolciensis Iohannæ Grajæ Patris, auspicio, sumptis armis rebellionem ausus est, allectis in partem suam aliis quibusdam nobilibus. Bretus quoque qui contra eum cum quingentis militibus missus erat, ad illum

illum deficere non dubitavit, quo successu andacior Londinum versus properavit, magnamque civibus trepidationem incussit, adeo ut juridici coram iudice armati causam dicerent.

Suffolciensis Dux interea militum in Warvicensi Comitatu delectum habebat. Huntintonius verò Comes aduersus eum missus, tantum inermi Duci terrorem incussit, ut propere aufugiens, in silvis & deviis sese abscondere necesse habuerit, tandem ab hospite suo proditus, valido cum præsidio Londinum missus & in carcerem coniectus est. Wyatus interea Londinum veniens urbe prohibetur, ad Kingstonium vero Thamesi trajecto, vim oppidanis parabat. Post leves aliquot cum Regiis velitationes, hostium copiis circumventus est, & postquam manus dederat, in custodiam missus, milites dispersi aut capti sunt. Regina illâ subditorum audaciâ exarcebata, de supplicio reis inferendo seriò cogitare cœpit. Gilfordus Ioannæ maritus primus capite plexus est, deinde ipsa Ioanna intra arcis Londinensis mœnia mira cum fortitudinis, pietatis & constantiæ laude decollata est. Princeps sane æternâ propter doctrinam & sapientiam memoriâ dignissima. Traditur etiam Morgannum, qui mortis sententiam Ioannæ pronunciaverat, paulò post ipsius mortem in rabiem incidisse, & furiosum mortuum fuisse, continue clamitantem ut Ioannam

Grajam à se facessere juberent. Suffolciensis deinde securi percutitur, & eodem die Wyatus omnium malorum causa, parcitum enim fuisset Iohannæ nisi ipse insano tumultu Reginæ iram concitasset. Qui ejus partes securi fuerant, alii alio loco & tempore supplicio affecti sunt, quos inter Thomas Grajus, nonnullis etiam parcitum. Elizabetha quoque Gardineri Vinocestriæ Episcopi malitiâ in carcerem conjecta, vitæ discrimen nisi prudenter de fide interrogata respondisset, haud dubiè incurrisset. Crudeliter quoque in Romanæ Religionis hostes animadvertitur, inter quos ipse Crammerus Cantuariæ Archiepiscopus, Nicolaus Ridlerus Londinensis, & Hugo Latimerus Worcestriæ Episcopi fidem abjurare detrectantes, igne consumpti sunt.

At Reginæ cum Philippo nuptiæ jam celebrantur, & misso à Pontifice Cardinali Polo, Angliæ quasi errores expiantur, omnesque peccata sua confessi, in gremium Pontificium recipiuntur.

Fama jam vulgatur Reginam concepisse, quo gaudio illa exultans varios qui in Turri servabantur solvi jussit, quos inter Northumbriæ Ducis filii capitis antea condemnati. Hydrops vero quo morbo laborare Regina comperiebatur, omnē spem dissipavit.

Ne autem pietatis exempla deessent, quæ hactenus possederat Ecclesiastica bona Ecclesiæ restituit cùmque admoneretur



neretur liberalitate illâ Regios redditus haud parum imminui, se animæ salutem universo mundo præferre, piè juxta & prudenter respondit.

Philippus interea Bruxellas ad patrem Carolum profectus, Hispaniæ Regnum aliasque ditiones anticipatione nactus est, deinde in Angliam rediit, postea rursus Caletum iter instituit, ad bellum cum Gallo gerendum, utraque octodecim menses isti negotio, non sine Anglorum murmure & Reginæ luctu, immoratur.

Thomas Staffordius sub illud temporis à Gallo Rege ad bellum Reginæ inferendum instigatur, & in Angliam cum copiis appulsus, arcem Eboracensem in potestatem suam redegit, à Westmerlandiæ verò Comite brevi domitus captusque, Londini securi percutitur, alique ejus sequaces suspendio necati sunt.

Regina verò quanvis conditionibus ne fieret cautum erat, mariti bellis sese immiscuit, atque exercitum duce Pembrucense, Quintini fanum obsidenti auxilio misit. Galli commeatum urbi inferre conantes, prælii aleam subire necesse habuerunt, quò superati, & nobilitatis præcipui (quos inter Momorantius, Mompenserius & Longo villanus Duces) capti sunt; Ioannes Borbonius Angianus Dux interfectus est. Secuta est urbis deditio. Quæ victoria Anglis potissimum imputata

graviori autem jactura corrumpitur, Caletum enim plusquam oportebat præsidio nudatum à Guisio Duce rei bene gerendæ occasionem aucupante, iteratis summa virtute oppugnationibus, ad deditionem tandem compellitur, postquam ultra ducentos annos Anglorum in potestate fuerat. Sequitur Guinæ non sine defensorum virtute expugnatio, atque adeò tota Gallia Angli exacti sunt. Regina mirum in modum Caleti jacturâ excruciabatur, missaque maxima classe pagis aliquot igni consumptis, vanum dolori solatium quaesivit. Pax tandem inter Reges sancitur, non tamen Mariæ conquiritur, quæ contracta ex Caleti expugnatione animi ægritudine, & corporis ex hydrope debilitate, supremam tandem clausit diem. Anno salutis M D LVIII. Regni quinto, ætatis quadragesimo tertio.

## ELISABETHA,

ANGLIÆ FRANCIÆ & HIBERNIÆ REGINA.

Anno 1558.

**S**UCCCESSIT sorori Elizabetha Henrici Octavi ex Anna Bolena filia, ex carcere ad thronum evecta, cujus auspicio Pontificia auctoritas jam secundo vitium fecit. Omnes quos induxerat Maria Religiosis ritus aboliti, resque Ecclesiastica ad priorem,

priorem , quam sub Eduardo fratre habuerat , normam reformatam.

Cum florentissimo Regno juxta & ætate frueretur , non potuit non variis atque adeo æmulantibus rivalibus peti. Maximilianus enim Augustus , Hispaniarum & Suetiæ Reges , Austriæ Archidux & Andium Dux , certatim illius gratiam ambivere , nullus verò obtinuit , primitus quia Regina non nupturiret , deinde , quia ipso Regni principio cautum erat , ne extero alicui marito nuberet , quò incolis magnatibus tanti matrimonii spes esset.

Galli & Scoti ex juniore & tenera Virginis ætate & sexu rei bene gerendæ occasionem sperantes , Anglorum fines infestâ populatione vastabant , Maria enim Stuarta Iacobi quinti filia , Francisco secundo Gallix Regi nupserat , & jus itaque Gallus sibi in Angliæ Regnum arrogabat , cum uxor ab Henrico septimo genus duceret , & Elisabetha secundis nuptiis , vivente priore Henrici octavi uxore , genita , pro notha apud inimicos haberetur. At Elisabetha ut vicinorum animos sibi conciliaret , Scotiæ subditis , qui Guisiorum malitiâ Reformatæ Relligionis ergo graviter multabantur , clam auxilium tulit , atque eò res perducta est , ut pace inter Elisabetham Gallos & Scotos sancitâ , quicunque in Scotia Romanæ Relligionis nidulabantur , facessere jussi , Angliæque insignia quæ perperam Gallus assumpserat ipsi adempta sint. Maria  
deinde

deinde mortuo Francisco in Scotiam re-  
versa est, justamque cum Elisabetha ami-  
citiam coluit, donec instigante invidiâ &  
ambitione alterius exitio tum pax violata,  
tum sororians concordia rupta sit. Maria  
enim secundis nuptiis Henrico Darleo  
Stuarto consanguineo, omnium Principum  
facile formosissimo nupserrat, quo muliebri  
ut creditur fraude postea perempto, om-  
nium subditorum odium incurrit, cum-  
que Bothuelium invitis proceribus, postea  
lecto suo associaverat, ejusque gratiâ bel-  
lum subditis moverat, in omnem miseriam  
incidit, captaque diutinè servatur, postea  
verò elapsa, in Angliam ad Elizabetham  
confugit, quæ obviis ulnis misellam ex-  
cepit. Liberaliter prius habita est, postea  
verò cum Angliæ suo ipsius hospitio tur-  
bas, Reformatis infensissima, moveret, ma-  
jori sedulitate servata. Ad octodecim an-  
nos, nunc laxiori nunc arctiori custodiâ  
detenta est, donec captivitatis impatientiâ  
efferata, & Regni spe luxurians, ipsius  
tandem Reginae vitæ insidiaretur, atque ob  
eam causam rogantibus & urgentibus An-  
gliæ Ordinibus, securi percutitur. Suffol-  
ciensis quoque Dux qui clam Reginâ Ma-  
riæ nuptias ambiverat, eodem ante fato  
extinctus erat. Elisabetha interea, labo-  
rantibus Galliæ reformatis auxilium tulit,  
recepto pignori Gratia Portu urbe Galliæ  
munitissima, cum autem illam deserere de-  
trectaret, à Galliæ Rege bellum indici-  
tur,

mur , atque oppidum obsidione recuperatur.

Gliscebat sub illud tempus acre inter Hispaniarum Regem Philippum secundum, & Belgas dissidium, bellumque : atque Elisabetha Relligionis, & regionum affinitate ducta, milite & argento Unitarum Provinciarum rebus subsidiata est. Lycestrius cum copiis in Hollandiam mittitur, cum vero secus quam jussus erat rem administraverat, nimiamque sibi auctoritatem arrogaverat, quin etiam dolo, præcipua oppida sui juris facere studuerat, Ordinum gratiâ excidit, atque in Angliam sine laude revertitur. Hoc auxilio Hispani odium Regina meruit, qui clandestinis prius dolis ejus vitæ insidiatus, deinde aperto bello, Regnum aggressus est. Conscriptam enim stupendam tum in Hispania tum in Belgio classem Angliæ inferre tentabat, speque totam jam devorabat. Anglorum verò & Belgarum virtute, quâ retenta, qua clade affecta, & potissimum adversâ tempestate dispersa, spe sua Regem defraudavit. Ab eo tempore in acre utrinque, sed maximam partem maritimum bellum erumpitur & (in occidentalibus præsertim Indiis, & Portugallia) ab Anglis & clades illata, & accepta est.

Regina dispersis illis imminentis tempestatis nebulis, publicam Deo liberatori gratiarum actionem instituit, & Triumphanti similis, Londinum ingressa est.

Non

Non tamen tumultuum expers fuit, qui vero Reginae prudentia, & mascula virtute in ipso ferè partu oppressi sunt, fitque jam Anglia persecutorum, & miserorum, qui ex flagrantibus bello Gallia & Belgio certatim advolabant, profugium.

Missus interim Franciscus Dracus Hispaniolam Insulam versus, magnum Hispano Regi in illis partibus negotium facessivit, capto Promontorio viridi, vastata Hispaniolâ, variisque sed levioribus pugnis cum ipsius copiis velitatus. Cum verò bello in continente nulla daretur occasio, non sine laude & præda domum rediit. Sequenti quoque anno per eundem Dracum triginta sex Hispanorum naves Iccium portum tenentes, aut incensæ, aut directæ, aut optimis cum spoliis, in Angliam abductæ.

Eadem penè fortunâ Essexius Comes cum ingenti Anglorum & Belgarum classe Hispaniæ oras populatus est, factoque deinde in continentem impetu, Gades expugnavit, urbeque expilatâ & triginta tribus in portu stantibus combustis navibus, prædâ gravis in Angliam reversus est. Postea vero classis Anglica Hispanorum naves, ex occidentali India cum divitibus mercibus redeuntibus, observans, in Terceram Insulam confugientibus illis, frustra fuit.

Inter Hispanum deinde & Gallum pax sancita est, Angli vero & Confoederatæ Provinciæ, eâ comprehendi detrectarunt, cum suis rebus adversam crederent, sed  
inito

inito foedere conjunctis viribus Hispanis bellum inferunt. Instigante Hispano Tir-onius Comes gravi in Hibernia exurgit rebellione, mittitur eò Essexius ut perduelles domaret, & in ordinem redigeret, ille verò occasionem hostem profligandi turpiter neglexit & secus quam jussus erat, de pace cum rebellibus egit. Domum ergo vocatus causam ante judices dicere jussus est, criminum vero convictus, humilitate sua gratiam Reginae meruit. Postea autem, sive pudore sive regnandi studio instigatus, correpta militum manu armatus Londinum ingredi non erubuit, & cum vim ipsi Reginae pararet, diffluentibus copiis ipsius, captus, prodicionis damnatus, & securi percussus est.

Carolus Bluntius ejus loco missus, diversis præliis perduellium vires mirè attrivit, & quanvis Hispanus varias copias auxilio miserat, conferto prælio Tir-onium & auxiliares Hispanos, fudit & dispersit, & deinde initâ conditione, hos Hibernia exegit. Tir-onius postea cum omnem lapidem moverat, manus tandem dedit, humiliterque Reginae gratiam flagitavit. Interea Ricardus Levisonus, cum Guljelmo Monsono, & octo majoribus & aliquot minoribus navibus, Hispaniæ oras populaturus profectus, classem Hispanorum ex America cum magnis divitiis reducem, obviam habuit, frustra que, viribus inferior, adortus est. Postea verò maximam & ditissimam

tissimam navem ad Lusitaniæ littora in anchoris stantem, expugnavit, & minoribus aliquot combustis, cum illa in Angliam rediit.

Romanæ Relligionis sub hoc temporis ministros & præsertim Iesuitas, quia malè inter eos conveniebat, & jam turbæ ab illis spargebantur, Angliâ exegit.

Ætate tandem & morbo debilis, supremam diem clausit, Anno M D C II. piè-que (nominato successore Iacobo Scotiæ Rege Mariæ Stuartæ filio) decessit, postquam quadraginta annis & quatuor mensibus regnasset, Princeps, omnibus naturæ & corporis beneficiis cumulatissima, formâ venusta, spiritu autem venustior, doctrina inter omnes excellens, bonitate & iustitia commendabilis. Mater erat cum subditos liberorum loco habebat, subdita cum legibus obtemperabat.

I A C O B U S      M A G N Æ  
B R I T A N N I Æ,

F R A N C I Æ & H I B E R N I Æ  
R E X.

**M**Orte Elisabethæ quam patiebatur res Anglicæ iacturam, successione Iacobi, & duorum Regnorum Angliæ & Scotiæ coalitione, abunde restaurata est. Hic illâ nec virtute nec Relligione inferior, conceptum subditis dolorem novo gaudio sedavit. Rex



eo felicior quod legitima successione , non turbis non bello implicitum , sed pacatissimum Regnum nactus esset. Haud secus verò atque serenissimis diebus , obortis subito nebulis , tonitrua & fulgura subinde insolescant , res quoque Britannica , quavis pacatissima quorundam malitiâ & conjuratione periclitata est. Auctores erant Henricus Cobhamus , Georgius frater ejus , Thomas Grajus Wiltonius , Gualterus Raleigh aliique. Regem vix inauguratum interficere , Relligionem mutare , turbas ciere , exterorum invasionem procurare studebat dira factio , verum enimvero re detecta , & auctoribus quâ morte multatis , quâ perpetuo carceri damnatis , quin etiam libertate donatis , in fumum hæc flamma resolvitur. Ne autem ex novis bellis quies vitium faceret , pacem cum Hispaniarum Rege jurato Anglorum hoste inivit , quæ utrinque solemniter confirmata est.

Foris quavis stabilitâ pace , novis curis tamen domi occasio data est. Cùm enim conscripto Parlamento Rex operam daret , dira quædam conjuratio detecta est , auctore præcipuo Roberto Catesbejo Romanæ Relligionis addicto. Hic postquam alios nonnullos suis partibus implicuerat , totam rem Anglicam uno ictu quasi misso coelitus fulmine extirpare nitebatur , conductæ enim , sub aula illa qua ordinum confessus ritè fieret , cellæ , nitrati pulveris immen-

immensam vim intulerat, cui injectâ igni tota domus cum ipso Rege, principe, & procerum manu in sublime raperetur, importunâ vero conjuratorum curâ quâ Montaquilinum Dominum, Morlæi filium, Parliamenti membrum, cætera ipsis amicis & gratum, periculi admonuerant, res detecta est, in crypta, non sine stupore, horrenda dirî sceleris instrumenta sunt inventa, & protinus sublata. In conjuratos deinde animadversum est, Catesbejus cum sociis, Ioanne & Christophoro Wrigt & Thoma Percio internecina glânde cum ad arma confugerat, extinctus est, alii capti & supplicio affecti sunt, quos inter Eduardus Digbejus, qui invitus hac factione implicitus, cætera optimæ indolis erat. Atque adeò nefarium illud scelus quod ipsas furias fatigaverat, expiatum est.

In Northamptonio & Warvicensi agris novis tumultibus causa data, qui primitus sine, deinde cum Duce Iohanne Reginoldo, exarsit, brevi autem hæc oppressa factio, atque auctores pœnâ affecti sunt.

Fredericus interea Palatinus Septemvir Elisabetham Iacobi filiam ducturus, Londinum appulit. Nuptiæ ingenti pompa celebratæ sunt, tristitiæ autem nebulis ex morte Henrici Walliæ Principis Iacobi filii offuscatæ. Carolus fratri in Walliæ Principatu successit. Gualterus Rauleigh postquam quatuordecim annis in carcere servatus fuerat, spe aurifodinæ in Gujana sine

sine injuria Hispaniæ Regis obtinendæ ex vinculis dimittitur, & cum aliquot navibus eò legatur. Cum verò successu fraudaretur, ne nihil ageret, urbem Santhomè sive Thomæ fanum facto impetu expugnavit, & expilatam combussit. Hispanus vero eâ violentiâ & fœdifragio offensus, de ea injuria per legatum suum apud Iacobum conquestus est, qui fœdifragum jam in patriam reducem securi percussit.

Anna Regina sub illud tempus ex morbo decessit, Princeps sanè perenni memoria propter insignes virtutes dignissima. Rex quoque in morbum incidit, præsentis vero Dei auxilio sanitati restitutus.

Palatinus interea qui Elizabetham duxerat, aurigantibus quibusdam Germaniæ Principibus Bohemiæ Rex eligitur. Imperator vero hac electione mirè offensus, indicto eidem bello, Bohemiâ illum & deinde totâ Germania exegit, qui in Hollandia communi miserorum asylo, benignum juxta & tutum hospitium invenit. Iacobus verò ut generi rebus consuleret, de matrimonio inter Carolum filium & Hispani filiam sermonem injecit.

Mittitur in Hispaniam Carolus terrestri itinere per Galliam, ubi Mariam Henrici quarti filiam quoque vidit. Magnifice ad speciem in Hispania quidem exceptus est, natâ vero inter Buckinghamiæ Ducem & Comitem Olivarium præcipuum aulæ Hispanicæ ministrum, discordiâ, matrimonii tracta-

tractatus in longum trahebantur, Carolus verò moræ insolens, à patre domum vocatus, in Angliam feliciter rediit, & postea, quam amantibus oculis in Gallia viderat, Mariam uxorem duxit.

Cætera quæ de Iacobo dicenda restant, aut relatu vix digna, aut veritati minus consentanea sunt, mortuus tandem est ex lienis quodam vitio, quanvis de veneno sumpto, mendaces spargebantur rumores, postquam viginti duobus annis regnavisset, & quinquaginta novem vixisset. Anno salutis Humanæ M D C XXV. Princeps verè Platonicus, dignus uxori maritus, probus pater filiis, bonus Rex subditis, doctissimus quia Princeps erat, & optimus Princeps quia doctus erat.

Hoc regnante Rege Anglorum in Indiis colonix constitutæ sunt, ut in Virginia, quod territorium Gualterus Rauleigh primus exploraverat, & in insulis Barmudis, quo ingens hominum numerus brevi spatio convolans, exstructis publicis & privatis ædibus, justæ reipublicæ speciem præbuit. Idem factum est in nova Anglia, magnò profugorum & miserorum solatio.

## C A R O L U S   P R I M U S ,

M A G N Æ   B R I T A N N I Æ   F R A N -  
C I Æ   &   H I B E R N I Æ   R E X .

Anno 1508.

**S**UCCESSIT patri Carolus primus , ætatis anno vigesimo quinto. Primum ipsi negotium fuit, matrimonium quod animo conceperat , cum Henrietta Maria Henrici quarti Gallia Regis filia contrahere , quæ vigesimo secundo Aprilis die in Angliam appulit , magnoque apparatu excepta est.

Adversus Hispanos deinde classis parata (amicitia enim inter Reges , ob ruptum matrimonium & Palatini negotia exoluerat ) Hollandis navibus juncta Hispaniam versus navigavit , Gadibusque frustra tentatis , in altum rediit , omnesque quas offenderat Hispanicæ naves populata , in Angliam reversa.

Iam foedus inter Anglos & unitas provincias intercesserat , junctisque viribus Hispanum fatigare constituebant, Carolus vero, cui exhaustum (propter ingentes tum itineris sui in Hispaniam , tum classis sumptus ) ærarium erat , Ordinum confessum conscribere necesse habebat , illi vero cum Buckinghamius præcipuus Regius minister , ipsique supra omnes charissimus rationem nondum reddiderat , quod petebat Rex subsidium negarunt , qui argentum

propterea aliunde petere compulsus est, quo ingentem de novo classem collexit, quæ cum Batavorum navibus obvias quasque aut ex Hispania redeuntes, aut eò vela facientes, diripuit, ipsasque ejus Regni oras, mirè infestavit, cùm verò nec ipsis Gallis parceretur, Anglorum aliquot in illis partibus naves detentæ sunt, & mercatorum bona fisco addicta. Auxerant indignationem Romanæ Relligionis ministri qui cum Regina in Angliam irreperant, & clandestino negotio Anglorum res turbabant, ex Regno faceffere iussi, donis tamen & honorariis aucti. Gallus hac veluti injuriâ offensus Dominum Bassopetrensem Legatum extra ordinem in Angliam misit, qui tantum egit, ut nonnulli revocarentur.

Nec tamen eò contentus Gallus omne cum Anglis negotium subditis interdixit, quod & Carolus fecit. Crescente interea invidia, Ludovicus illinc Rupellanos premebat, hinc Carolus obsessis auxilium ferebat, quanyis flaccescente quorundā animo parum proficiebat, qui ob ignaviam, in Angliam reduces, in carcerem conjiciuntur. Præsertim contra Buckinghamium, expeditionis ducem acres à Parlamento querelæ institutæ sunt, *Quod nimirum militibus Anglica reipublica stipendia non facientibus, maritima quædam oppida servanda tradidisset, ducesque exoticos istiusmodi muneribus præfecisset. Quod summo istius Regni detrimento & periculo*

riculo Germanos milites in Angliam induxerat. Quod ipso suatore unum post aliud Parliamentum nulla re acta dissolveretur. Quod ipse plurimos prestantes nobiles suis muneribus immeritos exauctorasset, aliosque minus dignos substituisset. Quod bellicæ expeditiones imprudenter aggressæ, malum semper exitum habuerant, ut nuperâ memoriâ ad Rupellam visum erat. Quod mercatura illo auctore vitium fecerat. Quod apparatus bellicos ipse aliò deduxerat, & immensam navium vim mala administratione perditum ierat, aliaque.

Carolus verò ne ulterius cum Buckinghamio ageretur, confessum protinus dissolvi iussit. Et continuis obsecrorum precibus victus, novas conscripsit copias, Rupellanis duce Buckinghamio auxilio mittendas. Cum verò ipse jam navem conscendere paratus erat, à Iano Feltone nobili Anglo, qui hoc facinore Patriæ parentabat, cultro interfectus est. Percussor vero captus, vitam laqueo finivit. Nôvo deinde conscripto Parlamento, conquestus Rex quod Tributum Doliare (ut vocatur) ipsi negaretur, responsum habuit istiusmodi subsidia nunquam, nisi urgente necessitate Regibus concedi solita, melius itaque fore si abusibus qui passim irreperant, præcaveretur, quapropter iterum & ipse confessus dimittitur.

Cunctis interea negotiis supersedetur, si quis enim tributum illud, non persolveret, Regis, si solveret Ordinum indignationem

tionem incurrebat, atque adeo haud dubiè sequentibus malis causa præbita est. Rex Parliamento pervicaciâ offensus, aliquot istius membra Ioannem Eliots, Petrum Samonem, Dominum Hubertium Equitem, Seldenum, Caritonem Densirium, Collisium, & Valentinum in carcerem coniecit, iudicesque qui de eorum causa cognoscerent constituit, illi vero cum præter consuetudinem se lectos putabant, rem aggredi detrectabant, quid potissimum facerent incerti, hinc enim Rex, illinc populus premebat. Regii ministri interea ad mercatores, quos recepto vocabulo, Aventurarios dicebant, nuncios misère, ut suas merces more solito venui exponerent hortantes, omnia Regi curæ fore, modo debitum tributum solverent. Ipsi vero negabant, nisi Ordinum consensu hoc fieret.

Idem & alii mercatores fecère, memoriæ enim hærebat, illata ante centum annos mercatoribus pœna, qui invito Parliamento tributa persolverant, ex quorum facultatibus, ne res posteros lateret, sacellum extructum erat, quod *Oldermans Berry* hodie indigitatur, immo peregrinus quidam mercator, qui soluto prætio, merces suas exposuerat, omni commercio excluditur. Atque ea ratione indignationi utrinque causa datur. Pax interea cum Gallis sancita, & Regina filium primogenitum Carolum enixa est. Hispanus quoque



que variis bellis & ærarii penuriâ implici-  
tus, pacem cum Carolo inire satius ha-  
buit quam ad ultimam rerum despera-  
tionem perducì, nec tamen cò melius in-  
ter Regem & subditos conveniebat.

Accesserant enim aliæ & graviores dissi-  
dii causæ. Rex communium & receptarum  
orationum librum imprimi curaverat, ut  
illi quibus non eadem animi influentia,  
haberent quod imitarentur, & præsentì  
stylo ad majorem intentionem incitaren-  
tur. Hic jam per omnem Angliam, in ædi-  
bus & templis prælegebatur, Scoti verò  
scrupulosa in opinione gens, quæque  
perviciaciæ minus quam indulgentiæ no-  
men exhorrescit, & citius in Relligionem  
quam ejus ritus peccaret, publicè detrec-  
tabant, illi potissimum qui affectatam pu-  
ritatem exhibentes Puritani audiunt.

Carolus vero ut pertinaces in ordinem  
redigeret, conscripto protinus exercitu,  
Scotiam invadere aggressus est. Occasio-  
nem præbuerat Iacobus Hamiltonius, qui  
à Carolo in Scotiam ad incolarum ani-  
mos priusquam ad arma veniretur placan-  
dos missus, rem studio malè administrave-  
rat, quippe qui Scotiæ Regno inhians tur-  
bas ciere tentabat, & ex turbis rei gerendæ  
occasionē capeſſebat. Scoti ab alia parte ne  
otiosi exitium opperirentur, cum suis co-  
piis, sed vexillis & signis non explicatis,  
armisque in humilitatis signum humi de-  
pressis, Regi obviam profecti sunt. Sed

quando jam uterque exercitus in procinctu staret, Angli ne manum cum fratribus confererent, pugnam detrectarunt, pacem ergo cum Scotis inire, parum justis conditionibus necesse habuit, quâ confirmata Londinum rediit. Vix enim reversus erat, cum factiosi quidam homines, quique ex tumultu & bello bonum rebus suis auspicium aucupabantur, Regis ignaviam suggillantes, ad novum cum Scotis bellum, incensum sponte animum instigabant, quapropter denuo in Scotiam cum exercitu proficiscitur, eademque qua ante militum contumaciâ, spe sua delapsus est. Scoti quoque arctius contra Regem foedus quod vulgato vocabulo (*convenant*) dicitur, icere. Ipse itaque cum in rerum penuriam inciderrat, Ordinum confessum conscripsit, & subsidium illos poposcit, sed frustra, ad alias propterea artes confugio opus fuit. Regina quæ eâdem quâ Rex curâ premebatur cum Carolo Rosseto Comite, aliisque Barbarinorum ministris Panzanio & Cunæo, de subsidio ex Pontificis ærario impetrando egit (in scio tamen ut creditur Rege) promissa si spe non defraudaretur, Catholicis per Hyberniam, majori in suis ritibus libertate. Rossetus verò negabat alicui, nisi Catholico (ut dicunt) Principi id genus subsidii posse concedi, si verò Rex receptam Relligionem abjurare, & Romanæ Relligioni adhærescere vellet, omne auxilium spondebat. Ipso vero tantum Sacri-

legium

legium exhorrescente, nihil actum est. Rossetus verò propter hoc negotium magno premebatur discrimine, Angli enim qui post ejuratam Romanam Religionem, peste & morte pejus illius nomen oderant, conspecto ejus asseclas majori jam libertate gaudere, & auctorem Rossetum non ignorantes, tumultuariâ manu impetum in eum faciunt, ut frustulatim noxium exosæ superstitionis ministrum discerperent, ipse autem vix ignotis vestibibus elapsus, inter Reginæ matris Mariæ de Medicis, in Anglia tunc temporis degentis familiares se clepsit, & Iohannis Iustiniiani, Venetorum Oratoris ope postea periculo se subduxit, conscensâque nave in Flandriam enavigavit, postquam verò Romam venerat, propter rem bene gestam, Cardinalitio galero à Pontifice Urbano octavo donatus est.

Hiberni interea in novam rebellionem exarserant, & Regni Ordines omnibus modis tanto malo remedium meditabantur. Rex quoque haudquaquam quietus liturgiam de novo impressam omnibus Angliæ Ecclesiis obtrudebat, omnesque secus atque Elizabethæ tempore fuerant ritus prohibebat. Interea ne nova dissensionum causa deesset, septem Sacrifici Romani in carcerem trudentur capitisque à Parlamento condemnantur. Verum Gallici Regis Orator, casum ipsorum miserans, mortem illorum apud Regem deprecabatur.

cabatur. Rex negabat se quidquam sine Parlamento consensu in illo negotio valere. Fit ergo ad Ordines instantia, qui se haud invitos præbuere. Rex postquam hoc resciverat, importunâ anticipatione illius rei gratiam præoccupare satagebat, atque injussu illorum Sacrificos ex carcere liberari jussit. Ordines præmatura Regis auctoritate offensi, prius decretum in mortis sententiam commutarunt. Rex iterum insistere, & liberationem urgere, nequaquam desistere certus, priusquam Ordines justo numero congregati, plenâ auctoritate rem judicarent. Illi verò sponte sua monachorum unum aut alterum mortis supplicio afficiunt. Mirum quantam vulgi benevolentiam sibi hoc facto conciliaverint, præsertim cum publicis scriptis, Regis auctoritatem commaculare immo evertere conarentur, additis adulatoriè plebis favori accommodatis verbis. Rex contra in nobilium vel supremæ domus confessu, de inferioris aulæ insolentia, conqueritur, acrique sermone in ipsius pervicaciam invehitur, se posse & nolle ad tantas injurias connivere. Alii rursus de nimia Regis auctoritate sermonem injiciunt & remedia flagitant. Rex interea hos exauctorare, illos inducere Regni ministros, ut inter cæteros Montjoium Turris Londinensis præfectum loco moverit, alio, suæ parti addicto, invecito. Inferior autem domus hoc secus interpretata, quasi omnem

nem regnandi auctoritatem ad se pertrahere Rex conaretur, novum arcis præfectum apud supremæ aulæ Ordines incusabat ut factiosum hominem, quique antea à iudicibus capitis condemnatus, ad ministerium tanti momenti ineptus erat. Addens quoque rem illam periculi nequaquam expertem esse, si forte arcis usu totam urbem populumque Londinensem perditum ire vellet. Superior Domus tale dedit responsum, *Ni falcem alienæ mæsti immittere studerent, in illo negotio Regi ullum impedimentum faceffere, nefas esse. Munia distribuere, antiquam & receptam Regum prærogativam esse.* Consensum illis verbis haud occultè negans. Inferior autem Domus ad veteres conversa abusus, interminatur, ni secum nobiles consentiant, se rem ad plebem delaturam, acreque indignationis incendium excitaturam, publicam quietem nimio studio turbare non erubescens. Nec diu ecce immensa famulorum (quos prentises vocant) aliorumque scurrarum manus ad aulæ portam convenit, clamitans, & detonans, ni arcis præfectum quem papistam, seditiosum, nefarium & indignum hominem appellabat, loco moveant, Cælum se terræ immisturam; tantumque præstabat, ut tum Rex tum Ordines assentire compellerentur.

Perditus sanè in justa republica abusus, si cum studia minus valeant, vis & violentia, & insanus plebis furor rerum ordinem

vertat. Nec eo contenta furibunda hominum proluvies, facto de integro assultu Episcoporum Regimen oboleri, omnesque Romanæ Religionis addictos ordinum confessu prohiberi contendit, utque rei necessitatem imponant, Westminsteriense templum antiquâ Majestate venerandum, lymphaticis similes invadunt, inque Divina ornamenta, organa, sepulchra & quicquid aut vetustate decorum, sumptibus pretiosum, aut artificio æstimandum, sæviunt: Vix defunctorum ossibus & cineribus parcitum, eò usque ipsos hæc puritana impuritas adegerat. Ad Regium Palatium fit exinde concursus, vasta voce detonantium, & idem urgentium. Rex verò omnes ad sua negotia facessere jussit, gravi secus facientibus indicta pœna, & ne in posterum istiusmodi impetus ipsi metuerent, stipatorum majori manu sese muniebat. Ordines sive metuentes sibi, sive Rege inferiores esse nolentes, justam quoque civium manum in sui securitatem duce Essexio Comite poscunt. Rex verò nec consensit, nec negavit. Novam deinde & inusitatam rem aggressi, confessum extra ordinem in urbana curia, quæ graviora & occurrentia negotia disceptaret, conscribunt, inscio vel invito Rege. Utque Majestatem gravius læderent, ejus partem infirmarent, aut potius insolescenti plebi litarent, duodecim Episcopos in carcerem conjiciunt, quia publico diplomate  
jus

ius suum defendere conati erant. Pessime illa res habuit Regem eosque qui domestica quiete carius & gratius nihil habebant, illi vero qui ex turbis & tumultibus rebus suis emolumentum sperabant, occultè gaudere, discordiam fovere, & omnem lapidem movere, donec ipse Bristolliensis Comes cum filio eodem periculo involve-  
retur (Staffordius præcedenti anno in plebis gratiam securi percussus erat, vir laudatæ & acceptissimæ sapientiæ) cuius factum postea Guljelmus Laudus Cantuariæ Archiepiscopus Regni Primas, secutus est. Hæc autem omnia extra Regem erant, nunc viscera ejus tangebant, Reginam enim Majestatis insimulare non dubitant, quasi clam Hiberniæ motibus causam præbuisset, & occulte animos illorum sponte mobiles, ad defectionem sollicitasset. Rex hac re motus, inferioris Domus quinque, & superioris unum proditoris accusabat. Mandevillæ mîmum Vicecomitem, Dominum Pym, Hambdenum, Hascbingium Equitè, Dominos Holles & Strodam, clarè demonstrans hisce tumultibus & dissidiis occasionem illos fabricasse. Accusationis articuli hi erant: *Quod fundamentales leges evertere, Regemque suâ auctoritate exnere conati fuerant.*

*Quod subditorum animos ab eodem alienare tentaverant.*

*Quod eodem artificio Regios milites ad defectionem sollicitaverant.*

*Quod extranea auxilia ad Regnum occupandum procuraverant.*

*Quod Parliamentum ejusque jura pessundare nixi erant.*

*Quod omnimodè Ordines ad se & suam sententiam pellicere studuerant, atque ideo plebis concursum & motum excitaverant.*

*Ultimo quod hoc belli incendium contra Majestatem conflaverant.*

Hiscæ inferiori confessui prælectis articulis, petebat Rex ut mitterentur qui ex templo scripta eorum scrutarentur, missi vero ad Regem sunt qui ipsi desuaderent, & Parliamenti nomine se vades pro fide accusatorum constituerent. Rex verò se cæcam subditorum obedientiam postulare, respondit. Alii rursus Regem Parliamenti privilegia evertisse hoc facto contendebant, & dictam accusationem ut famosum libellum notabant.

Rex itaque vim vi opponere certus, militum suorum auxilium implorat, & sequentibus quingentis armatorum, ad aulam convolat, & omnibus foris opperiri jussis, solus ipse truculento & irato vultu intrat. Cùmque accusatos nullibi conspiceret, seriò bonam suam erga Parliamentum ejusque leges & privilegia, inclinationem demonstrat, accusatos simul Dominos sibi tradi postulans, atque adeo eodem quo venerat modo in palatium suum rediit, iterumque fécialem misit ad vestigandos incusatos. Deinde ad curiam quâ  
Ordinum



Ordinum cæteri conventum habebant, iter instituit, ubi deintegro bonum suum animum coram exhibebat, & invidiam quâ petebatur amoliri tentabat, nihil mutare, nihil secus facere se velle atque Elizabethæ tempore factum erat, asseverans, ad prandium deinde ad Scheriffi cujusdam ædes non sine periculo propter efferatam plebem, concessit. Inferior autem confessus, communicato nobilibus consilio, hunc Regis in sua privilegia rigorem, omnibus modis ulcisci constituit, civibus arma statim ministrabat, officinas claudi jubebat, & conventibus ad quinque dies super sedebat. Omnibus quoque civibus interdiciunt Ordines, nequis Regi in vestigandis accusatis operam navaret, invisum adeo Regem plebi quantum poterant reddentes, eiusque auctoritatem vellicantes. Rex interea, cum gliscente jam inter duos confessus invidia & discordiâ ad evertendos plebis conatus uti potuisset, in violentam iracundiam erupit, Londinensem arcem præsidio firmat, & deintegro accusatos prodicionis reos declarat, omnibus simul prohibens eosdem aut celare aut aliò devehere, illorum fortunam ipsi promittens, qui aut vivos aut extinctos illos proderet. Verum enimvero tantum aberat ut Regi mos gereretur, ut accusati magna civium coronâ stipati, freudentibus nequidquam Regiis, Senatum rursus intrarent. Nondum vero satis erat, Parliamentū enim per urbem

diffamabat, Regem exitium civibus, urbi-  
que incendium meditari, jam paratum esse  
impetum, omnesque Romanæ Relligionis  
sequaces in procinctu stare, quod haud  
parum civium animos exacerbat. Urbis  
verò Senatores meliorem viam ingressi  
Regi humiliter demonstrabant jam plus sa-  
tis incensam esse plebem, demitteret ergo  
ab acerbis consiliis, rei que modum inve-  
niret. Quibus summa inodoratione Rex  
respondit, læsam simul auctoritatem suam  
graviter conquerens. Parliamentum verò  
cum eò rem perduxerat, haud quaquam  
desistendum ratum, Decimo sexto tan-  
dem Ianuarii die Anno millesimo sex-  
centesimo quadragesimo secundo, immo-  
dicam civium & agrestium manum con-  
scripsit, quæ liberum Ordinibus ut præ-  
tendebat confessum præberent, ad vi-  
cinos quoque agros literæ confestim  
dantur, quibus quam poterant maximo  
numero in armis convenire subditi jube-  
bantur, prælatâ jura & privilegia tuendi  
causa, quo nomine certatim maxima ho-  
minum copia convenit, adeo ut viginti ad-  
modum militum millia in promptu jam es-  
sent, ad primum nutum parata. Hisce co-  
piis jam stipati proximo die rem magnam  
& extremam aggredi statuunt, Regem ni-  
mirum ut tyrannum & reipublicæ hostem  
proscribere.

Rex vero maturè admonitus, relicta urbe  
Hamptoncurtium properè confugit, sena-  
toribus

toribus suis sequi jussis præsertim Essexiæ, & Hollandiæ Comitibus, ipsi verò detrectarunt malæ conscientiæ morfu tacti. Rex itaque exiguo comitatu iter fugienti similis ingressus est, adeo ut præ festinatione minus præparata ipse cum uxore & liberis eodem prima nocte lecto uti necesse habuerit. Ipse jam hostium manibus elapsus scriptis editis causam suam coram toto mundo defendere satagebat, auxilio tamen destituebatur. Ordinibus verò, secus evenit, Londinum enim jam totum contra Regem in armis stabat, plateæ & compita catenis & obicibus intersepta, tormentis metuenda, Ordinum quoque copiæ quatuor equitum militum adventu auctæ, cymbæ ipsæ & lintres ad bellum aptati, quin & civium famuli, aut discipuli ad Parliamenti nutum parati erant, & quâ fustibus, quâ stipitibus, quâ gladiis & hastis armati, intrantes senatum Ordines ceu satellites circundabant; atque ab eò tempore non Westmonasterii ubi solitum, sed in ipsa urbe conventus habebatur, quo melius civium animos sibi conciliarent Ordines rebusque suis viciniore essent, quanvis Rex per Essexium sententiam rogatus aperte negavisset. Illi itaque vi pertinacem ut dicebant Regis animum aggredi statuunt. Urbium maritimarum præfectis jussere ne Regiis mandatis nisi Ordinum auctoritate & sigillo munitis, obtemperarent, uno adeo ictu omnem Regis auctoritatem præcidentes

cidentes, cui rei præcavere potuisset si maturo consilio illa oppida sui juris fecisset, suoque præsidio munivisset. Rex cum vim parari videret, & Hamptoncurtii parum tutus esset, Vindeforium confestum properat, quo ad eum Galliæ Regis orator venit, qui sequestrum se inter Regem & subditos præbebat, cum verò neque Rex neque Regina ejus verbis fidem haberent, parum operæ navavit. At Rex jam primitus spe suâ se delapsum vidit, cum Wallo- rum & Eboracensium ad rei famam defectionem sibi imaginatus, metu ipsorum turbata consilia conspiciebat.

Parliamentum verò quod Regis angustia non latebat rebus suis jam insistendum putans, condiciones Regi præscribit, ut nimirum eodem quo Scoti modo Angli regerentur, atque adeo quotiescunque vel- lent comitia conscribere, & munia quibuscumque placebat distribuere ipsis licitum esset, Episcopi quoque Parlamento arcerentur, quos utique Regis partibus addictiores invenerant, atque istiusmodi alia. Maxima momenti oppida interea Ordines in potestatem suam redigunt, inter quæ Hulla erat, quò Rex antea Novi castri Comitem miserat, qui deditionem peteret, oppidani verò qui antea Parliamenti jussa acceperant, quid facerent incerti, inter spem metumque hærebant, deinde verò ampliore Ordinum mandato confirmati, Regem excludere. Spe itaque frandatus  
ad.

ad mitiora consilia se convertit, literas ad Parliamentum dedit, quibus hortabatur, ne rem tam acriter urgerent, à violentia desisterent, innocentiam suam & sinceram intentionem coram Deo hominibusque contestatus: Ordines verò parum illis moti verbis Hiberniæ interea rebus prospiciunt, quæcumque poterant rebellibus destinata auxilia prævertentes, datâ omnes Dunkerckanas naves vel in ipsis Angliæ portibus perscrutandi Hollandorum Ammirallio Martino Trompio, licentiâ. Digbeus quoque & Lans-Fortius, Regi addicti prodicionis postulatur, hic captus, ille vero in Hollandiam effugit. Missis interea nunciis Regi pro datis literis gratias agunt, rogantque Majestatem ut Londinum redire dignaretur. Rex vero quanvis gratitudo ipsorum placebat, in aulam tamen reverti detrectabat, ne novum à plebis insolentia periculum incurreret. Male habuit Parliamentum hæc Regis tergiversatio, tum quia interim mercatura minus procedebat, tum quod destinata consilia eo minus urgere poterat. Supplicem itaque libellum cudent inferioris aulæ Domini, *Quo licentiam sibi dari rogabant præfecturas, tam maris quam terræ, consulatus, aliaque Regni dignissima munera quibus vellent impertiendi, oppidis quoque necessariis munitionibus commeatuque pro re nata succurrendi. Et ulterius progressi, antiquos Reginæ famulos, tam Anglos quam Gallos, uti & Relligionis ministros depelli petebant.*

*Episcopos*

*Episcopos porro cum Romanis ritibus addictis Baronibus, Comitibus arceri, Ecclesiasticorum quinquaginta concilium convocari, Principes & proceres extra Regnum abire. quin etiam fœdus cum exteris Principibus aut Rebus publicis inire sine Parlamenti consensu, prohiberi. Rogabant ultimò ut Rex Sacramentum daret, nullum cum Regina neque in Ecclesiasticis, neque politicis rebus consilium ineundi.*

Hæc superioris Domus proceribus demonstrata haud quâquam placuere, ut quibus clarè Regia auctoritas lædebat. Quo inferior domus offensa, ad receptas pridem artes se convertit, rem ad plebem referre, eamque in nobiles ut reipublicæ hostes & Regis partibus addictos, incitare, interminata. Flocci autem istiusmodi minas proceres pendebant, donec jam coalescentem inferioris Domus consilio plebem, immo (quod mirum) Scotorum oratores (contra patriæ suæ utilitatem) ab illa stare, conspicerent. Quibus tandem territi rebus, graviusque prævidentes periculum, quanvis inviti, consentiunt. Vingt ergo delecti ad Regem cum hisce conditionibus legantur, quæ postquam Rex viderat, consilium super illis inire, & sententiam suam scriptis exhibere, recepit. Postea vero cum ab omni parte angustii premeretur, in hæc conditiones consensit, ut nimirum Parlamenti esset, Regni urbes commeatu implere, modo apparatus Rex ante certior fieret, munia quoque distribuere si ex  
tribus

tribus denominatis, unum eligere Regi concederetur. Quod ad Episcopos, de illa re ut cæteris graviori, penitius consuleret. Hic Regis consensus quanvis laxioribus terminis circumscriptum voluissent, summo applausu & gaudio ab Ordinibus accipitur, cum tantum ex eo auctoritate crescebant, quantum Rex decreſcebat. Eò tamen rem perducebant, ut ipsa potestas rata haberetur, dum ordinum confessus erat, scilicet semper, cum pridem noxia indulgentiâ tantum illis tempus Rex concesserat, quantum ipsi petiverant, cum sine suapte voluntate dimitti aut dissolvi nequaquam poterant.

Et ne concessa auctoritas suo fructu fraudaretur, extemplo eam, ambrogatis & subrogatis quibusdam ministris & præfectis, instituunt. Nec eò contenti, at regis licentiâ jam superbientes accusatos sex Dominos non ultra reos agi, sed omni criminis aspersione liberari petūt, quibus Rex, indulgere jam certus, & illud concessit. Fractus adeo Regis animus uti adversariorum extollebat, ita amicorum spem deprimebat, quippe qui nimiae illius lenitati parum fidentes, imminētis infortunii ictus declinare satius habebant; pars enim relictis Comitibus domum profecta, pars voluntarium exilium continuo metui præferentes solum vertebant, utrumque confessum hostibus relinquentes, illi enim jam rerum potiebantur, omnia pro animi sententia

sententia moderabantur , nullo mustire aucto.

Iamque locuples Ordinum numerus ad illam paucitatem redactus erat , ut in superiore non ultra viginti quinque, in inferiori sede , vix octoginta membra numerarentur , diffluentibus passim Regis amicis , immo postea vix sexdecim in prima aula inventa. Acerrima interea in Romanæ Religionis addictos animadversione debacchantur , classemque quæ mediterraneum mare negotiis assereret , ex Regis facultatibus conscribunt , quo ejus tam imminuta potestas , quam fracta est auctoritas.

Regina quoque tot calumniis , & asper-  
sionibus fatigata, sententiam suam in Hol-  
landiam proficiscendi, filiamque Guljelmo  
Aurangio desponsatam, ad sponsum comi-  
tandi, protulit. Et Parliamentum ut & illo  
Regem præsidio nudaret , haud ægrè con-  
sentiit. Rex vero ut manifeste demonstret ,  
ipsius præsentiam nullis malis causam præ-  
buisse , ante discessum ejus Parliamenti  
postulatis , de excludendis Comitibus Epis-  
copis assentiit , qui errorum ipsius haud  
minimus fuit. Utque clare suum in recep-  
tam Religionem animum exhibeat , seve-  
rum in Papistas edictum divulgari curavit ,  
omnesque illorum ministros Regno exegit.  
Mirum quanto cum gaudio illud acceptum  
sit , triumphalibus ignibus Londini & alibi  
ovatum , nisi mavelis feralibus de Regia  
aucto-



auſtoritate actum eſſe. Regina interea Doverii claſſem conſcendit, & non ſine veris lachrymis ultimum vale dedit, accepitque, præſagiente nimirum animo, hunc diſceſſum triſtiſſimi divortii augurium eſſe. Ordines interim Regis conſenſum, ſuper lectis aliquibus Regni miniſtris, flagitabant, Rex vero cui jam pridem errores quos commiſerat innotuerant, jam tergiverſari, & rem producere cœpit. Illi vero negationis impatientes, miſſis legatis ipſi deuunciant, *Parliamenti eſſe ad arma conſu- gere, ſuamque auctoritatem vi defendere, ni Rex properè juſtis (ut dicebant) petitionibus aſſentiat.* Cumque longius à Londino diſcedere Rex ſtatuerat, orabant inſuper ne faceret, ſed potius ſi ipſe nollet, filium ſuum Londini degere permittat. Rex hanc petitionem haud parum miratus reſpondit. *Se iſtiusmodi propoſitis maximam in admirationem rapi, reſponſum tamen quod daret nescire. Manum cordi admovent, & explorarent uter malorum ex bello inſeſtino pullulantium tunc cauſam daret. Quod ad filium, ſe de eo ut patrem proviſurum, neutrum unquam Londino diſcedere voluiſſe, niſi ab inſolente plebe metuendum fuiſſet. Cæterum pacem omni modo acquirere ſe percupere, quicumque arma ferat, non morari, Divinæ providentiæ innixum.* Atque adeo diſmiſſi ſunt nuncii. Ordines vero jam non cunctandum rati, publicis edictis omnibus provinciarum præſectis jubent ad arma convenire, ſuoſque ſubditos, qui bello gerendo

gerendo apti haberentur, ad signa cogere. Eosque insuper ministros quos Rex constituerat, protinus exauctorarunt, aliosque suapte auctoritate superinduxere. Præstantissimi, & prudentissimi ejus temporis viri, illum Parliamento apparatus in fumum dissolutum iri putabant, cum istiusmodi consilii participes, læsæ Majestatis crimen evitare non possent. Londinensis quoque Senatus hac insolita & inaudita Parliamento audaciâ se læsum arbitrabatur, cum e ratione omni auctoritate nudabantur. Regi quidem suas querelas exhibent, ille vero quid faceret, qui ligatas pridem manus expedire nequicquam contendit. Parliamento deinde supplices libellos exhibent, quibus præcipui Londinenses mercatores nomina subscripserant.

Cùm verò responsum ut par est præstolarentur, in subscribentes animadvertitur. Sic omnia in pejus ruebant. Rex interea quem Ordinum conatus non fugiebant, omnem ritè ad se nobilitatem convocabat, ut Parliamento consiliis moram injiceret. Ordines ut Regem blandis verbis consopirent omnem lapidem movêre, cumque hoc minus succederet, accusatoribus & criminibus illum onerant: *Quasi Religionis mutationi aures præbuisset, Scoticis ut & Hyberniciis tumultibus causam dedisset, ipsi saltem qui plurimum apud eum pollebant, Reginam occulte suggillantes.* Addebant ministros tum Pontificis tum Hispaniæ & Galliæ Regum animum

mum induxisse Regem priori auctoritati restituere, aliaque quæ justificandis illorum factis Regique commaculando inserviebant. Rex quidem editis scriptis hanc amoliri invidiam odiumque declinare conabatur, quibus tamen nihil profecit. Ordines enim novo diplomate priores articulos tum augebant, tum adornabant, maximam præsertim injuriam sibi ex Regis discessu, cui ipsi causam præbuerant, illatam dicebant.

Rex interea Eboracum cum Principe, Palatino & Richemundiæ Duce, aliisque proceribus, iter instituit, ulterius haud quaquam deludi, sed vim vi opponere & cum indulgentiâ non poterat, armis jura sua protegere, certus. Ordines quoque haudquaquam desidebant, sed præcipua oppida munitionibus & præsidio confirmabant, Hullam præsertim maximi momenti urbem. Warvicensis quoque Comes qui Angliæ oras observet cum triginta navibus bellicis mittitur, Pennintonium quoque Præfecti maris Legatum qui cum Regina in Hollandium navigaverat, citatis nunciis domum revocant, magnamque argenti summam domandæ rebellionis specie (cui & Rex haud ægrè partem suam attribuisset) corradunt. Carolus verò interea jussa ipsorum evertendo, & contrariis edictis prohibendo: illi autem inobedientes, vel ipsum Regem summo supplicio terrendo operam navabant, summo  
ipforum

ipforum , qui moderatiora studia prætulissent, dolore.

Rex postquam Eboracum venerat, summa benevolentia à subditis suis acceptus est, coramque omnem Papismi invidiam, quâ aspersus erat, amolitur. Ordines verò quos hæc Eboracensium studia malè habebant, datis literis blandis verbis confertis, animum Regis emollire contendunt. Epistolam supposititiam ab Elisabetha Palatina quasi scriptam exhibent, qua pessimè ab Ordinibus Belgicis Reginam exceptam esse, diffamabant, quam ut invidiam declinaret, Ordinum Orator Ioachimius, de eo mendacio apud Parliamentum conquestus est, quippe quo Magistrorum honos haud parum offuscabatur, quorum in advenas Principes splendor & benevolentia omnibus terrarum partibus abunde innotuerat. Tantumque perfecit ut publicè fictitiæ literæ crematæ sint. Rumor quoque haud minus mendax spargebatur, in Daniæ portibus magnam Carolo Regi classem parari, atque adeo quisque utrinque studet partibus suis tum favorem tum auctoritatem conciliare. Verbis jam satis decertatum erat, & ad verbera res ducenda. Quid multum? in apertum bellum erumpitur. Rex omnes tum torquatos equites tum eos qui nobilitatis vinculo Coronæ addicti erant, undique Eboracum convocat. Parliamentum contra capitis poenam indixit, si quis ad Regem abeat. Ex inferiori tamen  
domo

domo viginti membra ad Regem deficient , Regis majoris quam Parliamento mandata facientia .

Sequebatur interea Cantianorum supplex ad Ordines scriptum , quo humiliter flagitabant : *ne sine Regis consensu quidquam peragatur .*

*Ne de Liturgia aliquid immutetur .*

*Vt Ecclesiasticus Episcoporum ordo restauretur .*

*Ne fundamentales Regni leges sine Regis permissu antiquari paterentur , nec arma ipsius injussu imperentur .*

*Vt bonus ad concordiam rerum restabiliendam modus iniretur .* Aliaque .

Ordines vero non modo responsum negabant , verum etiam tam in scripti oblatorem , quam in Bristolliensem Comitem qui illud acceperat , graviter animadverunt , in carcerem utrumque conjicientes , ut in posterum istiusmodi postulatis via præcideretur , freudentibus nequicquam sociis , & aperte demonstrantibus summa injustitiâ illam libertatem præcidi , cum aliis longe injustioribus petitionibus aurem præbuerint . Ordines interea cum à legatis ad Regem missis nihil actum comperirent , priora mandata exequi statuunt , jubent provinciarum præfectis quod prius injunxerant jam perficere , & quantocyus justum armatorum numerum conscribere , qui haud ægrè rem aggrediuntur , cum ex turbulentis rebus rei

agendæ occasionem sperarent. Nonnulli tamen rem alius vestigantes, injussu Regis arma capessere detrectarunt.

Penintonium quoque in patriam reducem, ut Regis partibus addictiorem, Ordines loco movere constituebant, ille verò cedere negabat, nisi Regis jussu cogeretur. Rex ejus fidem nequaquam aspernatus, assentiri & Warvicensem quem surrogare cupiebant, confirmare noluit. Inferior autem Parliamento confessus, ingratis superioris, sine Regis auctoritate nefas putantis, rem urget, prioremque electionem confirmat, & Regis studio exacerbatus serio bellum aggredi statuit. Quicquid commeatum aut bellicorum instrumentorum Hullæ aut alibi habebatur Londinium vehi jubet, metu ne aliquando Rex urbe & munitionibus potiretur, illi verò quorum hæc curæ commissa erant, Regis injussu tradere pernegarunt præfectum urbis dari urgentem & incassum dira quæque minitantem, flocci pendentes.

Somersetenses interea Parliamento pervicaciam averſantes, supplicem, Cantianorum exemplo, libellum Ordinibus offerunt. Illi vero hac offensi audaciâ, per carnificem illum cremari jussere, ut ab hujusmodi scriptis Somersetenses deterrent, qui majori ad justa flagitanda numero convenire interminati fuerant.

Rex quoque cum justo exercitu in Hiberniam trajicere ad domandos perduelles,

les, petebat. Ordines verò ne rebelles ad partem suam pelliceret, & illorum copiis auctus in Angliam rediret, metuentes, negarunt, & suos metus tot miserorum solatio prætulere. Ipse interea Essexium Cubicularium suum & Lestrium Hiberniæ pro Regem, & Hollandiæ Comitem, ob inobedientiam muneribus exauCTORabat. Ordines vero contra, unumquenque suo injussu illa aggredi, sub capitis pœna prohibent, Warvicensem simul confirman-tes. Utque omnium animos magis instigarent, & contra Regem exacerbarent, belli apparatus maximum ab eo contra rempublicam legesque fieri, disseminant, subditos simul propterea Sacramento suo solutos esse jactantes. Rex vero contrarium editis scriptis exhibuit. Immo cum Lincolnæ aliquot subditi copiatim convenientes Regis causam defendere offerrent, prohibuit ipse pertinaciter, & ut pacis amorem omnibus demonstraret, domum quemque facessere jussit, sub illa conditione ut cum vocarentur adesse vellent, quingentos tantum pedites, & quinquaginta equites corporis præsidio retinens. Hac Regis lenitate adducti, ad eum plures defecere procures, immò ipse magni sigilli custos tot injuriarum insolens, qui postquam commissorum veniam impetraverat, amice à Rege habitus est. Quod aliis pluribus defectionis quoque causam præbuit, adeo ut in superiori aula haud



ultra quindecim , ij verò acerbissimi numerabantur. Qui de integro novis demonstrationibus super educatione liberorum Regis , Regni muneribus , aliisque prioribus haud quaquam dissimilibus , ejus animum fatigant , nihil autem profecere , ipsi enim qui contra Hibernos perduelles duces & milites conscripti erant , sponte relictis signis , ad Regem Eboracum versus convolant , quapropter ille stipatores suos ad mille ducentos pedites , & ducentos equites , omnes nobili prosapia oriundos , augebat , quibus ad majorem honorem , Walliæ Principem præfecit. Hi , quando fidem postulabantur , omnes una voce Regis causam defendere jurarunt , nobilium verò quisque ducentos pedites in armis afferre ultrò , si res posceret , recipiebant. Qua subditorum constantiâ tum etiam ex Hollandia recepta modica argenti summâ in novam spem Rex erigitur. Eboracensibus deinde decimum tertium Iuuii diem dixit , quo ad notatum haud longe ab urbe locum convenirent , qui obtemperantes ad sexaginta hominum millia conveniunt. Rex cum filio , proceribus , sexcentis equitibus , & aliquot peditum copiis , illis conspiciendum se præbuit , conceptaque oratione , bonam suam intentionem in Relligionem & Parliamentum causamque jura sua & Regiam dignitatem defendendi , exhibebat , præsens quoque militum præsidium excusabat , ordinum deinde acta demonstrabat.



strabat. Et extremò si quis rebus suis operam navare vellet, bonum stipendium promittebat, cum incolarum non exterorum auxilio uti cuperet. Hanc orationem pars summo applausu excepit, pars verò scorsim conveniens supplicem libellum cudebat, quo postulabat, bonam Rex cum Parlamento concordiam servaret, qui defeecerant procures ad Comitata remitteret. Linceus vero Comes Cubicularius Regius, & Lavelius, dissidio qui ex hoc scripto proveniret, præcavescentes, in ipsa origine factionem suppressere. Quo offensi, ad quinque hominum millia relicta Regis causâ aliò faceffunt. Rex vero viginti admodum addictorum millibus stipatus Eboracum venit, cunctisque domum abire præcepit.

Ordines vero hæc res minimè latebat, qui propterea dictos Comites proditiõis insimulant, quia nimirum subditis querelas offerendi licentiam præripuerant, non recordantes se istiusmodi exemplo aliis præluxisse, cum Cantianorum & Somersensium preces non modo inhibuerint, verum etiam in precantes animadvertent.

Exercitum etiam decem peditum & duorum equitum millium conscribunt & Eboracum mittunt, spe aliorum accessione auctum iri, justamque argenti summam petunt mutuò à Londinensibus certatim sua aurea & argentea vasa & quidquid prætiosæ supellectilis erat, spe magnorum redi-

tuum, offerentibus. Regis verò incipiebat infortunium cum detentis per collybum Londinum proscriptis, viginti librarum millibus, quæ Regina in Hollandia oppignoratis Regiis monilibus, mutuò acceperat, quod magnum rebus ipsius detrimentum attulit. Ordines verò eò magis increſcebant, qui (freudentibus incaſſum nonnullis) magnum exercitum conſcribere conantur. Rex quoque qui conſultius tempus traxiſſet, morasque nexuiſſet, ad hos belli apparatus connivere nequit, verum enimverò quà literis, quà dolo, quà aperto bello rem indefinenter & impatienter urgebat. Hullam quoque attractis in partem præſidiariorum nonnullis, aſtu capere ſategit. Hothamo vero loci præſide fidem negante, & quanvis multi diffluereſſent milites, Scotorum adventu ſuccenturiatis copiis, fruſtra fuit. At quia hoc non ſucceſſerat ad pacis ſe conditiones convertit, obtulitque, modo Londinum ſeditioſam urbem derelinquant, aliumque conventui oppidum ſive Oxoniam, Vinocęſtriam, Cantabrigiam, Eboracum, Briſtollium aut Nothingamum. eligant, ſe propediem conſeſſui interfuturum, & ſeveriter in diſſidii auctores animadverſurum. Ordines verò ne illud apud Londinenſes vitio verteretur, aliam urbem proponere, haud quaquam ex re duxere, cum illorum ſtudio ſupra omnia opus erat. Rex itaque cum & illud minus ex voto fluebat, proditiōis  
publico

publico edicto infimulat, si quisquam Ordinibus aut argento aut aliâ quâquam re auxilium tulerit. Londinensibus quoque si illud fecerint, suis privilegiis & immunitatibus quas magnas obtinent, nudare interminatur. Ordines contra, quo potissimum poterant colore causam suam depingebant. Diversa ex eo animorum studia & inclinatio: plebes quæ cæco quodam errore & obviorum specie haud difficile ducitur, Parlamento causis mordicus adhærebat. Ii verò quorum melior conditio, rei domesticæ causâ haud ægre tributa solvebant, ne forte Ordinum ministri officinas, specie necessitatis, invaderent. Nobilitas omnis pæne pro Rege stetit.

Rex interea Novumcastrum & Barvicum Anglorum præsidio firmat, quo rebus suis haud dubie defuit, & Scotorum animos abs sese alienavit. Pactum enim ante erat ne Anglico, sed Scotico milite tenerentur. At cum aliunde auxilia affluerent, Scotis susque deque habitis, suæ tantum causæ studuit, & quanvis pacis obtentu plurium animos sibi conciliavisset, ejus autem desperatione adactus, Hullam quæ astum suum effugerat, armis aggreditur. Cataractas primitus & deinde publicas obsedit vias, quo rerum angustiam premerentur oppidani, horum autem virtute & audaciâ, frustra fuit. Ordines quoque jam publicè ad arma conclamarunt, & Essexiunt Comitem peditibus, Bedfordiensem equitibus

tibus præficiunt. Rex vero Cumbriæ Comitum virum nobilissimum dominoque fidum, peditibus præposuit, scriptis interea causam suam coram toto mundo agens, Hullamque sibi tradi postulans, ut præfecti insolentiam puniret; sed frustra. At ne bello indicto sua solemnia decissent, signa sua Nottinghami primitus explicuit. Cum vero minorem quam crediderat hominum concursum cerneret, ad conditiones iterum se convertit, nuncios ad Ordines misit qui factum excusarent, pacisque articulos peterent. Ordines verò qui non ignorabant, illud magis ex necessitate quam amore provenire, omnibus in suam utilitatem utuntur, quin & legatos ante senatum reos agi iussere, gentium adeo legem evertentes. Regi deinde indicant, ni propere Londinum redeat, & nobiles qui ad illum confugerant ad Parlamentum remittat, ut in eorum capita pro re nata animadverteretur, atque ex eorum bonis militiæ prospiceretur, se arma nunquam deposituros. Dura sanè conditio, quæque haudquam nisi ferro vindicari potuerat. Non deerant tamen qui Regi auctores extitere, ut istiusmodi postulatis assentiret; nondum verò deerat animus. Ad arma tandem post tot tantaque præludia, conclamatum est. Verum enimvero explicatis penitus diffidii causis vela colligemus, breviterque ut à principio propositum erat, rem perstringemus, ad finem properabimus, ne vastum  
iterum

iterum rerum campum ingressi, nos viribus, & lector studio destituitur. Veniam tædiosæ itaque prolixitatis præfati, pergemus. Ad apertum ergo jam bellum ventum erat, quo nunc ab hac, nunc ab illa parte, ancipiti fortunâ victoria stetit, non sine magna sanguinis civilis jactura. Quæ omnia editis libris speciatim enumerantur, ad quos si eorum teneatur amore, lectorem dirigo. Essexius Parliamento copiis præfuerat, cujus postea locum Fairfaxius occupavit, qui summo studio Regis partibus contrarius erat. Diversa conferuntur nunc hic nunc illic prælia, varia expugnantur oppida, maximam partem adversâ Regi fortunâ, qui Oxoniæ quoque postea a Fairfaxio obsessus, eminentis vestibibus effugere necesse habuit, & ad Scotos ad novum Castrum subsistentes se contulit, spe ab iis (ut ipsi jactabant) fidelibus subditis, ut par erat, se humaniter habitum iri. Verum enimverò cum fortuna & fides vitium fecerat, nullumque in miserum studium erat. Illi inquam cum boni esse non poterant, mali esse volebant, utque manus innoxias servarent, Regem Anglis tradidêre, sub illis conditionibus (utdicunt) ne vis aliqua Majestati afferretur. Angli jam voti compotes ad Hollenbæum castrum, & illinc Hamptoncurtium, quò paulo ante tanquam ad asylum confugerat, nunc perjurum carcerem, illum deferunt. At quia parum tutus ille locus videbatur,

Veſtem inſulam verſus raptum, undis & Hammontio tribuno ſervandum tradunt. aſtuto commento utentes, reſiſta enim in menſa epiſtolâ quadam admonebatur quaſi Rex, eſſe qui vitæ ejus inſidiarentur, quo metu territus, ut ad locum tutum, Veſtem verſus confugit. At quot in iſtiusmodi rebus fieri amat, plebes quantumvis antea in Regem efferata, nunc caſum ipſius miſerata, & errores ſuos contemplata, cauſam ejus agere inſtituit. Offerunt Ordinibus preces, ne ad pacem cum Rege condeſcendere dedignentur, tantumque fecêre ut ad conditiones tandem ventum, & pax utrinque ſancita ſit, ſummo Regis, Ordinum &, ſubditorum applauſu. Verum enimvero Fairfaxius ejusque Legatus Cromelius rem turbandam omnibus modis cenſuêre, ne forte imaginatâ pridem, quam poſtea obtinueret, rerum ſummâ deſtituantur. Et jam plebe (volubili monſtro) primitus ſibi propitiatâ, victoriis ſuis fidentes, militumque robore & inſano impetu audaciores, concluſam jam pacem conturbant infringuntque, rationes ſimul exhibentes, quibus minus licitum videbatur conditiones cum Rege (ut vocabant) Tyranno inire, neceſſarium verò, rem jam peractam bello & ſanguine reficere. Sequebatur ſupplex ad Parliamentum libellus, quo in Regem jure & legibus animadverti, omniſque cum eo tractatio intercidi petebatur.

Ordines vero militum suorum insolentiam averfati, & jam quanvis serò quos commiserant errores conspicati, responsum negaverunt.

Exercitus autem contemptu ferocior, & jam omnibus quasi obedientiæ solutis claustris insolentior, neglectis jure fideque, partim Novum castrum versus convolat, Regemque jam justa libertate gaudentem, & spe quietis & tranquillitatis exultantem, capit, captumque ad Horstum castrum deferit, mox iterum Londinum versus movens urbem ipsam in potestatem suam redigit, & præcipuos aliquos comitiorum assessores in carcerem trudit, dum cæteri qui hanc tempestatem præviderant, fugâ sibi suæque saluti consulunt. Spectandum sanè Divini judicii specimen. Illi enim qui dominum suum prius male habuerant, jam à suis ipsorum militibus, & injusti furoris servis coguntur, violentiâ & carcere premuntur. Omnes qui ad Regiam auctoritatem penitus eradicandam, cum exercitu consentiebant, dignitati suæ & facultatibus restituti sunt. Rex deinde anno millesimo sexcentesimo quadagesimo octavo ceu bello captus, quasi in triumpho Vindesorium versus conducitur, quâ ignominia diversi, qui antea eum peste pejus odebant, nunc ipsius miseriâ & rerum sorte permoti, publicis scriptis rem suggillarunt, hisce negotiis immisceri nolentes. *Bona sanè intentio si maturius adfuisset,*  
& Chri-



& Christiana misericordia, si non ex eme-  
rita improbitate provenisset. Cæteri nullis  
exemplis territi, in actionibus cum exerci-  
tu procedunt, simulque tribunal novum  
& inauditum erigunt, quod in causam  
Regis animadverteret, iudicesque legunt,  
quorum nomina omnibus nota, propterque  
nefarium iudicium, & atrum facinus, carbo-  
nibus notata. Præsidem se ipsum consti-  
tuerat Fairfaxius legatique munus Cro-  
melio crediderat. Ordines verò interea  
qui in perfida fide perseveraverant, harum  
omnium rerum invidiam à se amoliri, &  
Ecclesiasticis imponere, illi iterum illud  
odium declinare & publicis se scriptis pur-  
gare satagunt, utrum verò perverso quan-  
vis decepto aliquorum studio, aliquid im-  
putandum sit nec ne, haud facile judicave-  
rim, innocentes omnes non puto. Utcun-  
que sit, se satis superque excusarunt, & Fair-  
faxio ni desisteret, & negotio supersederet,  
Divina juxta & humana supplicia inter-  
minati sunt. Annus jam infelicis hujus  
seculi millesimus sexcentessimus quadrage-  
simus nonus agebatur, mensisque anni  
primus, quando tremendo iudicio exor-  
dium dabatur. Rex jam ad tribunal reus  
agitur, atque horum criminum postulatur.  
*Quod dira sanguinis effusioni tam in Anglia  
quam in Hibernia causam præbuisse.*

*Arma adversus Parliamentum gessisset.*

*Commissionis diplomata tum filio tum aliis ad  
bellum gerendum dedisset, ut nimirum propriam  
auctori-*



*auctoritatem , summo publicæ libertatis detrimento  
eveheret. Ex quibus nascitur conclusio,  
eum proditoris reum , atque adeo proditorem ,  
Tyrannum, populique & rei publicæ hostem esse.  
Ad hæc omnia subrisit Rex, responsique  
nihil dedit, cum legitimum hoc suum tri-  
bunal non arbitraretur, quapropter coram  
illo causam suam agere non tenebatur.*

*Indices autem eò magis efferati cum  
aliquoties illum stitissent, de objectis crimi-  
nibus interrogassent, ipseque jure suo fre-  
tus constanter responsum negasset, inaudi-  
tum nec convictum, Omnibus dignitatibus  
elapsus, alta proditoris reum, & propterea ut  
proditorem, Tyrannum, latronem, & reipublicæ  
hostem securi percutiendum pronunciant, accla-  
mante indefinenter populo.*

*Cum diceretur eum à populo condem-  
natum fuisse, mulier quædam subjunxit,  
dimidium popularis Senatus non adfuisse,  
ipsi autem statim injunctum est silentium.  
Prolata sententiâ ut executioni mandetur  
festinatum est, quanvis tum Belgarum Ora-  
tores Hadrianus Pauw, & Albertus Ioachi-  
mius, tum etiam Scoti omnem operam na-  
varent, quo minus procederetur. Domi-  
num Iuxtonum Londinensem Episcopum,  
& duos liberos penes se obtinuerat, hos ad  
corporis, illum ad animæ solatium. Libe-  
ros tandem donatos, & lachrymis abun-  
de tum patris tum suis ipsorum maden-  
tes dimisit, ministrum tantum reti-  
nuit, qui Regi ad ultimum usque vitæ arti-  
culum*

culum adfuit. Palatinus princeps, & Richemundiæ Dux præfentes Regi extremum vale dicere petierant, Rex autem negabat, ne novo luctu jam Divina fpe exultantem animum tubarent. Adest tandem trigefimus Ianuarii deftinatus diræ executioni dies. Et Rex (proh nefas) ante Epularem domum erectum ferale pegma confcendit. De quo ultimâ oratione adftantem populum allocutus eft, & cum jam fatis fuperque innocentiam fuam conteftatus fuiſſet, morti fe tandem accomodat, & humiliori quam par eſſet trunco cervice impoſita, & per larvatum carnificem ſecuri percuſſa, moleſtam vitam pacatâ morte commutavit. Anno M D C X L I X.

F I N I S.

